

Evangelio según SAN LUCAS

¹ Teófilo, ¿ñaboati m̄? Jesús ĩ bajire queti m̄re ucabosaḡu yaja ȳ. Jājarā masa Jesús ĩ bajire quetire ucayuma ĩna. ² Jesús buerā, ȳare ĩna goticatore bajirone ucayuma. ³ To bajiri, ȳ quēne, ti queti jedirore quēnaro buecōari, tire m̄re ucabosaḡu yaja ȳ. ⁴ “Ti quetire quēnaro masijeocōato” yiḡu, m̄re ucabosaja.

Oco rāca masare bautizarimas̄ Juan vāme c̄tiḡu, ĩ ruyuare

⁵ Judea sitana ɱj̄u, Herodes vāme c̄tiḡu ĩ ñarirodo ñañañarā Zacar'ias, ĩ manajo Isabel vāme c̄tigo rāca. Zacar'ias, Ab'ias ñamasir'i jānami ñari, pai ñañaju ĩ. ĩ manajo quēne pai, Aarón ñamasir'i jāneño ñañaju so. ⁶ Dios ĩ ĩajama, quēnarā ñañañarā ĩna j̄arāj̄une. ĩ rotirore bajirone yiyujarā ĩna. Masa quēne, “Rojose yirā ñaama ĩna”, ĩnare yimasibesujarā. ⁷ Rīa mana rīne b̄c̄urā ñacoasujarā ĩna. B̄to rīa c̄tiruar̄ḡūboayujarā, bajirāj̄uma.

⁸⁻⁹ Cojor̄m̄ Diore yir̄c̄buoriavij̄u moañañuju Zacar'ias, ĩ yarā rāca. ĩna yir̄ḡūriarore bajiro yiyujarā: “Ñim̄j̄ua ‘Dios ĩ ñarisōa’ vāme c̄ti sōaj̄u ĩ sājaro ĩar̄āsa mani” yirā, reac̄ūañujarā, ḡūtarine. To yiḡajanocōari, “Zacar'ias ñaami, tisōaj̄u sājaroç̄” yimasicōari, ĩre sājartiyujarā ĩna.

—Quēnase sutisere bueaya m̄ —ĩre yiyujarā ĩna.

To bajiri, tisōaj̄u sājajecōari, bueyuju ĩ, Zacar'ias. ¹⁰ Tire ĩ buetoyene, macaj̄j̄u ñacōari, jājarā masa Diore sēniñañarā ĩna. ¹¹ To bajiri quēnase sutise ĩ bueñarone, ĩ bueñaricasabo riojocat̄aj̄uare ruyuar̄ḡūñuju ángel.

¹² To ï bajirone ïre ïaucacoasuju Zacar'ias. To bajicõari, bũto ïre güiyuju. ¹³ To ï bajirone, ado bajiro ïre gotiyuju ángel:

—Yũre güibesa mũ. Dios ïre mũ sēnirũgũsere mũre ajiami. To bajiri, ado bajiro mũre yicõami: “Macũ cõtirũo-como so, ï manajo. Juan ïre vãme yato”, mũre yimi Dios —ïre yigotiyuju ángel.

¹⁴⁻¹⁷ To yigajano, ado bajiro ïre gotirũtuasuju, Zacar'iare, ï macũ ñarocũ ï bajirotire gotigũ:

—Mũ macũ ñarocũre Juanre ïre ïacõari, “Yũre quēnaro rũcũbũoami”, yirũcũmi Dios. Ado bajiro bajirũcũmi mũ macũ: ï jacore sãñagũjurene, Esp'iritu Santore cõarũcũmi Dios, Esp'iritu Santo ï ejarēmose rãca tũoĩacõari, Dios ï bojarore bajiro Juan ï yirũgũrotire yigũ. Masa rojose ïna tãmũoborotire ïnare yirēto-bosacõari, “Rotimũorũgõrũcũmi” yigũ, Dios ï cõarocũ, Cristo ï ruyuaroto rĩjoro ruyuarũcũmi mũ macũ. Idire mecũosere, to yicõari, vinore quēne idibetirũcũmi. ï suorine jãjarã Dios ï bojarore bajiro tuditũoĩarũarãma Israel ñamasir'ĩ jãnerabatia. Diore gotirētobosamasir'ĩ El'ias vãme cõtimasir'ire bajiro masare güitũoĩabecũne gotimasiõrũcũmi. Jacũa ïna rĩare “Tudimaiato ïna” yigũ, gotirũcũmi. Diore ajimena, “Tũoĩavasoato ïna” yigũ, to yicõari, “Rotimũorũgõrũcũmi” yigũ, Dios ï cõarocũre Cristore yurã, quēnase ïna tũoĩavasoarotire yigũ, to bajiro yirũcũmi. To bajiro yirocũ ï ñajare, ï ruyuario bũto variquēnarũcũja mũ. Jãjarã masa bũto variquēnarũarãma, bũcũacu to bajiro ï gotisere ajicõari —Zacar'iare ïre yigotiyuju ángel.

¹⁸ To ï yirone, ado bajiro ïre yicũdiyuju Zacar'ias:

—¿No bajiro mũ yisere ïacõari, “Riojo yami”, mũre yimasirũcũada yũ? Rĩa mana bajiaja yũa. Jēre bũcũo

ñaamo yu manajo. Yu quēne bucu ñaja yu —ïre yiyuju, ángeljuare.

¹⁹ To bajiro ï yijare, ado bajiro ïre gotiyuju ángel:

—Diorãcagu ñaja yu, Gabriel vāme cutigu. “Quēnase queti gotiaya” yigu, yure cōami. ²⁰ To bajiri mure yu gotirote bajiro bajiruroja. Adire yu gotisere quēnaro ajiya mu: Yu gotisere “Bajibetoja” mu yituoïajama, ñagōbecu ñacoarucuja mu. Mu macu ï ruyuario bero tudinagōcoarucuja mu, bajigujuma —Zacar'iare ïre yigotiyuju, ángel.

²¹ To ña gāmerā yināro ūnone, macajūju Zacar'iare yucōa ñañujarā ña. Yubusaboana, “¿No yigu to cōro yoaro bajiati?”, yituoïañujarā ña. ²² To ña yinārone, budicoayuju ï yuja. ña tujere budiejacōari ñare gotimasibesuju, ñagōmasibecu ñari. To ï bajisere ñacōari, “Diore yirūcubūoriaviju Dios ï ruyuaïosere ñar'i ñari, bajiami”, yimasicōañujarā ña. ñare gotimasibeticōa tujasuju ï. To bajiro bajigu ñari, ï āmorine ï bajirere ñare gotiyuju.

²³ Diore yirūcubūoriaviju ï moarūgūre moagajanocōari, ï ya viju tudicoasuju ï yuja. ²⁴ To ï baji tudiejato bero, guda ñacoasuju so, ï manajo, Isabel vāme cutigo. To bajiri cojomocārācu muijua cōro vi budibeco bajiñañuju so. ²⁵ To bajiñagōne, ado bajiro yituoïañuju so: “Rīa manicoadicaju yu. To bajiri buto bojonerūgūcaju yu. Yucurema Dios yure ñamaicōari, quēnaro ï yijare, guda ñaja yu yuja”, yituoïa variquēnarūgūñuju so.

Jesús ï ruyuarotire ángel ï gotigu eja re queti

²⁶ Isabel vāme cutigo cojomo cōro, coja jēnitarirācu muijua, guda so ñatusato, quēna gaje queti ïre gotirotiyuju Dios, ángel Gabriel vāme cutigure. Galilea sita, Nazaret vāme cuti macaju ïre cōañuju Dios. ²⁷ Toju ñañuju so, Jesús jaco ñaroco, Mar'ia vāme cutigo. Mamo,

ũmua rãca ñabeco ñañuju so. Uju David ñamasir'i jãnami, José vãme cutigu manajoroco ñañuju so. ²⁸ To bajiri Gabriel, so tu ejacõari, ado bajiro sore yiyuju:

—¿Ñaboati mu? Gãjerã rõmia rëtoro quënarõ mure yigu ñari, quënarõ mure codeami Dios —Mar'iare yigotiyuju ï.

²⁹ To ï yirone, tire ajicõari, buto tuoïarejaiyuju so: “¿No yigu to bajise yure yati ï?”, yituoïarejaiyuju so. ³⁰ To bajise so yituoïarone ado bajise sore gotiyuju ï, Gabriel:

—Yu gotisere tuoïarejaibesa mu. Buto mure maiami Dios. ³¹ Yu gotisere quënarõ ajiya. Guda ñarucõoja mu. To bajicõari, macu cutirucõoja mu. Macu cuticõari, Jesús ïre vãme yirucõoja mu. ³² Masigũ ñarucumi mu macu. Mu macure, “Yu macu ñaami”, ïre yirucumi Dios. ï ñicu, David vãme cuticacu, “Israel ñacacu jãnerabatia uju ñaña mu” yigu, uju ïre cõcumi Dios. ïre ï cõcatore bajirone mu macure quëne uju ïre cõrucumi ï. ³³ To bajiri Israel vãme cuticacu jãnerabatiare rotimucõgõrucumi mu macu. ï rotise jedibetiruaroja ti —Mar'iare sore yigotiyuju ï ángel.

³⁴ To ï yisere ajicõari, ado bajiro ïre sënĩañuju so:

—Ûmua rãca yu ñabetiboajaquëne, ¿no bajiro yure bajiroti ti? —ïre yisënĩañuju so.

³⁵ To so yisënĩarone, ado bajise sore yigotiyuju ï:

—Dios ï rotise rãca guda ñarucõoja mu. Esp'iritu Santore mu tujũ ïre cõarucumi. To bajiri mure ejacõari, mure macu yirucumi ï. To bajiro mure ï yijare, mu macu ñarocure, “Quënegũ, quënarõ yigu, Dios macu ñaami”, ïre yimasiruarãma masa. ³⁶ Mu yo Isabel vãme cutigo quëne bucõo ñaboarine, macu sãñagõ ñaamo so. Cojomo cõro coja jënituarirãcu muijua jëre guda ñatusajamo so, rĩa magõ ñna yiboacacõne. ³⁷ Dios quënarõ sore ï yijare, bajiamo so. Disejuane Diorema josase maja. ï yimasise

rĩne ñacõaja. To bajiri bajiamo. Mũ quẽne, to bajirone bajirũocoja mũ —Mar'iare yigotiyuju ĩ.

³⁸ To ĩ yisere ajicõari, ado bajiro yiyuju so:

—Dios ĩ rotirore bajirone yirũocoja yũ. To mũ yirore bajirone yũre yato Dios —yiyuju so, Mar'ia, ángeljuare.

To so yiro bero, vacoasuju ĩ, ángel Gabriel vãme cutigũ.

Isabel tũju Mar'ia so ĩagõ vare queti

³⁹ Tiju bero, gajeyeũni quẽnosãjeo, guaro vacoasuju so, Judea sita bũto buri jairoju, Isabelre ĩagoaco.

⁴⁰ Toju ejacõari, Zacar'ias ya viju sãjaejacõari, ĩ manajore sẽnĩñañuju so. ⁴¹ To so yiro ajicõari, so gudajoa sãñagũ sũca yuguuiyuju ĩ. ⁴²⁻⁴³ To ĩ yirone, Esp'iritu Santo ĩ ejarẽmose rãca tuoĩacõari, ado bajiro Mar'iare gotiyuju Isabel:

—Yũ ẽju jaco ñaroco ejaja mũ. Bũto quẽnaro mũre yiyumi Dios. Mũ macũ ñarocũre quẽne, bũto quẽnaro ĩre yirũcũmi. Ñamasugõ me yũ ñaboajaquẽne, yũre ĩagõ ejaja mũ. ⁴⁴ Yũre mũ sẽnĩĩarone, yũ gudajoa sãñagũ sũca variquẽnagũ, yuguiami. ⁴⁵ “Dios ĩ goticõariarore bajiro bajirũocoja yũ” yitũoĩagõ ñari, variquẽnaja mũ quẽne —Mar'iare yiyuju Isabel.

⁴⁶⁻⁴⁹ To bajiro so yirone, variquẽnagõ ñari ado bajiro yiyuju Mar'ia:

—Ĩ bojarore bajiro yirũa tuoĩagõ ñaboarine, ñamasugõ me yũ ñaboajaquẽne, yũre ĩamaicõari quẽnaro yami Dios. To bajiro yũre ĩ yise ñajare, “Ñie rojose mano yũre yirẽtobosarũgũgũmi”, Diore ĩre yivariquẽnaja yũ. Bũto quẽnaro yami Dios, ĩ bojarore bajiro quẽnaro yũ yirotire yigu. ĩ ñagũmi masijeogu. Quẽnaro yigu ñagũmi. To bajiro quẽnaro yũre ĩ yise ñajare, “Quẽnaro sore yiyumi Dios”, yũre yirũgũrũarãma masa ñajediro.

⁵⁰ Īre r̄uc̄buor̄are ĩamaic̄ōari, quēnaro yir̄üḡüḡūmi Dios.
To bajirone yic̄ōa m̄uor̄üḡōr̄uc̄ūmi.

⁵¹ “Ḡājer̄ā r̄ētoro masir̄ā ñaja ȳua” yit̄uoīar̄ā, no bojase ĩna
yir̄uaboasere ĩnare yirotibesumi Dios.

⁵² Ujar̄āre ñamasur̄ā ĩna ñar̄uaboasere ĩnare ñaroti-
betic̄ōari, ñamasumenaj̄uare, “Ñamasur̄ā ñato”,
yiyumi.

⁵³ Ñie manare quēnasere ĩnare c̄ōaboarine, gajeyeūni
jair̄ārema ĩnare c̄ōabesumi.

⁵⁴⁻⁵⁵ Adire masiritibec̄ū ñari, to bajiro yiyumi: Mani ñic̄ū,
Abrahamre, ĩ beroanare quēne, “M̄ua masare, m̄ua
j̄ānerabatiare quēnaro yic̄ōa ñar̄uc̄ūja ȳu”, ĩnare
yigotimasiñuju Dios. Tire masiritibec̄ū ñari, to
bajiro yiyumi —Isabelre yigotiyuju Mar'ia.

⁵⁶ Idiar̄ā muijua sore baba c̄ūtiñaboā, so ya viju tudicoa-
suju Mar'ia.

Juan v̄āme c̄ūtigū, masare oco r̄āca bautizarimas̄ū, ĩ
ruyuare

⁵⁷ Mar'ia so tudiato bero, mac̄ū c̄ūtiyuju so, Isabel. ⁵⁸ So
mac̄ū c̄ūtisere ajic̄ōari, “Quēnaro sore ejar̄ēmoḡū yiyumi
Dios”, yit̄uoīañujar̄ā ĩna, so yar̄ā, so tuana quēne. To bajiro
yit̄uoīar̄ā ñari, sore variquēna ejayujar̄ā ĩna.

⁵⁹ Ī ruyuariaro bero, cojomo c̄ōro, idia j̄ēnitarir̄ūm̄ari
ĩ c̄uotusato, ĩ tuj̄ure ejayujar̄ā masa, ĩna yir̄üḡūriarore
bajiro s̄ūcare circuncisión yir̄ā ejar̄ā. To yic̄ōari,

—Ī jac̄ū v̄āmene ĩre v̄āme yito mani —yiboayujar̄ā ĩna.

⁶⁰ To ĩna yiboajaquēne, jacoj̄uama,

—Bajibeaja. Juan v̄āme c̄ūtiami —ĩnare yic̄ōañuju so.

⁶¹ To so yiro ajic̄ōari,

—M̄u ya j̄ūnana ti v̄āmere v̄āme c̄ūtibeticoayuma —sore
yiyujar̄ā ĩnaj̄uama.

⁶² To yic̄ōari, Zacar'iare, ĩna ãmorine ado bajise ĩre
sēniñañujar̄ā:

—Mɯ macure, ¿No bajise ïre vãme yiruati mɯ? —ïre yisēniãñañujarã ïna.

⁶³ To ïna yijare, ñagõbecɯ ñari, ucariajãi sēniñuju Zacar'ias. Tijãire ãmicõari, “Juan vãme cutiami, yɯ macɯ”, ïnare yiuca ïoñuju ï. Ti ùnire ïabetirügũriarã ñari, no yimasibesujarã ïna yuja. ⁶⁴ Tirĩmarone, tudiñagõcoasuju Zacar'ias quēna. To bajicõari, “Quēnamasucõaja”, Diore yivariquēnañuju. ⁶⁵ Ti quetire ajicõari, bɯto güiyujarã ïna tɯana ñajediro, ti ùnire ajibetirügũriarã ñari. Judea sitana burori cutoana jediro ti quetire gãmerã gotibatoyujarã ïna. ⁶⁶ ïna gotibatosere ajicõari, Zacar'ias macure Dios ï ejarēmose ñajare, “¿Вѣстѣсѣ, no bajiro yigɯ ñariquĩda?”, yitɯoĩañujarã.

Zacar'ias ï basare queti

⁶⁷ Cojorũmɯ Esp'iritu Santo ï ejarēmose rãca Diore gotirētosagɯ, ado bajiro basayuju Zacar'ias:

⁶⁸⁻⁷⁵ —Tirũmɯjɯ ado bajiro Diore gotibosamasiñujarã ïre gotirētosamasiriarã: “Sĩgũ, Ʋjɯ David ñamasir'i jãnami, mɯa jãnerabatiare ejarēmogũ ruyuarɯcɯmi. Ruyucõari, mɯa jãnerabatiare ïaterimasa sɯorine rojose ïna tãmɯoborotire ïnare yirētosarɯcɯmi”, Diore yigotirētosamasiñujarã ïna. Ado bajiro mani ñicɯare gotimasiñuju Dios: “Yɯ goticatore bajiro mɯare, mɯa jãnerabatiare quēne ïamaicõari, quēnaro ïnare yicõa ñarɯcɯja”, manire yigotimasiñuju Dios. Mani ñicɯare, Abraham vãme cutimasir'ire quēne ado bajiro gotimasiñuju Dios: “Yɯ ñaja Dios. Riojo mure gotiaja yɯ. Mɯ jãnerabatiare gãjerã ïna ïatese sɯorine rojose ïna tãmɯoborotire ïnare yirētosarɯcɯja yɯ. ïnare güimenane, yɯ bojarore bajiro ‘Yimasiato ïna’ yigɯ, to bajiro yirɯcɯja yɯ.

Adire masiritibetirucuja yu. To bajiri, ñna catiñaro cõro ‘Yũare ñagũmi Dios’ yimasiritimenane, yu bojarore bajiro quẽnaro yirũgũrũarãma”, yigotimasiñuju Dios. To bajiri, ñre gotirẽtobosarimasa, ñna gotimasiriarore bajiro, to yicõari ñ masune ñ gotimasiriarore bajirone yiguagu yigumi Dios yuja. Yoaro mene adi macarucuroju vadicõari, ñre ajitirũnrãre rojose mani tãmuoborotire yirẽtobosaguagu yigumi. To bajiro yirocu ñ ñajare, “Quẽnaro yaja mu”, Diore ñre yivariquẽnato mani —yibasavariquẽnañuju Zacar'ias.

76-79 To yigajanocõari, “Ado bajiro yirocu ñaja mu”, ñ macure yibasavariquẽnañuju Zacar'ias:

—Yoaro mene ejarucumi mani ujju, “Rotimũorũgõrucumi” yigu, Dios ñ cõarocu. To bajiro ñ bajiroti rĩjoro ñajare, “Rojose mũa yirũgũsere yitujacõari, quẽnasejũare tũoĩavasoaya mũa, ñre yurã”, yigotimasiorocu ñaja mu. To bajiro mu yisere ajicõari, tũoĩavaso yuñarãre ñamaicõari, quẽnaro yigu ñari, ñ rãca quẽnaro ñacõari, “Ñ bojarore bajiro quẽnaro yirã ñato” yigu, ñ yere masimenare ñnare gotimasiocõari, rojose ñna tãmuoborotire ñnare yirẽtobosarocure cõarucumi Dios. To bajiro yigoti rĩjoro cutirocu mu ñajare, “Masirẽtogũre Diore gotirẽtobosarimasu ñaami”, mure yĩarũarãma masa, —ñ macure Juanre yibasavariquẽnañuju Zacar'ias.

⁸⁰ Yucú manojũ bucuayuju Juan vãme cutigu. Bucuarũtuacune, Dios ñ bojarore bajiro quẽnaro yigu ñarũtuasuju ñ. Masare ñ gotimasiorotirũmu ti ejaroto rĩjoro, yucú manojũre ñarũgũñuju.

2

*Jesús ĩ ruyuare queti**(Mt 1.18-25)*

¹ To bajiro bajiñarirodojũre masa ñajediro ʘjũ, César Augusto vãme ʘtigũ, ĩ rotirimacarire ñarãre, “Ado cõro ñaama” yimasirũ, ĩna vãmere ucaturotisʘoyuju ĩ. ² ĩre rotibosarimasũ, Cirenio vãme ʘtigũ Siria sitana ʘjũ ĩ ñarirodore masa vãmere ucaturotisʘoyuju César. ³ To bajiri, masa ñajediro, ĩna ñicũa ĩna ñamasiriaroju vãmere ucaturotirã varoti ñañuju.

⁴ To bajiri, José quẽne, Galilea sitajũre ñarimaca Nazaret vãmere ʘti maca ñar'i, Judea sita Belén vãmere ʘti macajũare vasuju. Ti macaju ruyuamasiñuju ĩ ñicũ ñamasir'i, ʘjũ David. To ĩ bajimasire ñajare, toju vasuju, José, Mar'ia rãca ĩna vãmere ucarotiguacũ. ⁵ Jẽre so jacũare sẽnicoãñuju ĩ. To bajiro yir'i ñari, so rãca vasuju José. “Macũ ʘtirũocomo” Dios ĩ yirio ñari, gũda ñañuju so. ⁶ To bajiri Belén vãmere ʘti macaju ĩna ejaro, so macũ ʘtirotirũmũ ejayuju ti. ⁷ To bajiro sore ti bajijare, vacudirã ĩna cãnirivi ĩna ñarotijũre sẽniboayujarã ĩna. Masa jũmũcõañujarã, ti vire. To bajiri, vaibũcũrãre bare ecariaviju ejayujarã ĩna yuja. Toju Dios macũre macũ ʘtiyuju Mar'ia. To yicõari, sũcare sudigaserorine ĩre gũmañuju so, jud'io masa ĩna yirũgũriarore bajiro yigo. To yicõari, cãnijesariaro ti manijare, vaibũcũrãre bare ecariacoroju so macũre sãñuju so.

Oveja coderimasare Jesús ĩ ruyuasere ángel ĩ gotire queti

⁸ Belén maca tũ ñañujarã ĩna, oveja coderimasa. Ñamire ĩnare ĩtirũnũñañujarã ĩna. ⁹ To ĩna bajirone, ĩna tũjũre ruyuarũgũñuju sũgũ ángel, Diore moabosagũ. To ĩ bajirone, ĩna tũju bũto busubatoyuju, “‘Dios macũ ruyuagũmi’ yĩamasiato ĩna” yigu. To bajiro ti bajijare,

oveja coderimasa bũto gũiyujarã ãna. ¹⁰ To ãna bajirone, ado bajiro yiyuju ángel:

—Gũibesamũ. Masa ãna ãvariquẽnarotire yigũ, quẽnase queti mũare gotigũ bajiaja yũ. ¹¹ Ujũ David ã ruyuamasicati macajũre, masa rojose ãna yise vaja ãnare vaja yibosarocũ, yucũne ruyuami. Ñãami mani ujũ, “Rotimũorũgõrũcumĩ” yigũ, Dios ã cõagũ. ¹² Ado bajiro bajiñagũre ãre bũjamasirũarãja mũa: Vaibũcũrãre bare ecariavijũ ñagũmi. Tojũ sudigaserine gũmacoar'i, vaibũcũrãre bare ecariacorojũ sãñagũmi ã. Tojũ ñagũre ãre ãbũjacõari, “Ñne ñãami”, yimasirũarãja mũa —ãnare yigotiyuju ángel.

¹³ To ã yĩnarĩmarone, gãjerã ángel mesa jãjarã ruyuayujarã ãna. Ruyuacõari, ado bajise Diore ãre basavariquẽnañujarã ãna:

¹⁴ —Dios õ vecagũ quẽnarẽtogũ, to yicõari, masirẽtogũ ã ñajare, quẽnaro ãre yito mani. Dios ã ãvariquẽnarã ã rãca quẽnaro ñato ãna —yiyujarã ãna ángel mesa.

¹⁵ To yigajano, tudicoasujarã ãna, õ vecajũ, Dios ã ñarojũ. Ñna tudiato bero,

—Dios manire ã queti cõarere ajaiaja mani. To bajiri, Belẽnjũ vaĩato mani —gãmerã yiyujarã ãna oveja coderimasa.

Oveja coderimasa Jesũre ãna ãarã vare queti

¹⁶ To bajiro gãmerã yigajano, guaro vacoasujarã ãna yuja. Tojũ ejacõari, Josẽre, Mar'iare ãnare ãbũjayujarã ãna. Sũcare quẽne vaibũcũrãre bare ecariacorojũ sãñagũre ãre ãbũjayujarã. ¹⁷ ãre ãbũjacõari, ángel ãnare ã gotirere to ñarãre ãnare gotiyujarã. ¹⁸ To ñariarã jediro, ãna gotisere ajicõari, no yimasibesujarã, ti ãnũre ajibetirũgũriarã ñari. ¹⁹ Mar'iajuama ñagõbesuju so, oveja coderimasa ãna gotisere ajicõari. To bajiboarine, sũca ã bajisere bũto tũoĩañuju so masuriojũma. ²⁰ To bajiri

oveja coderimasa ti quetire gotigajano, tudicoasujarã ãna. Tudianane, ado bajise Diore ãre yivariquẽna tudiasujarã ãna:

—Dios manire ã queti cõare, riojo ñañuja ti. Masirẽtogũ, to yicõari, quẽnarẽtogũ ñagũmi Dios —ãre yivariquẽna vasujarã ãna.

Diore yirũcubũoriavijũ, Jesũre ãna ãmiatone, Simeõn vãme cutigu Jesũre ã ãare queti

²¹ Sũca cojomo cõro idia jẽnituarirũmuri ã ruyuario bero ti tusato, circuncisiõn ãre yiyujarã. To yicõari, Jesũs ãre vãme yiyujarã ãna, sũcare. Mar'ia gũda so ñaroto rĩjorojũne ángel sore ã vãme yirotiriarore bajirone ãre vãme yirã yiyujarã ãna.

²²⁻²⁴ To ãna yiriaro bero, Jerusalénjũ vasujarã ãna. Moisés ñamasir'ãre Dios ã roticũmasirere cudirã bajiyujarã ãna. Ado bajise roticũmasiñuju ã: “Sũca ã ruyuario bero, jũarã masa cõro ñarirũmuri bero, buja mũa ecariarãre ãsima, paiare. Mũa cũobetijama, vaja yicõari, ãsima, ‘Ãnare soemũoato’ yirã. To bajiro yiba, yũre rũcubũorã. To bajiro mũa yijama, sũca ã ruyuaroto rĩjoro yũre yirũcubũoriavi mũa sãjarũgũriarore bajirone sãjamasirũarãja mũa quẽna. Mũa ãsijama, buja mame bũcũarãre ãsirũarãja mũa. Ñmũ, rõmio, to cõrone ãsirũarãja mũa. Buja mame bũcũarã ãna manijama, jũarã bujare bajirã ñarãcare ãsirũarãja mũa”, yirotimasĩnju Dios. Gajeye ado bajiro yirotimasĩnju Dios: “Mũa macũ ruyuasũogũre, paiare ãorã, ãre ãmivarũarãja mũa, ‘Dios yũ ñaami’ yĩõrã”, yirotimasĩnju Dios. To bajise Dios ã yirotimasire ñajare, Jesũre ãmivasujarã, paiare ãoroana.

²⁵⁻²⁶ To bajiri Jerusalénjũ ejacõari, Diore yirũcubũoriavijũre vasujarã ãna. Tojũre ñañuju Simeõn. Diore quẽnaro ajirũcubũogũ, ã rotimasirere quẽnaro cudigu ñañuju ã. “ ‘Rotimũorũgõrũcũmi’ yigu, Dios ã cõarocũ, Cristo, Israel

jānerabatiare, yu yarāre ejarēmōrūgūrucumi ĩ, ‘Quēnaro ñato’ yigū” yituoĭagū ñari, ĩ ejarotire yugū bajicōa ñañuju ĩ. Dios ĩ cōagū Esp'iritu Santo ĩ ejarēmose rāca tūoĭagū ñañuju ĩ. To bajiro bajigū ñari, cojorūmū ado bajise tūoĭañuju: “Yu bajirocaroto rĭjoro, ‘Rotimūorūgōrucumi’ yigū, Dios ĩ cōarocure Cristore ĩarucuja yu”, yituoĭañuju Simeón. ²⁷⁻²⁹ Cojorūmū Esp'iritu Santo Dios ĩ cōagū ĩre ĩ ejarēmose rāca tūoĭamasicōari, Diore yirūcūbuorĭavĭjū sājaejacoasuju ĩ. Tirūmūne Jesūre āmiejayujarā José, ĩ manajo rāca. To ĩna sājaejarone, ĩna macure bocaāmicōari, ado bajise Diore yigotiyuju ĩ, Diore variquēnagū:

—Yu **ujū**, jēre yu ĩaruarūgūcacure yure mū goticatore bajirone ĩre ĩacōaja yuja. To bajiri, variquēnaja yu. Yu bajirocacoajama, quēnacōaroja yuja.

³⁰⁻³¹ ĩre ajitirūnrā rojose yua tāmūoborotire yuare yirētobosarocure mū cōar'ire ĩre ĩacōaja jēre.

³² ĩ sūorine “Israel jānerabatiare quēnaro yiyumi Dios” yimasicōari, Diore masiruarāma Israel jānerabatia me ñarā quēne —yiyuju Simeón.

³³ José, to yicōari, Mar'ia quēne, Jesús ĩ bajirotire Simeón ĩ gotisere ajicōari, no yimasibesujarā ĩna, “Mani macū ĩ bajirotire quēnaro goti rĭjoro cutimasiami” yirā.

³⁴⁻³⁵ To yicōari, quēnaro Dios ĩnare ĩ yirotire ĩnare ñubuejeoyuju Simeón. To yigajano, Jesús ĩ bajirotire ado bajiro sore gotiyuju quēna, Mar'iare:

—Quēnaro ajiya mū. “Israel ñamasir'i jānerabatia, Dios ĩ bojasere quēnaro masiato” yigū, āni sūcare cōañumi Dios. To bajiri ĩ gotimasiosere ajicōari, ĩre tud'iruarāma jājarā masa. To bajiro ĩna yĭjare, ĩnare ĩacōari, “ ‘Diore rūcūbuorā ñaja yua’ yigotiboarine, ĩre terā ñaama”, yimasiruarāma gājerājua. ĩre tud'irāma, ĩna rijato berojū rojose tāmūotūjabetiriaroju vajedicoaruarāma ĩna. To

bajiboarine gājerājuama, jājarā, ānire ajitirūncōari, Dios yarā ñacoaruarāma ĩna, rojose tāmnotujabetiriaroju vaborona. Mujuama, āni mu macu ĩ bajirotire buto sutiritiruocoja mu —Jesús jacore yiyuju Simeón.

³⁶⁻³⁷ To ĩ yiro bero, Diore yirūcubūoriavijure ñañuju Ana vāme cutigo. Aser ñamasir'i jāneño ñañuju so, Fanuel maco. Diore gotirētobosarimaso ñañuju so quēne. So manaju cutiboar'i, cojomo cōro juā jēnituarirāca cūmari so rāca ñatusacune, sore bajirocaveocoasuju. To ĩ bajive-orio sīgōne ñacōarūgūñuju so. To bajiñagō rīne, ochenta y cuatro cūmari cnotusasuju. Diore yirūcubūoriaviju ñacōari, so quēne Diore ĩre rūcubūogo, ĩre so sēnirirūmuri bare babetirūgūñuju so. ³⁸ Simeón ĩnare ĩ gotiñarone ĩna tujū ejayuju so Ana. ĩnare ĩ gotisere ajicōari, “Quēnaro yiyuja mu”, Diore ĩre yivariquēnañuju so. To yigajanocōari, “Rotimūorūgōrūcūmi” yigu, Dios ĩ cōarocure, “Jerusalén macana quēnaro ñato” yigu, ĩnare yirētobosarocure ĩ ejarotire tuoĭa yuñarāre, “Jēre ruyuyumi”, ĩnare yigotibatoyuju Ana.

Nazaret vāme cuti macaju ĩna tudiare queti

³⁹ José, to yicōari, Mar'ia quēne Moisés ñamasir'ire Dios ĩ roticūmasiriarore bajirone yigajanocōañujarā ĩna. To bajiri, Galilea sitare ñarimaca, Nazaret vāme cuti macaju Jesúre ĩre āmitudiasujarā ĩna. ⁴⁰ To baji tudieja, ti macaju ñacōañujarā ĩna. Toju bucūayuju Jesús. Quēnaro masirūtuasuju, ĩ bucuarūtuatore bajirone. To bajicōari, rujū tutuaquēnagū ñarūtuasuju ĩ. To bajiro ĩ bajiñarore ĩre yirēmōrūgūñuju Dios.

Diore yirūcubūoriaviju Jesús ĩ tujare queti

⁴¹ Nazaretju Jesús ĩ ñatoye, Jerusalénju tocārāca cūmane Pascua boserūmu ĩarā varūgūñujarā ĩ jacua.

⁴² To bajiri juāāmo cōro, gūbo juā jēnituario ñaricūmari

tusacuju, Pascua boserũmure ïagucacu, ï jacua rãca vasuju Jesús. ⁴³⁻⁴⁵ Boserũmũ ïagajano, ïna tudirirũmũ, “To bajigumi” yimasiña manone, tojũne tujacoasuju Jesũjũama. To ï bajiboajaquẽne, “Gãjerã rãca baba cutivagũ bajigumi”, yitũoĩacõañujarã ï jacũajũama. To bajiro ïna yitũoĩa vaboajaquẽne, rãiorijũ ïna tujũre ejabesuju. To bajiro ï bajijare, ïna yarãre, ïna rãca vanare, ïna masirãre sãnĩacudiboayujarã ïna. “Maami”, yicõañujarã ïnajuama. To bajiro ïna yijare, Jerusalenjũne ïre macarã tudicoasujarã ïna.

⁴⁶ Tojũ ejacõari, idiarũmũ ïre macatusanajũ ïre ïabũjayujarã ïna yuja. Diore yirũcũbuoriavijũ ñañuju ï. Tojũ Dios ï rotimasire gotimasiõrimasa rãca rujicõari, gãmerã ñagõñañujarã ïna. ⁴⁷ ï gotisere ajicõari, “Daquegũ ñaboarine, josasere yũ sãnĩaboajaquẽne, quẽnaro tũoĩacõari, yũare cũdiami”, ïre yitũoĩañujarã ïna. ⁴⁸ To ïna yĩnarone, Jesús jacua ïna tujũ sãjaejacõari, ïre ïancacoasujarã. To bajicõari, ado bajiro ïre yiyuju ï jaco:

—Macu, ¿no yigu to bajiro yũare bajiveoati mũ? Bũto tũoĩarejairãne mũre macamũ yũ —ïre yiyuju so.

⁴⁹ To bajiro ïre so yirone, ïjũama ado bajiro sore cũdiyuju ï:

—¿No yirã yũre macari mũa? ¿Adi vire yũ jacu ï bojasere yũ yirotere masibeti mũa? —ï jacũare yicũdiyuju Jesús.

⁵⁰ To bajiro ï yisere quẽnaro ajimasibesujarã ïnajuama. “No bajiro yirũ yati mani macu”, yitũoĩacõañujarã. ⁵¹⁻⁵² ï jacojũama, quẽnaro ajimasibetiboarine, so usũjũma quẽnaro tũoĩacõa ñañuju.

To bajiro ïnare ï yiro bero, ï jacua rãca tudicoasuju, Nazaretjũ. Tojũ bũcũarũtuasuju ï. Bũcũarũtuacũne, ï

jacua ãre ãna rotirore bajiro yirũgũñuju ã. To bajicõari, bũtobusa masirũtuasuju ã. To bajiro ã bajisere ãre ãvariquẽnarũgũñuju Dios. Masa quẽne, ãre ãvariquẽnarũgũñujarã ãna.

3

Juan vãme cutigu, masare oco rãca bautizarimasu, yucú manojũ ã gotimasiore queti

(Mt 3.1-12; Mr 1.1-8; Jn 1.19-28)

¹⁻² Cojorãmu yucú manojũ Zacar'ias macure, Juanre Jordán vãme cutiyaju ãre gotiroticõañuju Dios. To ãre ã gotiroticõarirodore, Tiberio César, juaãmo cõro, cojo gũbo jediro ñaricũmari ã rotitusaticũmare, cojo sita me ñarãre rotigu ñañuju ã. ãre rotibosarã quẽne ñañujarã ãna. Pilato vãme cutigu Judea sitanare ãre rotibosayuju ã. Gãji, Herodes vãme cutigu, Galilea sitanare ãre rotibosayuju ã. Gãji, Herodes bedi, Felipe vãme cutigu, Iturea, to yicõari, Traconite sita ñarãre ãre rotibosayuju, ãma. Gãji Lisantias vãme cutigu, Abilinia sitanare ãre rotibosayuju. To bajicõari, paia ujarã ñamasurã Anás, Caifás vãme cutirã ñañujarã ãna.

Tirodore Juanre gotirotiyuju Dios. ³ To ã yijare, Jordán vãme cutiya riaga tũju ñacõari, ãre ajirã ejarãre ado bajiro gotirũjacudirũgũñuju:

—Rojose mua yisere tuoĩasutiritiya mua. To yicõari, “Rojose yiruabeaja yua. Diorãca quẽnaro ñaruarãja yua” yirã, oco rãca yure bautizarotiya mua. To bajiro mua yijama, rojose mua yisere muare masiriorucumi Dios — ãnare yigotiyuju Juan.

⁴ Ado bajiro Juan ã bajirotire ucamasiñuju Isa'ias, Diore gotirẽtobosarimasu ñamasir'i:

“Yucú manojũ sigũ masu ado bajiro goticudirũgũrucumi: ‘Mani uju ejarucumi. To bajiri, rojose mua yisere yitujacõari, quẽnasejuare tuoĩavasoaya mua, ãre

yurã. Ʋjũ, ï vadiroto rĩjoro, quẽnaro quẽnoyurãma masa. Rojoribedo maa, ñaboaria maare riojo maa gorãma, ï vadiroti maare.

⁵ Goje ti ñajama, sita rãca biberãma. Buri cuti maa ti ñajaquẽne, coaquẽnocũrãma. To bajiro yũ yijama, “Jediro rojose maa yisere yitũjacõari, quẽnasejuare tũoĩavasoaya maa, mani Ʋjũre yurã” yigũ yaja yũ.

⁶ To bajiro maa yiro bero, rojose maa tãmuoborotire muare yirẽtobosarocũre Dios ï cõagũre ïajedirũarãja maa’ yigoticudirũgũrucũmi, yucũ manojũ ñacõari”, yiucomasiñumi Isa'ias ñamasir'i.

⁷ To bajiri oco rãca Juanre bautizarotirã, ejayujarã jãjarã masa. Ìna bautizarotirone, ado bajiro ñnare yiyuju Juan:

—Oco rãca muare yũ bautizasere bojaboaja maa. Vãtia Ʋjũ rojose ï yirore bajirone rojose yijairã ñaja maa. To bajiro bajirã ñari, “Rojose yũa yise vaja rojose yũare yibetirũcumĩ Dios”, yitũoĩa vadiboaja maa. ¿To bajiro maa bajise suorine rojose maa tãmuorotire masibeatiqũe maa? ⁸ Rojosere yitũjacõari, “Quẽnaro yirã ñaama” masa muare ñna yĩamasiroitire yirã, quẽnasejuare yirũgũrona ñaja maa. Ado bajiro yitũoĩabesa maa: “Abraham ñamasir'i jãnerabatia ñamasurã mani ñajare, rojose mani yise vaja rojose manire yibetirũcumĩ Dios”, yitũoĩabesa. Adiari gũtari rãca Abraham jãnerabatiare ï godoveorũajama, godoveomasigũmi Dios —ñnare yiyuju Juan.

⁹ —Oteriyucũri, rica mani yucũrire bajiro bajiaja maa. Rica manijare, quẽareacõari, soereariarore bajiro yirũcumĩ Dios. Tire bajirone yiecorũarãja maa quẽne, maa tũoĩavasoabetijama. ¡Quẽnase maa yibetire ñacõari, jeame yatibetimejũ muare rearũcumĩ Dios! —ñnare yiyuju Juan.

¹⁰ To ï yigotisere ajicõari, —¿No bajirojua yua yirotire bojati Dios? —ïre yisēniñañujarã ïna.

¹¹ To bajiro ïre ïna yisēniñarone ado bajiro ïnare cūdiyujū Juan:

—Juase sudirori cūorã, cojase ïsima, sudi magũre. Bare cūorã, bare magũre ecaba —ïnare yicūdiyujū Juan.

¹² Ūjũre gãjoa sēnibosarimasa quēne ejayujarã, Juanre oco rãca bautizarotirã. Ejacõari, ado bajiro ïre sēniñañujarã ïna quēne:

—Gotimasiorimasu, yuajuarema ¿ñiere yua yirotire bojati Dios? —ïre yisēniñañujarã ïna quēne.

¹³ To bajiro ïna yirone, ado bajiro ïnare gotiyujū Juan:

—Mua ujarã masare ïna vaja sēnirotiro cõrone sēniña. Ti rētoro vaja sēnibeticõaña mua —ïnare yicūdiyujū Juan.

¹⁴ Surara quēne ado bajiro sēniñañujarã ïna:

—¿Yuarema, no bajiro yua yirotire bojati? —ïre yisēniñañujarã.

To bajiro ïna yisēniñarone, ado bajiro ïnare cūdiyujū ï:

—Gãjerãre ěmabesa mua. Socarãne gãjerãre rojose ñagõmacabesa. Mua moase vajare, mua ujarã muare ïna vaja yiro cõrone cūovariquēnaña mua —ïnare yicūdiyujū Juan.

¹⁵ Masajuama, Juan ï gotimasiosere ajicõari, “Rotimūorũgõrūcumi” yigū Dios ï cõarocure buto tuoïayucõa ñarã ñari, “¿Ïne ñaruyuatique?”, Juanre ïre yituoïañujarã, ïna usrijuama.

¹⁶ To bajiro ïna yituoïase ñajare, ado bajiro ïnare yiyujū Juan:

—“Rotimūorũgõrūcumi” yigū, Dios ï cõagũ me ñaja yu. Rojose ïna yisere yitujacõari, Dios ï bojasejuare yirãre oco rãca bautizarũgũaja yu. To bajiro yu yiboajaquēne, yu bero ejagu ï moasejua quēnamasucõarũaroja. Ïma,

Esp'iritu Santore cōamasirucumi, masare. “Dios ï bojabe-tire yaja yuа” yimasicōari, tuoñavasoaruarāma, Esp'iritu Santo ï ejarēmose rāca —ñare yiyuju Juan.

¹⁷ Gajeye ado bajiro masare gotiyuju Juan:

—Yu bero e jagujuama, trigo ajere besegure bajiro yirucumi, masare. To bajiri ti gasere yireacōari, soereari-
arore bajiro yirucumi, jeame yatibetimeju masare cōagũ. To yicōari, quēnase cōrone juagure bajiro yirucumi, ïre
ajitirũnarare juavacu —ñare yiyuju Juan.

¹⁸ Masare gotimasiogũ, cojo vāme me gotirũgũñuju, Cristo quēnaro ï yivotire gotimasiogũ. ¹⁹ To bajiro ïnare gotirũgũgũ ñari, Uju Herodes, ï bedi Felipe manajore Herod'ias vāme cutigore ï manajo cutijare, to yicōari, rojose yijaigu ï ñajare, “Rojose yigu yaja mа”, ïre yiyuju Juan. ²⁰ To bajiro Juan ï yisere ajicōari, rētoro rojose yigu, tubiberiaviju Juanre ïre tubibecũñuju.

Oco rāca Juanre Jesús ï bautizarotire queti

(Mt 3.13-17; Mr 1.9-11)

²¹ ï tubibe ecoroto rĩjoro, rojose ïna yisere yitujacōari, Dios ï bojasejuare yirāre oco rāca ïnare bautizarũgũñuju Juan. To bajiri, Jesús quēne, rojose yibecu ñaboarine, oco rāca Juanre bautizarotigu ejayuju. To ï yiecoro bero, Diore, ï jacure sēniñuju. ïre ï sēniñarone, õ vecaju ũmua-gasero soje jānacoasuju ti. ²² Ti jānarone, bujare bajigu rujiadicōari, Jesús joere rocajeoyuju Esp'iritu Santo. Jesús joere ï rocajeorone, ado bajiro yi ocaruyuyuju õ vecaju:

—Yu macu, yu maigũ masu ñaja mа. Mа rāca bũto variquēnaja yu —ïre yi ocaruyuyuju.

Jesús ñicua ïna vāme cutimasire queti

(Mt 1.1-17)

²³ Treinta cūmari cōro cuotusacu, masare gotima-siosuoyuju Jesús.

To bajiri manire bajiro rujɨ cɨticōari ĩ ruyuare ñajare, “José macɨ ñaami”, ĩre yitɨoñañarã masa. To bajiro ĩna yitɨoñare ñajare, ĩ jacɨre bajiro bajiyuju José.

José jacɨ ñamasiñuju El'i.

²⁴ El'i jacɨ ñamasiñuju Matat.

Matat jacɨ ñamasiñuju Lev'i.

Lev'i jacɨ ñamasiñuju Melqui.

Melqui jacɨ ñamasiñuju Jana.

Jana jacɨ ñamasiñuju José.

²⁵ José jacɨ ñamasiñuju Matat'ias.

Matat'ias jacɨ ñamasiñuju Amós.

Amós jacɨ ñamasiñuju Nahúm.

Nahúm jacɨ ñamasiñuju Esli.

Esli jacɨ ñamasiñuju Nagai.

²⁶ Nagai jacɨ ñamasiñuju Maat.

Maat jacɨ ñamasiñuju Matat'ias.

Matat'ias jacɨ ñamasiñuju Semei.

Semei jacɨ ñamasiñuju Josec.

Josec jacɨ ñamasiñuju Judá.

²⁷ Judá jacɨ ñamasiñuju Joanán.

Joanán jacɨ ñamasiñuju Resa.

Resa jacɨ ñamasiñuju Zorobabel.

Zorobabel jacɨ ñamasiñuju Salatiel.

Salatiel jacɨ ñamasiñuju Neri.

²⁸ Neri jacɨ ñamasiñuju Melqui.

Melqui jacɨ ñamasiñuju Adi.

Adi jacɨ ñamasiñuju Cosam.

Cosam jacɨ ñamasiñuju Elmadam.

Elmadam jacɨ ñamasiñuju Er.

²⁹ Er jacɨ ñamasiñuju Jesús.

Jesús jacɨ ñamasiñuju Eliezer.

Eliezer jacɨ ñamasiñuju Jorim.

Jorim jacɨ ñamasiñuju Matat.

Matat jacu ñamasiñuju Lev'i.
³⁰ Lev'i jacu ñamasiñuju Simeón.
Simeón jacu ñamasiñuju Judá.
Judá jacu ñamasiñuju José.
José jacu ñamasiñuju Jonam.
Jonam jacu ñamasiñuju Eliaquim.
³¹ Eliaquim jacu ñamasiñuju Melea.
Melea jacu ñamasiñuju Mena.
Mena jacu ñamasiñuju Matatá.
Matatá jacu ñamasiñuju Natán.
Natán jacu ñamasiñuju David.
³² David jacu ñamasiñuju Isa'i.
Isa'i jacu ñamasiñuju Obed.
Obed jacu ñamasiñuju Booz.
Booz jacu ñamasiñuju Sala.
Sala jacu ñamasiñuju Naasón.
³³ Naasón jacu ñamasiñuju Aminadab.
Aminadab jacu ñamasiñuju Admin.
Admin jacu ñamasiñuju Arni.
Arni jacu ñamasiñuju Esrom.
Esrom jacu ñamasiñuju Fares.
Fares jacu ñamasiñuju Judá.
³⁴ Judá jacu ñamasiñuju Jacob.
Jacob jacu ñamasiñuju Isaac.
Isaac jacu ñamasiñuju Abraham.
Abraham jacu ñamasiñuju Taré.
Taré jacu ñamasiñuju Nacor.
³⁵ Nacor jacu ñamasiñuju Serug.
Serug jacu ñamasiñuju Ragau.
Ragau jacu ñamasiñuju Peleg.
Peleg jacu ñamasiñuju Heber.
Heber jacu ñamasiñuju Sala.
³⁶ Sala jacu ñamasiñuju Cainán.

Cainán jacu ñamasiñuju Arfaxad.
 Arfaxad jacu ñamasiñuju Sem.
 Sem jacu ñamasiñuju Noé.
 Noé jacu ñamasiñuju Lamec.
³⁷ Lamec jacu ñamasiñuju Matusalén.
 Matusalén jacu ñamasiñuju Enoc.
 Enoc jacu ñamasiñuju Jared.
 Jared jacu ñamasiñuju Mahalaleel.
 Mahalaleel jacu ñamasiñuju Cainán.
³⁸ Cainán jacu ñamasiñuju Enós.
 Enós jacu ñamasiñuju Set.
 Set jacu ñamasiñuju Adán.
 Adán, Dios ï rujeosomasir'i ñamasiñuju ï, masa jediro
 ñicu.

4

Dios ï bojabetire vātia ujɯ Satanás, Jesúre ï yirotiñare
 queti

(Mt 4.1-11; Mr 1.12-13)

¹ Jordán ñna yirisaju Juan oco rāca ñre ï bautizaro
 bero, Esp'iritu Santo bujare bajigu rujiadicōari, Jesús
 joere rocajoejagune, ñre ejarēmosoyuju, Dios ï bojarore
 bajiro Jesús ï yicōa ñarūgūrotire yigu. To bajivagure
 yucá manojɯ ñre ũmato vasuju Esp'iritu Santo. ² Tojɯre
 cuarenta ñarirūmuri Esp'iritu Santo ï bojarore bajiro
 vacudiyuju Jesús. To ï bajiñarone, vātia ujɯ Satanás, ñre
 ejacōari, “Yɯ yirotisere yicōari, Dios ï bojabetire yato”
 yigu, ñre rotirūgūboayuju. To bajiro ï bajicudirirūmure
 babesuju Jesús. To bajigu ñari, buto ñiorijayuju. ³ To
 bajiro ï bajijare, ado bajiro ñre yirotiyoayuju Satanás:

—Dios macune mɯ ñajama, adia gūtare, pan godoveoya
 mɯ —ñre yirotiyoayuju.

⁴ To bajiro Satanás ñre ï yiboajaquēne,

—Yibeaja yu. Dios oca masa ñna ucamasire ado bajiro gotiaja: “Bare rïne ñamasuse me ñaja. Dios ocare mani cudisejua ñaja ñamasusema. ‘Bare ti manijare, rijarearuarāja’ yire ti ñaboajaquêne, rijarere Dios ï bojabetijama, rijabetiruarāja. Catiñarotire rotigu ñaami”, yigotiaja Dios oca masa ñna ucamasire —ïre yiyuju Jesús.

⁵ To bajiro ï yiro bero, gūta joeju Jesúre ũmato vasuju Satanás. Toju ũmato ejacōari, adi macarucuro ñarimacari jediro guaro ïre ïojeocōañuju. ⁶⁻⁷ ïre ïogajanocōari, ado bajiro ïre gotiyuju Satanás:

—“Masa ñajedirore rotiya” yigu, yure cūcami Dios. ñna gajeyeūni quêne, yu ye ñaja. To bajiri, yu rïjorojua gūsomuniari tuetucōari, “Yu ujua ñamasugū ñaja mu” yure mu yirūcubuoajama, adi sita ñajediro mure ïsirucūja yu — Jesúre ïre yiyuju Satanás.

⁸ To bajiro ïre ï yigotiboajaquêne, ado bajiro ïre cūdiyuju Jesús:

—Yibeaja yu. Ado bajiro gotiaja Dios oca masa ñna ucamasire: “Mani ujua Dios sigūrene, ‘Yu ujua ñamasugū ñaja mu’ ïre yirūcubuoocōari, cūdire ñaja”, yigotiaja Dios oca masa ñna ucamasire —Satanáre yicūdiyuju Jesús.

⁹⁻¹¹ To ï yiro bero, Jerusalén macaju Jesúre ïre ũmato vasuju Satanás quēna. Toju ejacōari, Diore yirūcubuoariavi joeju ïre ũmato mujasuju. ïre ũmato mujajecōari, ado bajiro yiyuju Satanás:

—Ado bajiro gotiaja Dios oca masa ñna ucamasire:

“ïre moabosarimasa ángel mesare mure coderotirucūmi Dios. Mu quedajama, ‘Gūta joeju rocajeogu, ï gūbo jearomi’ yirã, mure boca ñiaruarãma ñna”, yigotiaja Dios oca. To bajiro Dios oca ti gotijare, Dios macune mu ñajama, adojune yure jatiquedi rujiañoña mu —Jesúre yiboayuju Satanás.

¹² To bajiro ãre ã yiboajaquẽne, Jesújuama, ado bajiro ãre yiyuju:

—To bajiro mu yisere cudibeaja yu. “Dios ã yiriarore bajiro yure boca ñiaruarãma ángel mesa” yimasiru, yu jatiquediñajama, Dios ã bojabetire yigu yiguja yu. Gajeye ado bajiro gotiaja Dios oca masa ãna ucamasire: “ ‘Dios, “Yirucuja” yiyumi’ yituoñarã, ‘¿Yiru masu yiyujari?’ yimasiruarã, mua tuoñarore bajiro mua yiajejama, quẽnabeaja”, yigotiaja Dios oca masa ãna ucamasire —ãre yiyuju Jesús, Satanãre.

¹³ Rojose ãre yirotiyeoboa, vacoasuju Satanás, “Bero ãre yirotiñagũsa” yigu.

Jesús, Galilea sitaju tudiejacõari, ã gotimasiosuore queti
(Mt 4.12-17; Mr 1.14-15)

¹⁴ Satanás ã vato bero, quẽna Galilea sitaju tudicoasuju Jesús. Tudiejacõari, Esp'iritu Santore cuogu ñari, ã ejarẽmose rãca disejua ruyariaro mano quẽnaro yiyuju Jesús, tojure. To bajiro ã yijare, ã bajise quetire gotibatoyujarã masa, toana jediro, gajeroana quẽne. ¹⁵ Dios ocare ãna bueriviriju masare gotimasiocudirũgũñuju Jesús. To bajiro ã yisere ajicõari, “Quẽnaro masigũ ñaami”, ãre yiyujarã ãna, ãre ajirã jediro.

Nazaret vãme cuti macaju Jesús ã tudiejare queti
(Mt 13.53-58; Mr 6.1-6)

¹⁶ Nazaretju, ã bucuariaroju tudiejayuju Jesús. Daquegu ñagũjune jud'io masa ãna ususãjariarũmũre Dios ocare ãna buerivire sãjarũgũr'i ñari, ususãjariarũmu ti ejaro sãjasuju. Sãjacõari, ejarũju ejayuju. To bajiñaboa, vũmurũgũñuju, Dios ocare ãgotiguagu. ¹⁷ ã vũmurũgũrone, Diore gotirẽtobosamasir'i, Isa'ias ã ucamasire ñaritutire ãre ãsiñuju ti viagu. To bajiro ã

yirone, titutire jānacōari, ī īagotirotijure īabūjayuju. Īabūjacōari, ado bajiro ĩnare īagotiyuju Jesús:

¹⁸ —“Esp'iritu Santore cūogu ñari, ī ejarēmose rāca tūoīacōari, mūare gotiaja yū. ‘Maioro bajirāre quēnaro yū yiroti quetire ĩnare gotirūcūja mū' yigū, ‘Rojose yirūaboarine, tire yibeticōato’ yigū, yūre cōacami. Sīgūri yūre masimena, īamenare bajiro bajirā, ‘Yūre masiato ĩna’ yigū, yūre cōacami. Gājērāma, tubibe ecoriarāre bajiro bajirāre, rojose yisejariarāre, ‘Rojose ĩna yisere yitūjato’ yigū, yūre cōacami.

¹⁹ “Adirodone ñaja Ūju Dios, masare rojose ĩna tāmūoborotire ĩnare ī yirētobosarotirodo”, ĩnare yigotiaya mū' yigū, yūre cōacami”.

“To bajiro bajirūaroja ti”, yucamasiñumi Isa'ias, Dios ocare gotirētogū —ĩnare yīagotiyuju Jesús.

²⁰ To bajiro yīagoti gajanocōari, ī ĩaritutire būacōari, ti viagure tūoyuju. To yicōa, ejarūjucoasuju yuja, ĩnare buegūagu. To ī bajirone buto ĩre ĩañujarā ĩna jediro, ĩnare īgotisere ajiruarā ñari. ²¹ To bajiro ĩna bajirone, ado bajiro ĩnare gotiyuju ī:

—Jēre adirodone ñaja, “Bajirūaroja” Isa'ias ī yiuca-masiriarore bajirone bajirirodo —ĩnare yigotiyuju Jesús.

²² To bajiro ī yisere ajicōari, no yimasibesujarā ĩna:

—¿No bajiro bajicōari, quēnaro gotimasiomasiati ī? ¿Adi macagu José macu me ñatique? —Jesúre ĩre yiyujarā ĩna.

²³ To bajiro ĩna yisere ajicōari, ado bajiro ĩnare yiyuju Jesús:

—Yūre rūcubūobeaja mūa. Ado bajiro yūre yitūoīaja mūa: “Capernaum vāme cūtoju ĩañañamani ī yirere ajicaju mani. Riojo gotigu, ĩañañamani ī yisere manire quēne yīoato ī”, yitūoīaja mūa. Mani gotise queti, ado bajiro gotiaja: “Sīgū, ūco yigū, ī rijajama, ī masune ūco yi,

caticoacumi. To bajiro ĩ bajisere ĩacõari, ‘Uco yigu masune ñaami’ yimasirãja mani”, yigotiaja. Ti ũnire yure gotirua tũoĩaja mua, ado bajiro yu yisere bojarã ñari: “Īaĩaña-mani yigu masu mu ñajama, Capernaumju ĩaĩañamani mu yĩorere bajiro mu ya macanare quẽne yĩoroti ñaja”, yure yiboarãja mua —ĩnare yigotiyuju Jesús.

²⁴ To yigajano, ado bajiro ĩnare gotiyuju quẽna:

—Riojo muare gotiaja yu. Diore gotirẽtobosarimasu gajeroju Dios ocare ĩ gotimasiodudijama, ĩre ajirũcũborãma. To bajiboarine, ĩ ya macanare Dios ocare ĩ gotimasiojama, ĩre ajiterãma. To bajirone bajiaja yure quẽne —ĩnare yiyuju Jesús. ²⁵ —To bajirone bajimasiñuju ti, mani ñicũare quẽne. Diore gotirẽtobosamasir'i, El'ias vãme cutigure, ĩ yarã ñamasiriarã, ĩre ajitemasiñujarã ĩna. El'ias ĩ ñarirodori yoaro oco quedibetimasiniñuju. Idia cũma jediro gaje cũma gudareco oco quedibetimasiniñuju. To bajiro bajica yiro, bare manimasiniñuju. Manajua rijaveomasiriarã, tirodori jãjarã ñamasiniñujarã ĩna. ²⁶ To bajiri El'ias ĩ ejarẽmorotire bojarã, jãjarã ĩna ñaboajaquẽne, ĩna tũjuare cõabecũne, “Sidón vãme cuti maca tu ñarimaca, Sarepta vãme cuti maca ñagõjuare sore ejarẽmoaya” yigu, ĩre cõamasiniñuju Dios. ²⁷ Eliseo vãme cutigu, Diore gotirẽtobosamasir'ire quẽne, to bajirone bajimasiñuju. ĩ ñarirodori, mani ñicua ñamasiriarã, gase boarã jãjarã ñamasiniñujarã ĩna. Jãjarã ĩna ñaboajaquẽne, ĩnare catiobetimasiniñuju ĩ. ĩnare catiobetiboarine, gãjerã masujuare, Siria sitagure Naamán vãme cutigure catimasiñuju Eliseo —ĩnare yigotiyuju Jesús, Dios ocare ĩna buerivi rãjarãre.

²⁸ To bajiro ĩ yigotisere ajicõari, ĩna jedirone bũto jũnisiniñujarã. ²⁹ To bajiro bajirã ñari, Jesúre ñiacoasujarã ĩna. Gũtau ñañuju ti, ĩna ñarimaca tũju. “Tiu gũtau joeju ĩre turocaqueoto mani” yirã, Jesúre ñia vaboayujarã

ina. ³⁰ Īre ina nia vaboajaquēne, no yimasiña manone ina vatoane vacoasuju Jesús.

Mas usuju sãñagũre vātire Jesús ĩ burocare queti
(Mr 1.21-28)

³¹⁻³² Galilea sitare ñarimaca, Capernaum vãme cūti macaju vasuju Jesús. Ti macaju ejacōari, ususãjariarũmu ti ejaro, Dios ocare ina bueriviju ĩnare gotimasioñuju ĩ. Ujũre bajiro bojonebecune quēnaro ĩ gotimasiojare, ajĩñañamani ĩ gotise ti ñajare, no yimasibesujarã ina.

³³ Ti vire sigũ ũmu ñañuju, ĩ usuju vãti sãñagũ. ĩ usuju sãñacōari, ado bajiro Jesũre ĩre avasãñuju vãti:

³⁴ —Jesús, Nazaret vãme cūti macagu, ¿no yigu yua tu vadiati mu? ¡Yũare gōjanabiobesa! ¿Rojose yua yise vaja, rojose yũare yiguagu vadiati mu? Mũre ĩamasiaja yua. Rojose yigu me, Dios ĩ cōar'i ñaja mu —Jesũre yíavasãñuju vãti.

³⁵ To ĩ yirone, oca tutuase rãca ado bajiro ĩre yiyuju Jesús:

—¡Ñagōbesa mu! ¡To yicōari, ĩ usujũre budigoya! — vātire ĩre yiyuju Jesús.

To ĩ yirone, rijaquedirotiyuju vãti, masure. To yicōari, rojose ĩre yirũagu ñaboarine, rojose ĩre yibecune, ĩre budigocoasuju yuja. To ĩ bajijare, masujũama quēnae-jacoasuju. ³⁶ To bajisere ĩacōari, ti vi ñarã jediro no yimasibesujarã ina, ti ũnire ĩabetirũgũriarã ñari. To bajicōari, ina masune ado bajiro gãmerã sēniñañujarã:

—¿No bajiati? Ajĩñañamani oca manire gotimasioğũ yami. Bũto masigũ ñaami. Vãtia bũto masirã ina ñaboajaquēne, masa usurijũre sãñarãre ĩnare bureamasiami — gãmerã yiyujarã ina.

³⁷ To bajiro Jesús ĩ yĩnasere masa ina gotibatojare, Galilea sitana tire ajijedicōañujarã ina.

Pedro ũmañicore Jesús ĩ catiore queti

(Mt 8.14-15; Mr 1.29-31)

³⁸Dios ocare ĩna buerivijũ ñar'i, budiasuju Jesús, Simón Pedro ya vijũ vacũ. Ti vijũ sãjaejacõari, Pedro ũmañicore ĩañuju. So ruju bũto asicõari, bũbũribũjayuju so. To bajiro so bajijare, Jesús sore ĩ catiosere bojayujarã ĩna. ³⁹To bajiro ĩna yirone, so tũ ejarũgũcõari,

—So ruju asise, tũjaya —yiyuju ĩ. To bajiro ĩ yirone, sore ruju asiboase sore tũjacoasuju. To bajiro sore ĩ yicatorirĩmarone, vũmũrũgũcõari, bare ĩnare ecauju so.

Jãjarã, rijaye cutirãre Jesús ĩ catiore queti

(Mt 8.16-17; Mr 1.32-34)

⁴⁰Tijũ bero, rãiorijũ Jesús tũju juaejayujarã, rijaye cutirãre. To ĩna bajisere ĩacõari, tocãrãcũre ĩ ãmori ñujeocõari, ĩnare catioyuju Jesús. ⁴¹Vãti sãñarãre quẽne juaejayujarã. ĩnare quẽne, ĩna usurijũ sãñarãre vãtiare bureayuju Jesús. To ĩ yirone, “Dios macũne ñaami” yimasirã ñari,

—Dios macũ ñaja mũ —vãtia ĩna yiavasãjare, ĩnare ñagõrotibesuju Jesús, “Masa rojose ĩna tãmũoborotire ĩnare yirẽtobosacõari, “Rotimũorũgõrũcũmi” yigũ, Dios ĩ cõar'i ñaami Jesús' masare yiajioroma” yigũ.^a

“Gaje macarianare quẽne, quẽnase quetire goticudirocũ ñaja yũ”, Jesús yire queti

(Mr 1.35-39)

⁴²Gajerũmũ, busurijũ, masa manojũ vacoasuju Jesús, Diore sẽnigũacũ. To ĩ bajiboajaquẽne, ti macana, ĩre macasũya, ejacoasujarã ĩna. Toju ĩre ĩabũjacõari,

^a 4:41 “Masare ĩ rijabosarotirũmũ ti ejabetijare, vãtiare ñagõrotibesuju Jesús”, yiyujarã sĩgũri, Dios oca masa ĩna ucamasire buerẽtoburimasa.

—Yua rãca tudiaya mu. Gãjerã ñna ñaroju vabesa mu —ïre yiboayujarã ñna. ⁴³ To bajiro ñna yisere ajicõari, ado bajiro ñnare yicudiyuju Jesús:

—Tudiabeaja yu. Gaje macarianare quëne, quënase quetire goticudirügürocü ñaja yu. “Ûju Dios yarã quë-naro ï yirona mua ñarujama, rojose mua yisere yitü-jacõari, yure ajitirünña”, ñnare quëne yigotimasioroti ñaja. “To bajiro yicudiato” yigu, yure cõacami Dios — ñnare yicudiyuju Jesús.

⁴⁴ To bajiri, gaje macariana jud'io masa Dios ocare ñna bueriviriju sãjacõari, quënase quetire gotimasioduc-irügüñuju Jesús.

5

Vai sïarimasare Jesús ï jire queti

(Mt 4.18-22; Mr 1.16-20)

¹ Cojorãmu Genesaret vãme cutira utabucura tujü ñañuju Jesús. To ï bajiro ñacõari, jãjarã masa ejayujarã. Ñna ejaro ñacõari, ñnare gotimasio ñañuju ï. To bajiri ï gotimasiosere buto ajiruarã ñnari, ï ture jãjarãbusa ejayujarã masa. ² To bajiri ï rügõboarijüre rügõbibecõañujarã. To ñna bajijare, jua cümüari masa maniari jayasere ñabujayuju ï. Vai sïarimasa ñna bajiyucürire coerã ñna vãgãgoriari ñañuju. Coja ñañuju Pedro yaga. ³ Tia tã ñañuju Pedro, vai sïañar'ï ï bajiyucürire coeñagã. To bajiri tiare vasãjacõari,

—Quënaca yure ñuviojoya mu —Pedrore ïre yiyuju Jesús. ïre ï ñuviojoro bero, cümüaju sãñacõari, masare gotimasioñuju quëna. ⁴ Ñnare gotimasio gajanocõari, ado bajiro Pedrore ïre yiyuju:

—Ïcuarõju vijajajacõari, mua bajiyucüre rearoderu-uya mua! —ïre yiyuju. ⁵ To bajiro ï yisere ajicõari, ado bajiro ïre yicudiyuju Pedro:

—Yua uju, jēju ñami yua bajiyucure rearoderuu ñamicutiboabu yua. Vai, mama ñna. To bajiboarine yuare mu rotijare, rearoderuu ñaruarãja quena —Jesúre yicdiyuju Pedro.

⁶ To bajiri, ucuarojm vijajajacõari, ñna bajiyucurire rearoderuucõari, tñajãmbooyujarã ñna. Ñna tñajãmboaro, jãjarã ñna sãjajare, ñna bajiyucuri vocoabusa bajiyuju. ⁷⁻¹⁰ To ti bajijare, gãjerã vai sãrimasare jiyujarã ñna, “Yuare ejarẽmoroaya” yirã. To ñna yirã, ñna tujm ejacõari, ñna ya cõmuajm vaire juasãñujarã ñna quene. Jma cõmuajmne rujaruabusarojm yijũmnojocõañujarã. Pedro rãcana ñañujarã Zebedeo rã, Juan vãme cutigm, to yicõari, Santiago vãme cutigm. Jãjarã vai ñna sãjaro ñaucajedicoasujarã ñna, ti ñnure ñabetirũgũriarã ñari. Tire ñaucacõari, Jesús ture gusomuniarituetucõari,

—Masirẽtogũ ñaja mu. To bajiro yigm ñari, quẽnaro yigm mu ñasere masiaja yu. Dios ñ bojarore bajiro yigm me ñaja yuma. Yuare baba cutiruabecuja mu, quẽnagũ ñari —Jesúre yiyuju Pedro. To bajiro ñ yisere ajicõari, ado bajiro ñnare yiyuju Jesús:

—Yuare güibeticõaña mua. Vai sãrimasa mua ñnaserema jẽre moagajanocõaja mua. To bajiri yucurema masa yure ñna ajitirũnrotijũare yure moabosarã ñarũgũruarãja mua —ñnare yigotiyuju Jesús.

¹¹ To bajiro ñ yijare, ñna cõmuarire vejamocũ, to yicõari, ñna gajeyẽnure quene cõcõa, ñre sũyacoasujarã ñna.

Gase boagure Jesús ñ catiore queti

(Mt 8.1-4; Mr 1.40-45)

¹² Cojorũm macajm Jesús ñ ñaro, ñ tujm ejayuju rijaye cutigm, ñ rujm jediro gase boagu. Jesúre ñacõari, gusomuniarituetuyuju, ñre rũcũbũogm. To yicõari, ado bajiro Jesús ñre yiyuju:

—Ym ujm, ym cãmire m̄ yarũajama, yaya —ĩre yisẽniñuju ĩ.

¹³ To bajiro ĩre ĩ yisere ajicõari,

—M̄ cãmire yarũc̄ja ym —ĩre yigũne, ĩre moaĩañuju Jesús. To bajiro ĩ yirĩmarone, ĩ cãmĩ ĩre yaticoasuju yuja.

¹⁴ To ĩre yigajanocõari, gãjerãre ĩre gotirotibesuju Jesús. To bajiro ĩre yicõari, ado bajiro ĩre yiyuju:

—Yucũacane paire m̄ rujure ĩoaya. M̄ rujure ĩre ĩogũne, Moisere Dios ĩ roticũmasiriarore bajiro vaibũcũrã ecariarãre s̄iacõari, paire ĩre ĩsima, Diore rũcũbuogm. To m̄ yisere ĩacõari, “Caticoasumi”, yirũarãma masa —ĩre yiyuju Jesús, gase boaboar'ire.

¹⁵ To bajiro ĩ yisere masa ĩna masisere ĩ bojabetiboa-jaquẽne, Jesús ĩ yĩnase quetire ajjedicõañujarã. To bajiri, jãjarãbusa masa ejarũgũñujarã, Jesús tũjure, ĩ gotisere ajirã, to yicõari, ĩna rijaye cũtisere ĩre catorotirã. ¹⁶ To bajiro ĩna bajiboajaquẽne, masa manojm ĩnare cãmotadi-veocoarũgũñuju Jesús, Diore ĩre sẽnigũ vacũ.

Micagũre Jesús ĩ catiore queti

(Mt 9.1-8; Mr 2.1-12)

¹⁷ Cojorũm̄ Jesús masare ĩ gotimasio ñarore, fariseo masa, Dios ĩ rotimasire gotimasiorimasa quẽne ajirujiyujarã ĩna. ĩna ñañujarã Galilea sita ñarimacariana, to bajicõari, Judea sita ñarimacariana. Gãjerãma, Jerusalén macana ñañujarã. To ĩna ajirujirone, Dios ĩ masise rãca rijaye cũtirãre ĩnare catioõñuju Jesús. ¹⁸ To bajiro ĩ yĩnarone, micagũre ãmiayujarã. ĩre ãmiadicõari, Jesús tũjm cũrũaboayujarã ĩna. ¹⁹ To ĩna yirũaboarore jãjarã masa ñabibecõañujarã. To bajiri, vijure sãjamasibesujarã. “Tire bajicõaja” yirã, vi joejm ĩre ãmimũjasujarã. ĩre ãmimũjacõari, Jesús ĩ rũgõro vecare goje yijorayujarã. To yigajano, micagũre ĩ jesarijm rãcane ĩre jidirujio ejoyujarã, Jesús tũjm. ²⁰ “Micagũre ĩamaicõari, ĩre catorũcũmi Jesús”

ĩna yituoĩasere ĩamasicõari, micagũjuare ado bajiro ĩre yiyuju:

—Rojose mu yirere mre masiriocõaja yu —ĩre yiyuju Jesús.

²¹ To ĩ yisere ajicõari, Dios ĩ rotimasire gotimasiorimasa, fariseo masa quẽne, ado bajiro tuoĩañujarã ĩna:

—¿No yigu to bajise yati ĩ? To bajiro ĩ ñagõjama, Diore ĩre rũcũbuobecu yami. Dios sigũne ñagũmi, ti ãnire yimasigũma —yituoĩañujarã ĩna.

²² To bajiro ĩna yituoĩasere ĩamasicõari, ado bajiro ĩnare yiyuju Jesús:

—“Diore bajiro masa rojose ĩna yisere masiriomasi-aja’ yisocaami”, yure yituoĩaboaja mu. ²³ “Rojose mu yirere masiriocõaja” yu yicõa tujajama, “Socu yami. Socu me yami”, yure yĩamasigũ magũmi. To bajiboarine, micagũre, “Vũmurũgũcõari, vasa” ĩre yu yijama, “Socu me yami. Rojose ĩ yirere masiriocõami”, yure yĩamasirãja mu. ²⁴ To bajiri, “Dios ĩ roticõacacu ñari, Diore bajirone masare rojose ĩna yisere masiriomasigũ ñaami’ yure yĩamasiato” yigu, ãni micagũre ado bajiro ĩre yaja yu: “Vũmurũgũña mu. Mu jesarijũre ãmiña. To yicõari, mu ya vijũ tudiasa”, ĩre yaja yu —ĩre yiyuju Jesús.

²⁵ To ĩ yirirĩmarone, masa jediro ĩna ĩaro rĩjoro vũmurũgũcõari, ĩ jesarijũre ãmi, ĩ ya vijũ vacoasuju ĩ yuja. “Quẽnaro yaja mu”, Diore ĩre yivariquẽna vasuju ĩ.

²⁶ To bajiro Jesús ĩ yisere ĩaucacoasujarã masa. “Ti ãnire ĩabetirũgũcaju mani. ãni, Dios ĩ masise rãca yigu yami” yituoĩacõari, “Quẽnaro yaja mu”, Diore ĩre yivariquẽnañujarã ĩna.

*Lev'ire Jesús ĩ jire queti
(Mt 9.9-13; Mr 2.13-17)*

²⁷ Micagũre catiocõari bero vacoasuju Jesús. To bajivacu, Lev'i vãme cutigure ãañuju. Ʋjũre gãjoa sãnibosarimasũ ñañuju. Gãjoa sãnirã ãna rujirijũre gãjoa sãnirujiyuju. To ã bajiro, ãre ãacõari, ado bajiro ãre yiyuju Jesús:

—Yũre ajisũyaya —ãre yiyuju.^b

²⁸ To bajiro ã yisere ajicõari, ã yere juabecũne, Jesũre sũyacoasuju ã yuja.

²⁹ Bero, ã ya vijũ ejacõari, Jesũre rũcũbuogu, jairo bare quẽnorotiyuju Lev'i. To yicõari, Jesũre, ã buerimasare quẽne jiyuju. Ʋjũre gãjoa sãnibosarimasare, to yicõari, gãjerãre quẽne jirẽoñuju ã. ãna ñañujarã “Rojose yirã ñaama” masa ãna yĩarã. To bajiri, jãjarã ñañujarã ã jirẽoriarã. ³⁰ To bajiri, Jesũrãca ãna bañarone, ejayujarã fariseo masa, Dios ã rotimasire gotimasiorimasa quẽne. ãna ñañujarã, Moisẽre Dios ã roticũmasirere bũto ajirũcũbuorã, rojose yirã rãca ñarũamena. To bajiri, ãna bañarõju ejacõari, ado bajiro Jesús buerimasare ãnare sãnĩãñujarã:

—¿No yirã ãnoa rojose yirã rãca bati mũa? —ãnare yisãnĩãñujarã ãna.

³¹ To bajiro ãna yisere ajicõari, ado bajiro ãnare cũdiyuju Jesús:

—Caticũnarãma, Ʋco yigure bojamenama. Rijaye cutirã rĩne ãre bojarãma ãna. ³² To bajiro bajiaja yũre quẽne. “Rojosere yirã me ñaja yũa” yirãma, yũre bojamenama. “Rojose yirã ñaja yũa” yirã rĩne yũre bojarãma. Quẽnase yirãre jigũagu me, adi macarũcũrojũre vadicaju yũ. Rojasere yirã, “Rojose ãna yisere yitũjato” yigu, vadicaju yũ —ãnare yiyuju Jesús.

^b 5:27 Leví, jũa vãme, vãme cutigu ñañuju. Gaje vãme, Mateo vãme cutiyuju. Leví, hebreo oca rãca, Mateo romano oca rãca yirũaro yaja.

“Mani sutiritisere ĩacōari, quēnaro manire ejarē-morūcumi Dios” yirā, bare babetire queti

(Mt 9.14-17; Mr 2.18-22)

³³ To ĩ yiro bero, Jesúre sēniñañujarā sīgūri:

—Juan vāme cutigū, masare oco rāca bautizarimasū buerimasa, to yicōari, fariseo masa quēne, mani ñicua ĩna yimasiriarore bajiro Diore ĩna sēnirirūmūrirema bare babetirūgūama. ¿No yirā tire yibeati mū buerāma? — Jesúre yisēniñañujarā ĩna.

³⁴ To ĩna yisere ajicōari, ado bajiro ĩnare gotimasioñuju Jesús:

—Sīgū ĩ āmosiarirūmure ĩre variquēnaejarēmōrā ñarāma. To ĩ ũmato yiñaro cōro ĩre variquēnaejarēmocōa ñarāma. ĩnare bajiro bajiamā yū buerā. Yū rāca ñari, variquēnacōa ñaama. “Sutiritimena ñari, no yirā bare babeticōa yimenama” yimasire ñaja. ³⁵ To bajiboarine, cojorūmū yūre ĩna ñiavato ĩacōari, bare bamenane Diore sēnirūgūuarāma, “Mani sutiritisere ĩacōari, quēnaro manire ejarēmoato Dios” yirā —ĩnare yiyuju Jesús.

³⁶ To yicōari, quēna gaje gotimasiose queti ado bajise ĩnare gotirēmoñuju Jesús:

—Mame oca yū gotimasiose ricati ti ñajare, yū ye rāca mani ñicua ĩna yimasirere mūa tūoĭavūojama, quēnabeaja. Sudiro bucuase ti vojama, sudiro mamasere voāmicōari, tiatumenaja mani, bucuase vorijure. To bajiro mani yijama, sudiro mamasere yirojocōarāja mani. To bajicōari, bucuase rāca quēnaro ruyubetoja mamasegaju rāca mani tiaturijū ñari. To bajiri bucuase, mamase rāca mani tiavūobetore bajiro, mame oca yū gotimasiosere, mani ñicua oca rāca tūoĭavūobesa mūa. ³⁷ To bajirone bajiaja ũye oco quēne. Mame ũye ocore, vaibucugaserone

quēnorijaoa bucujoajuare jiomenaja mani. Bucujoajuare mani jiojama, jāmūsīnituca yiro, yivocōaroja tijoajuare. To bajiro mani yijama, uye ocore, vaibucugaserone quēnorijaoare quēne to bajirone yireacōa tujana yirāja mani. ³⁸ “To bajirobe” yirāma, mame uye ocore vaibucugaserone quēnorijaoa, mamajoajuare jiore ñaroja. To yicōari, uye oco, vaibucugaserone quēnorijaoa quēne, cojoro cōro quēnaro ñaruarōja. To bajiri mame uye ocore, bucujoajuare mani jiojetore bajiro mame oca yu gotimasiosere, mani ñicua oca rāca tōiavuoobesa mua. ³⁹ To bajiro muare yaja yu, ado bajiro ti bajijare: Mani gotise queti ado bajiro bajiaja: “Uye oco tirūmuju ña quēnorere idirūgūrāma, uye oco mame ña quēnose idiruamenama, “Tirūmuaye ña quēnorejua quēnaja’ yirā”, yigotiaja mani gotise. To bajirone bajiaja mame oca yu gotimasiose quēne. Jājarā tirūmuaye ocare ajirūcubuoesejarāma, mame oca yu gotimasiosere ajiterāma, “Tirūmuaye ocajua quēnaja” yirā —ñare yiyuju Jesús.

6

Ususājariarūmu ñaboajaquēne, Jesús buerimasa trigo ajere tūnejuacōari ña bare queti

(Mt 12.1-8; Mr 2.23-28)

¹ Ususājariarūmu ti ejaro, trigo oteriavese cutore vasujarā, Jesurāca. To bajivanane, trigo ricare tūnejuacōari, ña āmorine ti gasere sīguēreacōari, bayujarā ña. ² Tire ña basere ñacōari, sīgūri fariseo masa ado bajiro ñare yiyujarā:

—Ususājariarūmu yire mere yaja mua —ñare yiyujarā.

³ To bajiro ña yisere ajicōari, ado bajiro ñare cudiyuju Jesús:

—¿David ñamasir'i, ñ babarā rāca ñiorijacōari, ñare ñ ūmato bamasirere masibeați mua? ⁴ Ñiorijarā ñari,

“Mani rāca ñagūmi Dios” masa ñna yirivijure sājacōari, Diore ñre rñcuborā pan gājerā ñna cūboarerene juacōari, ñ babarā rāca bamasiñuju ñ. To bajiri Moisés ñamasir'i ñ gotimasirema, “Paia rñne baruarāma” ñ yimasiboarerene bamasiñujarā ñna. To bajiro ñna yiboajaquēne, ti vaja rojose ñnare yibetimasinumi Dios. ⁵ Ум, Dios ñ roticōacacu, “Ususājariarūmure ado bajiro mua yijama, quēnaja. To bajirojua mua yijama, quēnabeaja”, yirotigū ñaja yu — ñnare yicūdiyuju Jesús, fariseo masare.

*Āmo ñujobecure Jesús ñ ñujorotire queti
(Mt 12.9-14; Mr 3.1-6)*

⁶ Gaje semana gaja, ususājariarūmu ti ejaro, Dios ocare ñna buerivijū tudivasuju Jesús quēna. Sājacōari, toanare gotimasioñuju. Ti vijū ñañuju sīgū, riojojacatua āmo ñujobecū. ⁷ Dios ñ rotimasire gotimasiorimasa, to yicōari, fariseo masa quēne ñañujarā. “Jesús, rojose yimi' ujarāre ñre yigotiyirorāsa” yirā, Jesure ñre ñacodeyujarā ñna. “Adirūmu ususājariarūmure āni āmo ñujobecure ñ masise rāca ñ ñujorotijama, ‘Dios, Moisére ñ roticūmasirere cūdibecu yimi' yigotiruarāja mani”, yituoñañujarā. ⁸ To bajiro ñna yituoāsere ñamasicōañuju Jesús. To bajigu ñari, ado bajiro yiyuju, āmo ñujobecujare:

—Vūmurūgūña —ñre yiyuju.

To ñ yirone, vūmurūgūñuju ñ.

⁹ To bajiro ñre yicōari, Dios ñ rotimasire gotimasiorimasare, to yicōari, fariseo masare quēne ado bajiro ñnare sēñañuju Jesús:

—¿Ususājariarūmure quēne, no bojagu masare quēnaro mani yijama, quēnabetojari? ¿Disejare yiroti ñati? ¿Quēnasejare, rojosejare yiroti ñati ti? ¿Rijaye cutirāre catiořejare yiroti ñatique? To yiterā, ¿ñnare sīacōaroti ñatique? —ñnare yiyuju Jesús.

¹⁰ Ī sēniņasere ĩna cūdisere ajiru, tocārācurene ĩnare ĩaboayuju. ĩna cūdibeto ĩaboacu, ado bajiro ĩre yiyuju, āmo ñujobecūjare:

—Mu āmore ñujoya mu —ĩre yiyuju Jesús.

To ĩ yirone, ĩ āmore ĩ ñujorone, quēnaejacoasuju yuja. ¹¹ To bajiro ĩre ĩ yijare, Jesúre buto jūnisiniñujarā ĩna Dios ĩ rotimasire gotimasiorimasa, to yicōari, fariseo masa quēne. “¿No bajiro yicōari, Jesúre sīarotirāti mani?”, gāmerā yiñagōñujarā ĩna.

Ī ocare goticudisūoronare Jesús ĩ besere queti

(Mt 10.1-4; Mr 3.13-19)

¹² Cojorūmu buroju majasuju Jesús, Diore sēniguacu. Toju Diore sēni ñamicūtibusuocoasuju ĩ. ¹³ Ī sēni busuorirāmure, ĩ buerimasare jirēoñuju Jesús. To bajiri ĩ tu ĩna ejarone, juaāmo cōro, gūbo jua jēnitarirācu ñarā ĩnare beseyuju, ĩ ocare goticudibosaronare. ¹⁴⁻¹⁵ Ado bajiro vāme cūtirā ñañujarā: Simón vāme cūtiboar'i Pedro vāme cūtigu, ĩ bedi, Andrés ñañujarā. Santiago, Juan, Felipe, Bartolomé, Mateo, Tomás ñañujarā. Alfeo macu, Santiago, to yicōari, Simón vāme cūtigu, celote yere tuoĩaboar'i ñañuju. ¹⁶ Santiago macu, Judas vāme cūtigu ñañuju. Tusagu Judas Iscariote vāme cūtiyuju. Ī ñañuju Jesúre ĩsirocar'i. To bajiri juaāmo cōro, gūbo jua jēnitarirācu ñañujarā Jesús ĩ beseriarā.

Masa jājarāre gotimasiocōari, rijaye cūtirāre Jesús ĩ catiore

(Mt 4.23-25)

¹⁷ Ī beseriaro bero, ĩna rāca rojaejayuju ĩ, rujatūcuror-iju. Toju gājerā Jesús buerimasa ĩre ñayuyujarā ĩna. Judea sita ñarimacariana, gājerāma, Jerusalén macana ñañujarā. Gājerā moa riaga tuana, Tiro macana, to yicōari, Sidón macana quēne ñañujarā ĩna. Ī gotimasiosere

ajiruarã, to yicõari, ï catiosere bojarã, ïre ñayuyujarã ñna.
¹⁸ Ñna usurijure vãtia sãñarã ñari, rojose tãmuorã quëne ñañujarã. Ñna usurijure sãñarãre vãtiare bureayuju Jesús.
¹⁹ To yicõari, tocãrãcũ rijaye cutirãre quëne catioyuju. To bajiro ï yisere ñacõari, masa jediro ïre moaïaruyujarã, “Manire quëne catioato” yirã.

Variquënarone, to yicõari, rojose tãmuoronare Jesús ï gotimasiore queti

(Mt 5.1-12)

²⁰ Ñnare catiogajano, ï buerimasare ñacõari, ado bajiro ñnare gotiyuju ï:

—“Masimena ñari, mũ ejarëmose bũto bojaja yua”, Diore ïre yisënrügürãma, ï yarã ñarãma. To bajiri, rojose tãmuoarine, Dios tũju variquënarona ñarãma.

²¹ Yucãrire Dios ï bojabetire yicõari, tuoïasutiritiñarã quëne, variquënarona ñarãma, beroju ñna tuoïasutiritisere Dios ñnare ï yirëtobosaroti ti ñajare.

²² Dios ï roticõacacure, yure mua ajitirũnuse suorine gãjerã muare ajatud'icõari, “Rojorã ñaama” muare ñna yisocaboajaquëne, variquënaruarãja mua. ²³ To bajiro muare ñna yiboajaquëne, bũto variquënaña mua, “Beroju Dios tũju ejarã, quënose bujaruarãja” yimasirã ñari. Mua rĩjoroana, Diore gotirëtobosamasiriarãre quëne, rojose muare ñna yirore bajirone ñnare quëne rojose yimasinujarã masa.

²⁴ Gãjerãma, gajeyeũni jairo cuovariquënarã ñari, Diore bojamena ñarãja mua. Adigodoju variquënarã ñaboarine, berojuma sutiritiruarãja.

²⁵ Gãjerãma, “Disejua yuare ruyabeaja” yivariquënarã ñari, Diore bojamena ñarãja mua. Adigodojure variquënarã ñaboarine, berojuma variquënetiruarãja mua.

Gãjerãma, mua rijato bero mua bajiro tire tuoïamenane, adigodoayere tuoïacõari ajarãma, beroju, otiruarãja mua.

²⁶ Masa, “Quênaro yirã ñaama” mũare ñna yisere ajicõari, variquênaboaja mũa. To bajirone bajimasiñuju tirũmũju. “Diore gotirõtobosarimasa ñaja yua” yito-masiriarãre, “Quênaro yirã ñama” ñnare yirũcũbuomasiboayujarã mũa ñicũa.

“*Manire ãaterãre quêne mani ãamaijama, quênaja*”, Jesús ã yigotimasiore queti

(Mt 5.38-48; 7.12)

²⁷ Yũre ajitirũñũrãre ado bajise mũare rotiaja yu: Mũare ãaterãre quêne ãamaiña. Ñnare ãamaicõari, quênaro yiya. ²⁸ Rojose mũare yirãre quêne quênaro ñna ñnarotire, Diore ñnare sãnibosaya mũa. ²⁹ Cojojacatuã, mũa vayujuare ãjajama, gajejacatuare quêne ãre jarotiya. Sĩgũ, mũa sudirore joeagarore ã veaãmijama, jubeagarore quêne ãre veaĩsicõaña. ³⁰ No bojarã mũa gajeyeũnire ñna sãnijama, ãsiña. Mũa gajeyeũnire juarudigũre, “Yũre tuoya”, ãre yibesa mũa.^c ³¹ Gãjerã quênaro mũare ñna yisere bojaja mũa. To bajiri quênaro mũare ñna yisere bojarã ñari, quênaro ñnare yiya mũa quêne.

³² Mũare ãamairã rĩne mũa ãamaijama, ¿“Quênaro yaja mũa”, mũare yĩãgũjari Dios? Yibecũmi. Rojose yirã quêne, ñnare mairã rĩrene ñnare ãamairũgũrãma ñna. ³³ Quênaro mũare yirã rĩrene quênaro mũa yijama, ¿“Quênaro yaja mũa”, mũare yĩãgũjari Dios? Yibecũmi. Rojose yirã quêne, quênaro ñnare yirã rĩrene quênaro yirũgũrãma ñna. ³⁴ Mũare tuomasirã rĩrene no bojasere mũa vasoajama, ¿“Quênaro yaja mũa”, mũare yĩãgũjari Dios? Yibecũmi. Rojose yirã, ñnare tuomasirã rĩrene

^c 6:30 “Ado bajiro gotigũ yiyuju Jesús”, yicama Dios ocare gotirõtoburimasa: “Mani vayujuare jagũre, to yicõari, gajeyeũni manire ãmagũre, to yicõari, gãjerãre no bojase rojose manire yirãre Jesús ã yijama, Ñnare gãmebeticõari, quênasejuare yiroti ñaja’ yigũ yiyuju”, yicama ñna.

ĩna sēnisere ĩnare ĩsirãma ĩna quēne. ³⁵ To bajiri ado bajiro m̄are gotiaja yu: M̄are rojose yirãre quēne, ĩnare maiña m̄a. ĩnare quēne quēnaro yiya. “Mani ĩsire manire t̄oruarãma” yit̄oĩamenane, ĩnare ĩsiña. To bajiro ĩnare m̄a yijama, quēnamasusere m̄are ɰjoruc̄umi Dios. “Quēnaro yaja m̄u” Diore yimenarene, to yic̄ari, rojose yirãre Dios ĩ mairore bajirone m̄a maijama, “Dios rĩa ñaja yua” yĩorã yirãja m̄a. ³⁶ Mani jac̄u Dios ĩ ĩmairore bajirone m̄a quēne, masare ĩamaiña —ĩ buerimasare yigotiyuju Jesús.

“*Rojose yirã ñaama. Ti s̄ori rojose t̄am̄oruarãma*’ yiruarã, ĩnare ĩabesebesa”, Jesús ĩ yigotimasiore queti
(Mt 7.1-5)

³⁷ Quēna ado bajiro gotiyuju Jesús:

—“Rojose yirã, ñaama. To bajiro yirã ñari, rojose t̄am̄oruarãma”, gãjerãre ĩnare yĩabesebesa. To bajiro m̄a yijama, “Rojose yirã ñaama”, m̄are yĩaromi Dios. Gãjerã rojose m̄are ĩna yisere m̄a masiriojama, rojose m̄a yisere m̄are masirioruc̄umi Dios quēne. ³⁸ No bojase ĩna cuobetijama, ĩnare ĩsiña. To bajiro m̄a yijama, ĩnare m̄a ĩsirere ĩac̄ĩac̄ari, m̄a ĩsise r̄etob̄saro m̄are ĩsiruc̄umi Dios —ĩre ajitir̄un̄rãre yigotiyuju Jesús.

³⁹ To yiḡne, adi gotimasiore quetire ĩnare gotiyuju:

—Sĩḡũ ĩabec̄u, gãji ĩabec̄ure ĩ t̄uavajama, gojeju reasãc̄oanama, ĩna juarãj̄ne. ⁴⁰ Gajeyerema, ĩnare buegu r̄etob̄saro masirã me ñaama ĩ buerã. To bajiboarine quēnaro ĩna buejeoc̄ajama, ĩnare buerimasure bajirone masirãma ĩna quēne.

⁴¹⁻⁴² Gajeyerema, ado bajiro yirãre bajiro yaja m̄a: Gãji b̄uto rojose ĩ yibetiboajaquēne, “M̄a cajeare s̄ujuroaca sãñaja. Tijuacare ãmirocatu” yirãre bajiro yaja m̄a. Tire b̄uto ĩatir̄un̄rã ñaboarine, m̄a cajeajure jairis̄ujuro sãñarijaure tijaure “Ãmirocaya”, yimasibeaja m̄a, “B̄uto

rojorã ñaja yua” yituoïamasimena ñari. Mua rãcagu ï yisejuare ïacõari, “Riojo tuoïabeaja mu. ‘Quënase-juare tuoïavasoaya’ yirã, riojo mure gotiruarãja” yigotirã ñaboarine, “Adi ñaja quënase. Tijua ñaja rojose”, yimasi-menaja, ï rëtoro rojose yirã ñari. “Quënarõ yirã ñaja yua” yituoïaboarine, rojorã ñaja mua. “Buto rojorã ñaja yua” mua yituoïamasiro beroju, mua rãcagure ejarëmo-masirãja mua, “Quënarõ riojo ñato ï” yirã —ï buerãre ñare yigotimasioñuju Jesús.

“*Ti rica* cutise suorine yucúre ïamasijaja mani”, Jesús ï yigotimasiore queti

(Mt 7.17-20; 12.34-35)

⁴³—Gajeyerema, yucá vãnuricu, “Quënase rica cutiricu ñaja” mani yiboaricune, quëneti rica cutibetoja. To yicõari, vãnubeti, “Quëneti rica cutiricu ñaja” mani yiboaricune, quënase rica cutibetoja. ⁴⁴ Ti rica cutise suorine yucúre ïamasijaja mani. Quënase bare higos vãme cutiu ricare juaroana, vãtijota yucúrijure macamenaja mani. To yicõari, ñye juaroana, vidiroju ñaricu savajotajure macamenaja mani. ⁴⁵ To bajirone bajijaja masare quëne. Sīgūri quënase tuoïarã ñari, quënase yirãma. Gãjerã, rojose tuoïarã ñari, rojose yirãma. To bajiro bajijaja mua ñagõse quëne. Masa ñna ñagõsere ajicõari, “Rojose tuoïarã ñaama. Quënase tuoïarã ñaama”, yimasijaja mua. To bajiri ñna usuriju ñna tuoïabujuoñaserene, ñna riseriju ñagõburügūama ñna —ñare yigotiyuju Jesús.

“Quënarõ ïre ajitirũnurã, to yicõari, ïre ajiboarine, ïre cudimenama, ado bajiro bajirãma”, Jesús ï yigotimasiore queti

(Mt 7.24-27)

⁴⁶Quëna ado bajiro ñare yiyuju Jesús:

—¿No yirã yu rotisere cudibetiboarine, “Yua ñju” yure yati mua? ⁴⁷ Yu gotimasiosere ajicõari, yu rotirore bajiro

yiguma, ado bajiro yigu ũgũre bajiro bajigu ñagũmi: ⁴⁸ Ĩ ũgũ ñagũmi gũtajĩju gojeri coaejocõari, botari rũgõcõari, vi buagure bajiro bajigu. Vi ĩ buaro bero, buto oco quediroya. To bajicõari, riaga jaicoatoja. Ti vijũ ti jaiejacoaboajaquẽne, juriaquedibetoja ti vi. ⁴⁹ Yũre aji-boarine, yũ rotirore bajiro yibecujua ñagũmi sita vajaroju vi buagure bajiro bajigu. Ti vi ĩ buaro bero, buto oco quediroya. To bajicõari, riaga jaicoatoja. Ti vijũre ti jaie-jarone, yoaro mene juriaquedicoatoja —ĩnare yigotiyuju Jesús.

7

Surara ujũre moabosarimasũre Jesús ĩ catiore queti
(Mt 8.5-13)

¹ Gotimasiore queti ĩnare gotigajanocõari, Capernaum vãme cuti macaju vasuju Jesús. ² Ti macajũre ñañuju romano masũ. Surara ujũ ñañuju ĩ. ĩre moabosarimasũ, ĩ maigũ, buto rijayuju. Bajirocacuju yiyuju ĩ. ³ To bajiri ti macaju Jesús ĩ vadire ajicõari, “Ĩre catiogũ vadiato Jesús” yigu, jud'io masa bucũrãre ĩnare cõañuju ĩ, “Ĩre jiaya” yigu. ⁴ To bajiri Jesús tũju ejacõari, ado bajiro ĩre yisẽniñujarã ĩna:

—Yũa tuagu, romano masũ, surara ujũ, ĩ queti cõarã bajiaja yua. “Vadiato Jesús. Yũ maigũ, yũre moabosagu, buto rijaami. To bajiri rijacu yami. ĩre catiogũ vadiato” ĩ yijare, bajibu yua. ⁵ Mani yarã, jud'io masare maiami. To bajiri ĩne Dios ocare yua buerotivire buaroticami. To yigu ĩ ñajare, ĩre sãnibosarã bajibu yua. Ķĩre moabosagure catiogũ varũabeati mu? —Jesũre yisẽniñujarã ĩna.

⁶ To bajiro ĩna yijare, ĩna rãca vacoasuju Jesús. ĩ cõñatone, gãjerã ujũ ĩ cõariarã ĩre bocayujarã ĩna. ĩre bocacõari, ado bajise ĩre queti gotiyujarã ĩna:

—“Yũ ɯjũ, quẽnagũ ñaja mũ”, mũre yami romano masũ. “Yũma, rojose yũ yisere tũoĩabojonegũ ñari, yũ ya vire ìre sãjarotimasibecũja yũ. ⁷ To bajiri, ìre boca bojoneaja yũ”, mũre yami. No yĩgũ sãjabecũja mũ. “Sãjabetiboarine, ì ñagõtũoĩasene catiomasicõagũmi”, mũre yami. ⁸ “Gãjerã surara ɯjarã beroagũ ñaja yũ. To bajiri, yũ quẽne, gãjerã surarare rotigũ ñaja yũ. Sĩgũre, ‘¡Vasa!’ yũ yijama, vajami. Gãjire, ‘Vayá’ yũ yijama, vadiami. To yicõari, yũre moabosarimasũre, ‘Tire yiya’ yũ yijama, yirũgũami. To bajiri, ì roque rotigũ masu ñari, adoju sãjadibetiboarine, ì ñagõtũoĩasene caticoarũcũmi”, mũre yami —Jesũre yiyu-jarã ñna, romano masũ ì gotirotirã.

⁹ To bajiro ì yirere ajicõari, no yimasibesuju Jesús. To bajiri, jũdarũgũcõari, jãjarã ìre sũyarãre ado bajiro ñnare gotiyuju:

—Riojo mũare gotiaja yũ. Israel ñamasir'i jãnerabatia yũ yarã ñaboarine, “Masigũ, to yicõari, quẽnagũ ñari, yũre yirẽmorũcũmi” romano masũ yũre ì yitũoĩarore bajiro tũoĩagũre ìabetirũgũaja yũ —ñnare yigotiyuju Jesús.

¹⁰ To bajiro ì yiro bero, romano masũ ì gotirotiriarã, vijũre sãjacõari, ñna ìajama, ìre moabosagũre catiquẽnagũ ñagũre ìre ìañujarã ñna.

Bajirocar'ìre Jesús ì catiore queti

¹¹ To ì yiriaro bero, gaje macaju vasuju Jesús, Na'in vãme cuti macaju. Ì buerã quẽne gãjerã quẽne, jãjarã masa ì rãca vasujarã ñna. ¹² Ti macaju ñna ejaro, bajirocar'i rujũrìre gajavayujarã ñna, ìre yujeroana. Jãjarã masa ñna rãca vayujarã ñna. Ì ñaboar'i jaco quẽne, vayuju. Manaju rijaveorio ñañuju so. Sĩgũne macũ cutirio ñari, bũto otiyuju. So oti vadone sore bocayuju Jesús. ¹³ Sore ìamaicõari,

—To cõrone otitũjaya mũ —sore yiyuju ì.

¹⁴ To yicōari, so macu rujuri ñna gajarijotire ñ moañae-jarügürone, tujarügücōañujarã ñna. Ñna tujarügürone, —“Vãmürũjuña” mure yaja yu —ñre yiyuju Jesús.

¹⁵ To ñ yirone, vãmürũjuri, ñagõñuju ñ yuja, bajirocar'i. To ñ bajiro ñacōari, ñ jacore tũañsiñuju Jesús. ¹⁶ Ñre ñ catiosere ñacōari, güiyujarã masa, ti ñnure ñabetirügüriarã ñari. To bajirã ñari,

—Diore gotirētobosarimasu ñamasugũ mani tujare ejaami yuja. Ñ yarã mani ñajare, manire ñamaicōari, Jesús suorine manire ejarēmoami Dios —Diore yirũcũbuo variquēnañujarã ñna.

¹⁷ To bajiro Jesús ñ yisere ajjedicōañujarã ñna, Judea sitana. Ti sita sojuana quēne, tire ajiyujarã ñna.

Juan vãme cutigu, masare oco rãca bautizarimasu ñ cōariarã, Jesúre ñna sēniñare queti

(Mt 11.2-19)

¹⁸ Jesús ñ yĩnasere masijeocōañuju, Juan, ñ buerimasa ñna gotise ti ñajare. ¹⁹ Tire ñre ñna gotiro bero, juarã ñ buerãre sēniñaroticōañuju Juan:

—Jesúre, “¿Mũne ñati, ‘Rotimũorũgõrũcũmi’ yigu, Dios ñ cōar'i, ‘Yu bero ejarũcũmi’ Juan ñ yigotimasiocacu? ¿Gãjire yuroti ñatique maji?”, Jesúre yisēniñaaya —ñnare yicōañuju Juan.

²⁰ To bajiro ñ yicōariarã, Jesús tu ejaçōari, ado bajiro ñre sēniñañujarã ñna:

—Juan vãme cutigu, masare oco rãca bautizarimasu buerã ñaja yu. “Ñre sēniñaaya” ñ yicōajare vabu yu. ¿Mũne ñati, “Rotimũorũgõrũcũmi” yigu, Dios ñ cōar'i, “Yu bero ejarũcũmi” Juan ñ yigotimasiocacu? ¿Gãjire yuroti ñatique maji? —ñre yisēniñañujarã ñna.

²¹ To bajiro ñna yisēniñarã ejarone, jãjarã rijaye cutirãre catioñoñuju Jesús. Masa usuriju sãñarãre vãtiare quēne bureañoñuju. To yicōari, caje ñamenare quēne ñnare

īarotiñoñuju. ²² To bajiri, Juan ĩ cōariarã ĩna sēniīasere ajicōari, ado bajiro ĩnare cūdiyuju Jesús:

—Ado bajiro Juanre gotiba m̄a: “Jesús ĩ masise rãca ĩ yijare, ĩabetiboariarã quēne ĩama. Rujasagueri vaboariarã quēne, quēnaro vama. Gase boariarãre quēne, ĩna cãmi yatibũ. Ajimena ñaboariarã quēne, ajima. Bajireariarã quēne, tudicatima. To yicōari, maioro bajirãre quēne, Dios oca quēnasere gotimasio ecoma ĩna”, yigotiba, Juan t̄jũ ejacōari. ²³ To bajiri, “ ‘Quēnase b̄jaruārãma ȳre ajitir̄n̄rã, “Socũ me yami”, ȳre yit̄oīarãma’ yimi”, ĩre yigotiaya —ĩnare yiyuju Jesús, Juan ĩ sēniīarotiriarãre.

²⁴ To bajiro ĩ yisere ajicōari, ĩna vase rãcane, Juan vãme c̄tigũ, masare oco rãca bautizarimasũ ĩ ĩnare quetire gotiyuju Jesús, jājarã ĩre ajis̄yarãre:

—Yucú manojũ vana, ¿ñimũ ũgũre t̄oīa vacati m̄a? ¿Masa ĩna bojasere bajiro yirua t̄oīagũre ĩarã vacati m̄a? “To bajiro t̄oīagũ me ñacami”, yimasiaja m̄a. ²⁵ ¿Ñimũ ũgũre t̄oīarã vacati m̄a? ¿Quēnase sudi sãñagũre t̄oīa vacati? To bajiro me t̄oīariarãja m̄a. “Quēnase sudi sãñarãma, quēnarivirijũ, ujarã ya virijũ ñarãma”, yimasiaja mani. ²⁶ ¿Ñimũ ũgũre t̄oīa vacati m̄a? ¿Diore gotir̄etobosarimas̄re t̄oīa vacatique m̄a? Riojo m̄uare gotiaja yũ. Gãjerã Diore gotir̄etobosarimasa r̄etoro ñagũre ĩariarãja m̄a. ²⁷ Juan ĩ bajiro tire gotiro, ado bajise gotiaja Dios oca masa ĩna ucamasire:

“ ‘ “Rotim̄or̄ũḡor̄uc̄mi” yigũ, m̄re yũ cōaroto r̄joro, m̄re gotiyuroc̄re c̄as̄uor̄uc̄ja yũ maji’ yami Dios. ‘ ĩ ñar̄uc̄mi ado bajise gotiroc̄: “Yoaro mene ejar̄uc̄mi, ‘Rotim̄or̄ũḡor̄uc̄mi’ yigũ, Dios ĩ cōaroc̄. To bajiri rojose Dios ĩ bojabetire yit̄-jacōari, ĩ bojasej̄uare yi yuya m̄a” yigotiroc̄ ñar̄uc̄mi’ yami Dios”, yigotiaja Dios oca masa ĩna ucamasire.

²⁸ Diore gotirētobosarimasa ñna gotimasire rētoro ñnamasuse ñaja, Juan, Diore ñ gotirētobosaseña. To bajiro ti bajiboajaquēne, Juan ñ gotise rētoro ñnamasuse ñaja yu gotiroticōarā ñna gotise. “Uju Dios yarā quēnaro ñ yirona mua ñnarujama, Jesúre ajitirūnuña” ñna yigotisere yaja yu. Ñnamasurā ñnaama, “Ñnamasurā me ñnaama Jesús ñ gotiroticōarā” mua yīaboajaquēne —ñ rāca ñnarē ñnare yiyuju Jesús.

²⁹ Juan ñ gotimasiorere ajitirūnuñujarā ñna, ujure gājoa sēnibosarimasa. Gājerā quēne, jājarā ñre ajitirūnuñujarā ñna. “Mu gotirore bajirone bajiaja. Rojose yirā ñaja yua” yituoīacōari, Juanre bautizarotiyujarā ñna, Diore rūcubnorā. ³⁰ ñna bautizarotiboajaquēne, fariseo masa, Dios ñ rotimasire gotimasiorimasa quēne, Juan ñ gotisere ajicōari, “Bajibeaja ti”, yituoīañujarā ñnajuama. Dios ñ bojasere yirubesujarā. To bajiri Juanre bautizarotibesujarā ñna.

³¹ Quēna ado bajiro ñnare gotiyuju Jesús:

—Ado bajiro yirāre bajiro yirā ñnarāja mua, adirodoriana: ³² Daquerā, gājerā rāca ajeruamenare bajiro yirā ñnarāja. ñna ajeritūcuroju rujicōari, gājerājuare, ado bajiro ñnare gotirujirāma: “ ‘Basavariquēnato mani’ yirā, muare jutibosaboabu yua. To bajiro yua yiboajaquēne, basabeju mua. To bajiri, ‘Rijariarāre bucārā ñna oticatore bajiro sutiriose boca otiruarāja mua, yua basañarone’ yiboabu yua. To yua yiboajaquēne, otibeju mua”, ñnare yigotirāma, ñna rāca ajeruamenare. ³³ ñna rāca ajeruamenare bajiro yirā ñnarāja mua, adirodoriana. Juan, quēnase bare babeti, quēnase idire idibeti bajiñajuju ñ. To bajiro bajigu ñ ñnare, “Vāti sāñagū ñagūmi”, ñre yituoīacaju mua, ñre ajiterā ñari. ³⁴ ñ bero gotimasiosuocaju yu, Dios ñ roticōacacu. Yujuama, quēnase bare ba, quēnase idire idi bajiñaja yu. To bajiro yigu yu ñnare, “Jairo bagu

ñaami. Idimecugũ ñaami. Ujũre gãjoa sēnibosarimasa, gãjerã rojose yirãre quēne ñnare baba cutiami”, yũre yĩajūnisiniaja mũa, yũre quēne ajiterã ñari. ³⁵ To bajiro Juanre quēne, yũre quēne mũa yise ti ñaboajaquēne, Dios ñ masise rãca yua yise ti ñajare, berojũ, “Quēnaro yirã yiboayuma”, yũare yimasirũarãja mũa —ñ rãca ñarãre yiyuju Jesús.

Fariseo masu ya vijũ Jesús ñ ñare queti

³⁶ Sīgũ fariseo masu ñañuju ñ, Simón vãme cutigũ. “Bare bagũ vaja”, Jesũre yiyuju ñ. To bajiro ñ yijare, ñ tũjũ vasuju Jesús. Sãjaejacõari, barujiyuju ñ. ³⁷ Ti macajũ rõmio ñañuju rojose yigo. To bajiri, Simón ya vijũ bare bagũ Jesús ñ ejasere ajicõari, gũta sotũ alabastro vãme cuti rãca veariarũ ãmiejayuju so. Sũtiquēnase sãñaritũ ñañuju tirũ. ³⁸ Jesús gũbori veca ejarũgũcõari, otiyuju so. So otirone, so caje oco reajeoyuju ti, ñ gũborire. To yicõari, so joa ñajone tire vejacaroyuju. Tire vejacarocõari, ñ gũborire usuyuju. To yicõari, sũtiquēnase so juadirere Jesús gũbori joere yuejeoyuju. Ñre rũcũbuogo yiyuju, to bajiro so yijama. ³⁹ To bajiro so yiro ñacõari, ado bajiro tuoĩañuju Simón, Jesũre, “Bare baguaba” ñre yir'ijũa: “Diore gotirẽ-tobosagu masu ñ ñajama, iso rõmiore, ‘Rojose yigo ñaamo’ yĩamasicõari, sore moañarotibetibogũmi”, yituoĩañuju ñ. ⁴⁰ To bajiro Simón ñ tuoĩasere masicõari, ado bajiro yiyuju Jesús:

—Gotimasiore queti mũre gotigũagu yaja yũ.

To ñ yirone,

—Yũre gotiya —Jesũre ñre yicũdiyuju ñ.

⁴¹ To bajiro ñ yicũdirone, ado bajiro ñre gotiyuju Jesús:

—Ūmũa juarã ñarãma ñna, gãjijũare gãjoa vasoariarã. Sīgũ, jua cũma moaroto cõro vaja mogũmi ñ. Gãjijũama, juarã muijua moaroto cõro vaja mogũmi. ⁴² Gãjoa tuoũaboarãma ñna, bajirãjũma. To bajiri ñna gãjoa mano

ĩacõari, “Tone bajicõato. Yũre mũa vaja mosere mũare masiriocõaja yũ”, ĩnare yigũmi, ĩnare maigũ ñari. To bajiri, ado bajiro mũre sēniĩaja yũ: Gãjoa vasoariarãre ĩnare ĩ masiriore ñajare, ¿nijũa buto ĩre maigũjari? —ĩre yisēniĩañuju Jesús.

⁴³ To bajiro ĩre ĩ yisēniĩarone,

—Yũ tũoĩajama, jairo ĩre vaja mor'ijũa, buto ĩre maigũmi —ĩre yicũdiyuju Simón.

To ĩ yirone,

—Riojo yaja mũ —ĩre yiyuju Jesús.

⁴⁴ To yigoticõari, rōmiojũare sore ĩagũne ado bajiro Simónre yiyuju Jesús:

—¿Adiore ĩati mũ? Yũre jiboarine, mũ ya vi yũ ejaro, yũ gũborire yũ coerotire oco yũre ĩsibeju mũ. To bajiboarine adioma so caje oco rãca yũ gũborire coemo soma. To yicõari, so joa ñajone yũ gũborire vejacoecaromo so. ⁴⁵⁻⁴⁶ Yũre sēnigũne, ejarãre mani yarã ĩna yirũgũrore bajiro yũre usubeju mũ. To bajiro mũ bajiboajaquēne, sã-jaejagone yũ gũborire so usurojũne usutũjabeticõa ñaamo adioma, yũre rũcũbuogo. Mũma, yũ rũjoa joere yũe sũtiquēnase yũre yuejeobeju mũ. Yũre rũcũbuobecu ñari, bajibũ mũ. To mũ bajiboajaquēne, sojũama, yũe sũtiquēnase jairo vaja cũtisere yũ gũbori joere yuejeoamo so. ⁴⁷ To bajiri quēnaro ajiya mũ. Buto yũre so maisere yĩõmo so. Tire ĩacõari, ado bajiro sore yimasiaja mani: “Rojose yijaigo yũ ñaboajaquēne, rojose yũ yisere yũre masiriogũmi Dios’ yitũoĩagõ ñaamo”, yimasiaja mani. To bajiboarine, “Diore maibetibũsaja” yigũre ĩacõari, ado bajisejũa yimasiaja mani: “Buto rojose yibecu yũ ñajare, Dios mojoroaca yũre ĩ masiriojare, ĩre maibetibũsacõaja’ yitũoĩagũ ñaami”, ĩre yimasiaja mani —Simónre yiyuju Jesús.

⁴⁸ To yicõari, rōmiore ado bajiro sore yiyuju Jesús:

—Rojose mũ yirũgũrere mũre masiriocõamũ yũ —sore yiyuju Jesús.

⁴⁹ To bajiro ĩ yirone,

—¿No yigũ to bajise yati ĩ? To bajiro ĩ ñagõjama, Diore rũcũbũobecũ yami. Dios sĭgũne ñagũmi ti ũnire yimasigũma —yitũoĩañujarã ĩna, gãjerã “Baroaya” yigũ, Simón ĩ jiriarãjũa.

⁵⁰ To bajiro ĩna yitũoĩajare, ado bajiro sore yiyuju Jesús:

—“Rojose yũ yirũgũsere yũre masiriocõañumi Dios” mũ yitũoĩase ñajare, rojose tãmuotũjabetiriaroju mũ vaborotire mũre yirẽtobosabũ yũ. To bajiri, “Dios ĩ ĩajama, quẽnagõ ñaja yũ”, yitũoĩa variquẽna vasa mũ —sore yiyuju Jesús.

8

Jesúre, ĩ buerimasare quẽne ĩnare ejarẽmorũgũriarã rõmiri

¹ Tijũ bero, cojo maca me ejacudiyuju Jesús, Dios oca quẽnasere masare gotimasiocudigũ. “Ujũ Dios yarã quẽnaro ĩ yirona mũa ñarũajama, rojose mũa yisere yitũjacõari, yũre ajitirũñaña”, ĩnare yigotimasiocudiyuju. Ti macarijũre ĩ rãca vasujarã ĩna, ĩ ocare goticudisũorona, jũaãmo cõro, gũbo jũa jẽnituarirãcũ ñarã. ² Rõmia quẽne, ĩna usũriju sãñarãre vãtiare Jesús ĩ bureariarã, to yicõari, rijaye cutiriarã ĩ catoriarã quẽne ñabajiyujarã ĩna, Jesúre sũyarã. Sĭgõ, Mar'ia Magdalena vãme cutigo ñañuju so. Cojomomo cõro gaje ãmo jũa jẽnituarirãcũ so usũju sãñariarãre vãtiare ĩ bureario ñañuju so. ³ Gajejo, Juana, Cuza manajo, ñañuju so. Cuza, Herodes ya vijũ codegũ ñañuju ĩ. Gajejo, Susana vãme cutigo ñañuju so. Gãjerã rõmia quẽne, jãjarã ñañujarã ĩna, Jesúre sũyarã. ĩna cũosere Jesúre, ĩ buerimasare quẽne ĩnare ĩsirũgũñujarã ĩna, ĩnare ejarẽmorã.

Oterimasu ï bajirere Jesús ï gotimasiore queti

(Mt 13.1-9; Mr 4.1-9)

⁴ Jesúre ajirá ï tujũ rëjarũtuasujarã ïna, gajemacari ñarã quëne. To ïna bajiro, ado bajise gotimasiore queti ïnare gotiyuju ï:

⁵ —Sĩgũ oterimasu, veseju ote ajere otegu vacumi. Vese ejacõari, ote ajere ï reabaterone, gajeye maaju vëjaquearoja. To bajiri tire cudarãma masa, maa vana. To yicõari, minia ejacõari, tire bareacõarãma ïna. ⁶ Gajeyema, gãta joeju reajeoroja. To bajicõari, judiboarine, oco manijare, sñireacoatoja ti. ⁷ Gajeyema, jotayucú vatoaju vëjaquearoja. To bajicõari, ti judiboajaquëne, jotajua bucaveocoatoja ti. ⁸ Gajeyema, sita quënarõju vëjaquearoja. To baji, judibucacõari, quënase ñacõari, jairo rica cutiroja. Cojotõ cien ñaricari rica cutiejoroja —ïnare yigotiyuju Jesús.

To yigajanocõari,

—Tire mua ajimasirũajama, quënarõ tuoĩaña mua — ïnare yiyuju Jesús.

“*Ado bajiro yiruaro* yaja oterimasu ï bajire queti”, Jesús ï yigotirëtobure queti

(Mt 13.10-23; Mr 4.10-20)

⁹ Tijũ bero, ado bajiro Jesúre sëniĩañujarã ï buerimasa:

—Oterimasu ï bajire queti mũ gotimasiose, ¿no yire ùni ñati ti? —ïre yisëniĩañujarã ïna.

¹⁰ To bajiro ïna yisëniĩajare, ado bajiro ïnare cudiyuju ï:

—“Uju Dios yarã quënarõ ï yirona yua ñarũajama, ado bajiro yiroti ñaja” ïna yimasibeticatire Dios ï masise rãca ajimasijaja mũama. To bajiboarine, gãjerãjuama, yu yĩosere ïarã ñaboarine, to yicõari, yu gotisere ajirá ñaboarine, “To bajiro manire yigotigu yami”, yimasime-nama.

¹¹ “Ado bajiro yiruaro yaja” oterimasu ĩ bajire quetire yu gotise: Ote ajere yu yijama, Dios ocare yigu yibu yu. ¹² Ote aje, maaju vĕjaquearere yu yijama, “Uju Dios yarĕ quĕnaro ĩ yirona ĩna ĩnarujama, ado bajiro yiroti ĩaja” yu yigotimasiosere quĕnaro ajimasimenare yigu yibu yu. Minia, ejacĕari, ote ajere ĩna basere yu yijama, vĕtia uju ejacĕari, Dios ocare ĩna ajimasiboasere guaro ĩ masirosere yigu yibu yu. To bajiro yami vĕtia uju, “Dios ocare ajitirĕnucĕari, quĕnaro yirĕto ecoroma ĩna” yigu. ¹³ Gĕta joeju vĕjaqueacĕari, guaro judibucuoarere yu yijama, yu yere ajicĕari, quĕnaro variquĕnase rĕca ajirĕ ĩaboarine, yoaro mene tire ĩna quejerotire yigu yibu. Sĭnirearere yu yijama, yu yere ajirĕ ĩaboarine, rojose ĩna tĕmĕojama, yoaro mene yu ocare ĩna ajitujarotire yigu yibu. ¹⁴ Jotayucĕ vatoaju vĕjaqueacĕari, judiboarere jotayucĕju ti bucuaveorere yu yijama, yu gotisere ajirĕ ĩaboarine, tuoĭarejairĕ, to yicĕari, gajeyeĕni bojatuoĭarĕ ĩari, yu yejuare ĩna tuoĭatujarotire yigu yibu. To bajiro bajirĕ, yu yere ajisuoboarine, yu bojarore bajiro yime-nama ĩna. ¹⁵ Sita quĕnaroju vĕjaqueare judibucuoacĕari, quĕnase rica cutirere yu yijama, yu yere ajimasicĕari, Dios ĩ bojarore bajiro quĕnaro yirĕre yigu yibu —ĩnare yigotiyuju Jesĕs.

Sĭabusuariare tuoĭacĕari, Jesĕs ĩ gotimasiore queti
(*Mr 4.21-25*)

¹⁶ Quĕna gaje queti ado bajiro ĩnare gotiyuju Jesĕs:
—Sĭabusuariare jĕocĕari, sotĕne tiare mubuamenaja mani. Tiare jĕocĕari, “Nĕjediro ti vianare ũjubusuoato” yirĕ, vecaju jeorĕja mani. Tire bajiro bajiaja yu goti-masiose. “Ajimasibeticĕato masa” yigu me, to bajise ĩnare gotiaja yu. “Quĕnaro riojo ajimasiato ĩna” yigu, gotirĕgĕaja. ¹⁷ Dios suorine masa ĩna ajimasibeticati jediro, quĕnaro ajimasirĕarĕma.

¹⁸ No bojagu Diore ajitirũnugũre, “Quẽnarobusa ajimasiato” yigu, ã masisere cõarucumi Dios. Gãjirema, ãre ajigu ñaboarine, ãre ã ajitirũnubetijare, ã ajimasi-boasere masiriojeocõarucumi ã. To bajiri ãre masibetima-sucõarucumi ã. To bajiro ti bajijare, mũare yũ gotisere quẽnaro mũa ajimasirũajama, Dios ã bojarore bajiro quẽnaro yimũorũgõña mũa —ã buerimasare yigotiyuju Jesús.

“Yũ yarãma, ado bajiro bajirãjũa ñaama”, Jesús ã yire queti

(Mt 12.46-50; Mr 3.31-35)

¹⁹ Jesús, masare ã gotmasio ñarone, ã jaco, ã bederã rãca ãre ãrã ejaboayujarã ãna. To bajiboarine jãjarã masa ãna ñajare, ã tũjũ ejamasibesujarã. ²⁰ ã tũ ãna ejamasibetijare, sãgũ, ado bajiro Jesũre ãre yiyuju:

—Mũ jaco, mũ bederã quẽne macajũjũ ejama, mũ rãca ñagõrũarã —Jesũre ãre yigotiyuju.

²¹ To bajiro ã yigotisere ajicõari, ãre ajĩnarãjũare ado bajiro ãnare yiyuju Jesús:

—No bojarã Dios ocare ajicõari, ã rotirore bajiro yirã ñarãma yũ bederãre bajiro bajirã, yũ jacore bajiro bajirã —ãnare yiyuju Jesús.

Mino vatone, oco sabesere Jesús ã tũjore queti

(Mt 8.23-27; Mr 4.35-41)

²² Cojorũmu Jesús ã buerã rãca cũmuaju vasãjacõari, —Gajejacatũaju jẽajaro mani —ãnare yiyuju Jesús.

²³ ãna jẽatone, bũto mino vasuju. To bajicõari, bũto sabeyuju. Ti saberone, cũmua sagueca yiro, oco sãjacõari, rujacoarũayuju. To ti bajiboajaquẽne, cãnigũ yiyuju Jesús.

²⁴ ã cãniro ãacõari, ãre yujioyujarã ãna:

—Yũa uju, rujareana yaja mani! —ãre yiyujarã ãna.

To bajiro ãna yijare,

—¡Mino tujaya! ¡Sabese quēne tujaya mua! —yiyuju Jesús.

To ï yirone, tujacoasuju mino. Sabese quēne sabebesuju yuja. ²⁵ To yicōari,

—“Rojose mani tām̄uoboajaquēne, manire yirētobosarucumi”, yure yituoīarã me ñaja mua —ñare yiyuju Jesús.

To bajiro ï yisere ïacōari, no yimasibesujarã ï buerimasa.

—¿Ñim̄ ũgũ masu ñati ãni? Minore, to yicōari, sabesere ï tujarotijama, ïre ajaia —gãmerã yiyujarã ña, ïre güirã.

Gerasa vãme cuti maca tuagure ï usuju sãñarãre vãtiare Jesús ï bureare queti

(Mt 8.28-34; Mr 5.1-20)

²⁶ Utabucura gajejacatuaju Gerasa vãme cuti maca tuj̄u ejayujarã. ²⁷ Toj̄u ejacōari, Jesús ï majatone, sīgũ ãm̄u, ti macaju ñaboar'i, ïre bocayuju ï. Sudi magũne, yoaro masa rijariarãre ña yujereariavij̄u ñarũgũñuju ï. Vãtia sãñagũ ñañuju. ²⁸⁻²⁹ To bajigũ ñari, cojoji me ï masu ï bojasere yimasibeticōari, vãtia ña bojasejuare yirũgũñuju ï. To bajiro bajigũ ï ñajare, cōmemane ïre siaboayujarã ña. ïre ña siaboajaquēne, tũasure reacōarũgũñuju ï. To yicōari, yucú manoj̄u varũgũñuju, ïre sãñarã vãtia to bajiro ïre ña varotijare. To bajiri Jesúre ï bocarone,

—Ñni masu usuju sãñarã, budiya mua —vãtiare ñare yiyuju Jesús.

To ï yirone, masuj̄ua, vãtia suorine avasãcōari, Jesús r̄ijoroj̄ua ḡusomuniari tuetuyuju. To ï bajirone, vãtiaj̄ua, masu usuju sãñacōari, ado bajiro Jesúre sēniiaavasãñujarã:

—Jesús, masirētogũ, Dios macu ñaja mu. ¿No yigu yua tu vadiati mu? “Yure gōjanabiobesa”, mure yisēniaja

yua. “Rojose mũa yise vaja, rojose mũare yibeaja yu”, yuare yiya —Jesúre yisēniñujarã.

³⁰ To ãna yirone, ado bajiro vãtia sãñagũre sēniñañuju Jesús:

—¿Ñimũa vãme cutiati mũ? —ĩre yiyuju.

³¹ To ã yisere ajicõari, ado bajiro ĩre cudiyuju vãtiajũa:

—Legiõn vãme cutiaja yua —ĩre yiyujarã. Jãjarã ĩ usujũre sãñarã ñari, to bajiro ĩre yicudiyujarã vãtia. To yicõari, bũto Jesúre sēniñujarã:

—Tusabetigoje tubibe ecocõari, josari tãmũoriaroju yuare cõabesa mũ —Jesúre ĩre yisēniñujarã.

³² Buroju jãjarã ecariarã yesea macabañañujarã. ĩnare ĩacõari, ado bajiro Jesúre sēniñujarã vãtiajũa:

—Yuare mũ bureajama, õa yeseajuare yuare sãjarotiya —ĩre yiyujarã ãna.

To bajiro ĩre ãna yijare,

—Mũare varotiaja yu —vãtiare ĩnare yiyuju Jesús.

³³ To ã yirone, masũ usujũre sãñaboariarã budicoasujarã yuja, yeseajuare sãjaroana. ĩna sãjarone, buro ũmaroja vacõari, utabũcũrajũ rearoderujacõa tũjasujarã.

³⁴ Yeseare coderimasa, to bajiro ãna bajisere ĩacõari, ũmacoasujarã, ãna ya macaju vana. Toju ejacõari, ti macanare, to yicõari, ti maca tũ ñarimacarianare quẽne, tire gotibatoyujarã. ³⁵ To bajiro ãna yigotisere ajicõari, Jesúre ĩarã vasujarã ãna, ti macana. ĩ tũju ejacõari, vãtia sãñaboar'ire ãñujarã ãna. Sudi sãñacõari, Jesús tũ rujyiyuju. ĩna bajirore bajiro bajigu ñañuju ĩ yuja. Vãtia ãna sãñajama, tuoĩamasibecũ ñañuju maji. Quẽnaro tuoĩagũ ñañuju yuja. To ã bajisere ĩacõari, Jesúre bũto gũiyujarã ãna.

³⁶ Vãtia sãñaboar'i ĩ bajisere ĩariarã, gãjerãre gotiyujarã. ³⁷ To bajiri, Gerasa vãme cuti macana to sojũa vadiriarã quẽne, Jesúre bũto gũirã ñari,

—Vacoasa. Ado mu ñasere bojabeaja —ire yiyujarã ña.

To ña yijare, tudiacu, cūmuaju vasãjañuju Jesús. ³⁸ To ñ bajirone, ado bajiro ñre yiboayuju vãtia sãñaboar'i:

—Mu rãca buto varuaja yu quẽne —ire yiboayuju. To bajiro ñ yiboajaquẽne, ado bajiro ñre cūdiyuju Jesús:

³⁹—Yu rãca vadibesa. Mu ya viju tudiasa. “Dios ñ masise rãca yu usuju sãñarãre vãtiare bureami Jesús”, mu yarãre ñnare yigotiba —ire yicūdiyuju Jesús, vãtia sãñaboar'ire.

To bajiro ñ yijare, ñ yarã tujũ tudicoasuju ñ. Tudiejacõari, ñ ya maca ñarã jedirore, ti quetire goticūdiyuju.

Jairo macore Jesús ñ catiore queti

(Mt 9.18-26; Mr 5.21-43)

⁴⁰ Jesús tudijẽacoasuju quẽna, gajejacatuaju. Toju ñ ejarotire yucõa ñañujarã ña, masa. To bajiri ñ jãeaja matone buto variquẽnase rãca ñre sãniñujarã ña. ⁴¹⁻⁴² To ña bajirone, Dios ocare ña buerivi çju quẽne ejayuju, Jairo vãme cutigu. Jesúre ñacõari, ñ rĩjorojua gusomuniari tuetuyuju, ñre rũcubuoju. To yicõari, ado bajiro Jesúre ñre sãniñuju:

—Yu maco sĩgõne ñagõ, juaãmo cõro, gũbo jua jẽnituari cūmari tũsaco ñaamo so. Bajirocaco yimo. So tu ejacõari, sore mu moañajama, caticoarucocomo —Jesúre ñre yisãniñuju.

To bajiro Jairo ñ yisere ajicõari, ñre sũyasuju Jesús. Jãjarã masa ñre sũyacõari, no bajiro yi vamasiña manojũ vasujarã ña. ⁴³ To bajiro ña bajivatoajure sĩgõ gãmorõmi cutigo ñañuju so. Juaãmo cõro, gũbo jua jẽnituari cūmari rijañañuju. Uco yirimasa, sore ña uco yire vaja, vaja yigo, gãjoa so cũboarere ñnare ñsijeocõañuju. To bajiro ñnare so yiboajaquẽne, quẽnaejabesuju so. To bajiri gãjerãre Jesús ñ catiore quetire ajirio ñari, jãjarã masa vatoaju Jesúre sũyasuju so. ⁴⁴ ñ sũyarojua ejarũgũcõari, ñ sudiro gajare

moañañuju. So moañarirĩmarone, sore quēnaejacoasuju yuja. ⁴⁵ So moañarone, ado bajiro masare sēniñañuju ĩ:

—¿Ñimũ yũ sudirore moañari? —ĩnare yisēniñañuju.

—Mũre moañaña maja —ĩre ĩna yicudijedicōajare, ĩ buerimasũ, Pedro vāme cõtiguũ, ado bajiro Jesũre yiyuju ĩ:

—¿No yiguũ “¿Ñimũ yũre moañati?”, yati mũ? Mũ tũju jājarā ñaja yũa, mũre moañarā —ĩre yiyuju Pedro.

⁴⁶ To ĩ yiboajaquēne,

—Sĩgõ rõmio, “Quēnaejagosa” yigo, yũre moañamo so. Yũre moañagõne, “Yũ masise suorine quēnaejacoajamo”, yimasicōamũ yũ —ĩnare yiyuju Jesũs. ⁴⁷ To bajiro ĩ yijare, “Jēre ĩre yũ moañasere masicōami” yigo ñari, nanagõne, Jesũs rĩjorojũa ejacōari, gũsomuniari tuetuyuju so. To yicōari, ñajediro so bajirere Jesũre gotiyuju. ⁴⁸ To so yirone, ado bajiro sore cūdiyuju Jesũs:

—Yũ maigõ, “Ĩ sudiro gajare yũ moañajama, quēnaejacoarũocoja yũ” mũ yitũoĩase ñajare, “Quēnaejato”, mũre yibũ yũ. To bajiri, “To bajiro yũre yimi”, yitũoĩa variquēna vasa mũ —sore yiyuju Jesũs.

⁴⁹ To bajiro sore ĩ yĩñarone, Dios ocare ĩna buerivi mũju Jairo vāme cõtiguũ ya viagũ ejayuju. Ejacōari, ado bajiro Jairore gotiyuju:

—Mũ maco bajirocacoamo. No yiguũ mũ ya vijũ gotimasiorimasũ ĩ vasere bojabecũja mũ yuja —Jairore yiyuju ĩ.

⁵⁰ To ĩ yisere ajicōari, ado bajiro Jairore gotiyuju Jesũs:

—Tũoĩasutiritibesa mũ. Yũ masisejuare tũoĩacõa ñaña. Mũ tũoĩacõa ñajama, tudicaticoarũocomo so —ĩre yiyuju Jesũs.

⁵¹⁻⁵³ To yi vanane, ejayujarā Jairo ya vijũre. Tojũ ejana ĩna ĩajama, ĩ maco so bajirocacoajare, bũto otiñañujarā ĩna, ti vi ejariarā. To bajiro ĩna yĩñajare, ado bajiro ĩnare yiyuju Jesũs:

—Otibesa mua. “Bajirocacoajamo” mua yiboago, cãnigõ yamo —ĩnare yiyuju Jesús.

To ĩ yijare, ĩre ajayujarã ĩna, “Bajirocacoamo” yimasirã ñari. To yicõari, bajirocario so jesari sõajure ĩnare jãjarotibesuju Jesús. Pedro, Santiago, Juan, to yicõari bajirocario jacuare quẽne tocãrãcũne ĩnare jãjarotiyuju Jesús. ⁵⁴ Jãjaejacõari, bajirocario ãmore ñiagũne, ado bajiro sore yiyuju Jesús:

—Daquego, vũmurũgũña —sore yiyuju.

⁵⁵ To ĩ yirone, bajirocario cativũmurũgũcõañuju so yuja. To so bajisere ĩacõari,

—Bare sore ecaya mua —ĩnare yiyuju Jesús.

⁵⁶ So tudicatisere ĩacõari, no yimasibesujarã so jacua, ti ũnre ĩabetirũgũriarã ñari. To bajiro ĩna bajisere ĩacõari, ĩna macore ĩ catiosere gotirotibesuju Jesús.

9

Ī ocare goticudis uoronare Jesús ĩ cõare queti

(Mt 10.5-15; Mr 6.7-13)

¹ Cojorũma, juaãmo cõro, gũbo jua jẽnituarirãcu ñarãre ĩ buerimasare jirẽoñuju Jesús. ĩnare jirẽocõari, masa usuriju sãñarãre vãtiare ĩna bureamasirotire, to yicõari, rijaye cutirãre ĩna catiomasirotire ĩnare ujoyuju ĩ. ² To bajiro yicõari, ĩnare ĩ cõaroto rĩjoro ado bajiro ĩnare yiyuju:

—“Uju Dios yarã quẽnaro ĩ yirona mua ñaruajama, rojose mua yisere yitujacõari, Jesũre ajitirũnuña”, yigotimasiocudirona ñaja mua. To bajicõari, rijaye cutirãre catorona ñaja —ĩnare yirotiyuju Jesús. ³ To yicõari, quẽna ado bajiro ĩnare yiyuju Jesús:

—No bojase mua cuose juaábeja. Tueriayucũri, mua bare sãriajoari, to yicõari, gãjoare quẽne juaábeja. Gaj-eye sudi juaámenane, mua sãñasene sãñacõari, vaja.

⁴ Tocārãca macare mua ejajama, mua ejasurivine cãnima. Ti vine ñacõari, yu ocare goticudiruarãja mua maji, gajeroju mua varoto rijoro. ⁵ Mua ejarimacana, quẽnaro muare ña bocaãmibetijama, to yicõari mua gotisere ña ajiruabetijaquêne, ti macajure ñabeja. Muare ña ajiruabetijare, mua gubo sudi tuyasere sitare varerea, vacoaja. To bajiro mua yijama, “Quẽnaro yuare bocaãmibeticõari, yuare mua ajiruabetijare, rojose muare yirucami Dios” yirã yiruãrãja mua —ñare yiyuju Jesús.

⁶ To bajiro ñ yijare, ñ ocare goticudirã vasujarã ña: “Rojose mua yisere yitujacõari, quênasejuare tuoïava-soaya” ñare yigoticõari, Cristo surine quẽnaro Dios ñ yirotire gotimasiocudiyujarã ña. Rijaye cutirãre quêne catiocudiyujarã, ña vati macari ñaro cõrone.

Jesús ñ bajiñasere ajicõari, “¿Ñimu ñgũ ñarõari?”,
Herodes ñ yituoïare queti

(Mt 14.1-12; Mr 6.14-29)

⁷⁻⁹ Jesús ñ bajiñasere, to yicõari, ñ goticudirotirarã ña bajiñasere quêne ajijeocõañuju Galilea vãme cuti sita ñarã ujũ, Herodes vãme cutigu. To yicõari, Jesús ñ bajiñasere masa ña tuoïasere quêne ajiyuju Herodes. Ado bajiro tuoïañujarã sigũri:

—Juan vãme cutigu, masare oco rãca bautizarimasune sãaecoboarine, tudicaticoarimi —yituoïañujarã.

Gãjerãma, ado bajiro yiyujarã:

—Diore gotirëtobosarimasu El'ias ñamasir'i ñagũmi quëna —yiyujarã.

Gãjerãjuama, ado bajiro yiyujarã:

—Diore gotirëtobosarimasa ñamasiriarã rãcagu tudicatur'i ñagũmi quëna —yiyujarã ña, Jesúre.

Herodejuama, ado bajiro yiyuju:

—Juan me ñagũmi. Ĩ r̄joare jatarocaroticõacaju yu. To bajiri, ¿ñimũ ũgũ ñarõari ĩ? —yiyuju Herodes. To bajiro yigũ ñari, Jesúre ĩaruarũgũboayuju ĩ.

Masa, cinco mil ñarãre Jesús ĩ bare ecare queti

(Mt 14.13-21; Mr 6.30-44; Jn 6.1-14)

¹⁰ Ĩ goticudiroticõariarã, tudiejacõari, Jesúrãca rējañu-jarã juaãmo cõro, gũbo jua jēnituariarãcũ ñarã ĩ buerimasa. Ĩ rãca rējaçõari, ĩna yicudirere ĩre gotiyujarã. To bajiro ĩna yiro bero, ĩnare ũmato vasuju Jesús, masa ĩna manibũsarõju, Betsaida vãme cõtĩ macaju. ¹¹ To bajiri Jesús ĩ vati quetire ajicõari, ĩre sũyaejasujarã jãjarã masa. ĩna ejasere ĩacõari,

—Yũre ajirã, ado mũa ejase quēnaja —ĩnare yiyuju Jesús.

To yicõari, ado bajiro ĩnare gotimasioñuju:

—Ujũ Dios yarã quēnaro ĩ yirona mũa ñarũajama, rojose mũa yisere yitujacõari, yũre ajitirũnuña —ĩnare yigotimasioñuju. To yicõari, rijaye cõtĩrãre catioyuju.

¹² To bajiro yiñarone, rãioroto rĩjoro, juaãmo cõro, gũbo jua jēnituariarãcũ ñarã Jesús buerimasa, ĩ tũ ejacõari, ado bajiro ĩre yiyujarã:

—Masa manõju ñaja. To bajiri, “Masa cutoju bare vaja yibamasiato ĩna” yigũ, to yicõari, ĩna cãnirotijũre “Vaja yicõari, cãniato ĩna” yigũ, masare ĩnare varotiya mũ —Jesúre yiyujarã ĩna.

¹³ To bajiro ĩna yiboajaquēne,

—Mũane ĩnare bare ecaya —ĩnare yiyuju ĩ.

To ĩ yirone,

—Jairo bare cũobeaja yua. Bajiboarine, cojomo cõro pan, juarã vai cũoaja yua. ĩna barotire, no bajiro vaja yibosamasimenaja mani —ĩre yiyujarã.

¹⁴ Ìna tujure cinco mil ùmua ñañujarã ìna. To bajiro ìna yisere ajicõari, ado bajiro ìnare yiyuju Jesús, ì buerimasare:

—Masare rujatubuari ìnare rujirotiya. Tocãrãcatubuare “Cincuenta ñarirãcũ rujiya”, ìnare yiya mua —ìnare yiyuju Jesús, ì buerimasare.^d

¹⁵ To bajiro ì yijare, ì rotirore bajirone ìnare rujiroti-jeoyujarã ìna, Jesús buerimasa. ¹⁶ To bajiro ìna ru-jijediro ìacõari, cojomo cõro ñaricari panre, juarã vai ñarãre quẽne juacõari, õ vecajua ìamõñuju Jesús. To yicõari, “Quẽnaro yaja mũ”, Diore ìre yiyuju. To yicõari, panre iguresurebatecõari, ì buerimasare ìsiñuju, “Rujirãre ìnare ìsibatoya” yigũ. Juarã vaire quẽne vêtũrebatecõari, ì buerimasare ìsiñuju, “Rujirã jedirore ìnare ìsibatoya” yigũ. ¹⁷ Sīgũ ruyariaro mano quẽnaro baũsucuti-jedicõañujarã. Ìna bagajanoro bero, ìna baruasere ìna juarẽojama, juaãmo cõro, gũbo jua jẽnituario ñarijiburi ruyayuju.

“*Rotimũorũgõrũcũmi*” yigũ, Dios ì cõar'i ñaja mũ”, Jesúre Pedro ì yire queti

(Mt 16.13-19; Mr 8.27-29)

¹⁸ Cojorũmũ ì buerimasa rĩne ìna ñaro, ì jacure sẽnĩñuju Jesús. Ì jacure sẽnigajanocõari, ado bajiro ìnare sẽnĩñañuju ì:

—¿Ñimũ ñaami yure yati ìna masa? —ìnare yisẽnĩñañuju.

¹⁹ To ì yisere ajicõari ado bajiro ìre cãdiyujarã ì buerimasa:

—Sīgũri, “Juan vãme cutigu, masare oco rãca bautizari-masũ, tudicaticõari bajigũmi quẽna”, mũre yama ìna. Gã-jerãma, “El'ias ñamasir'i ñaami”, yama ìna. Gãjerãjũama,

^d 9:14 Rĩamasare, rõmiare cõmenane, ùmua bũcũrã rĩrene ìna cõjama, cinco mil ñañujarã ìna.

“Diore gotirētobosamasir'i ñaami”, mure yama —Jesúre yicadiyujarã.

²⁰ To ña yirone, ado bajiro ñare tudisēñiñaju Jesús:

—Mũama, ¿ñimũ ñaami yure yati mua? —ñare yiyuju.

To ñ yirone, ado bajiro ñre cadiyuju Pedro:

—Mũ ñaja rojose yua tãmuoborotire yure yirētobosacõari, rotimũorũgõrocũ, Dios ñ cõar'i —Jesúre yiyuju.

²¹ To bajiro Pedro ñre ñ yisere ajicõari, gãjerãre gotirotibesuju.

“Yure sãarũarãma”, Jesús ñ yire queti

(Mt 16.21-28; Mr 8.31-9.1)

²² To yicõari, ado bajiro ñare gotiyuju ñ:

—Yũ, Dios ñ roticõacacũ, bũto rojose tãmuorũcũja. Bũcũrã, paia mũjarã, to yicõari, Dios ñ rotimasire gotimasiorimasa quẽne, rojose yure yicõari, yure sãarũarãma ña. Yure ña sãaboajaquẽne, idiarũmũ tusatirũmũne yure catorũcũmi Dios —ñare yigotiyuju Jesús.

²³ To yicõari, ñ buerimasare gãjerãre quẽne ñare jirẽocõari, ado bajiro gotiyuju Jesús:

—No bojagũ yũ yũ ñ ñarũajama, ñ bojasere, ñ ye ñarotire tũoĩabetirũcũmi. Tũoĩabeticõari, “Jesúre bajiro rojose tãmuorũcũja yũ quẽne” yitũoĩacõari, yũjũare ajisũyarũcũmi. ²⁴ No bojarã, ña bojaro ñare cutirema adi macarũcũrore ñasere ñavariquẽnacõari, Diore tũoĩamenama, Dios ñ catisere yayibetire cũomena ñarũarãma ña. To bajiboarine, yure ajitirũnrã, yũ oca ña gotisere ajijũnisinicõari, ña sãarãma, Dios tũ quẽnaro ñarona ñarãma. ²⁵ Sígũ adi macarũcũroju gãjeyeũni jediro ñ bũjaboajaquẽne, beroju rojose tãmuotũjabetiriaroju ñ vajama, ñ gãjeyeũni ñ bũjaboare ñie vaja manoja. ²⁶ Masa ña ñaro rĩjorojuã, “Jesúre rũcũbuogu ñaja yũ”, yibojonebesa. To bajiro yibojonegũ ñari, yũ yũ ñ ñarũabetijama, “Yũ

yu me ñaami”, ïre yïarucuja yu quêne, Dios ï roticõacacũ ñacõari, “Quênarêtogũ ñaja yu” yu jacũ ï yïorore bajiro yigũ ñari, ï bususe rãca yu vadirũmũ. Yu rãca vadiruarãma Dios ï cõarã, ángel mesa. ²⁷ Riojo mũare gotiaja yu. Mũa sïgũri mũa bajireabetone, “Ñajediro mũju ñaami yu roticõacacũ” Dios mũare ï yïosere ïaruarãja mũa —ñare yigotiyuju Jesús.^e

Ï buerimasa ïna ïaro rïjorojũa Jesús ï godovediïore queti (Mt 17.1-8; Mr 9.2-8)

²⁸ To bajiro ïnare ï yigotiriario bero, cojomo cõro, gaje ãmo idia jënituario tusatirũmũ cõro, Pedro, Juan to yicõari Santiagore quêne buro joeju ïnare ïmato vasuju Jesús. ²⁹⁻³² Toju ïna ejaro bero, Diore sënigũ vasuju Jesús. To ï bajitoye, buto ïnare vujajeyuju Pedro mesare. To ïna bajiñarone, Jesújũa, Diore sëniñagũne, ricati ruyugu godovedicoasuju. To ï bajisere ïaũcacoasujarã ïna. Sudi ï sãñase buto boticoasuju. To bajicõari, cajemose busuyuju ti. To ï bajirone, Moisés ñamasir'i, El'ias ñamasir'i rãca Jesús tu ruyuarũgũñujarã ïna. ïna quêne, busubatese rãca ruyuayujarã ïna. To bajicõari, Jerusalén vãme cuti macaju ï siaecorotire Jesúrãca ïna gãmerã ñagõñasere ïañujarã Pedro mesa. ³³ To bajiri Jesúrãca ñagõgajanocõari, ïna cãmotadirirĩmarone, ado bajiro Jesúre gotiyuju Pedro:

—Yu mũju, adoju mani ñajama, quënamasucõaja. Mũa ñaro cõrone vijãiri mũare buabosaruarãja yu. Mũa yajãi, El'ias yajãi, to yicõari, Moisés yajãi buabosaruarãja — Jesúre yiboayuju Pedro.

^e 9:27 Dios oca masa ïna ucamasirere buerëtoburimasa sïgũri ado bajiro yicama ïna: “9.27 gotirijure, ‘Ñajediro mũju ñaami yu roticõacacũ” Dios mũare ï yïorotire’ Jesús ï yijama, ï buerimasa sïgũri ïna ïaro rïjorojũa Jesús ï godovediïorere yigũ yirimi”, yicama Dios ocare buerëtoburimasa sïgũri.

“To bajiro yigu yiguja” yiri mene yicōañuju. ³⁴ To bajiro ï yirirĩmarone, bueri bũto cajemose ïnare bue-bibecōañuju ti. To bajiro ïnare ti bajirone, bũto güiyujarã ïna Pedro mesa. ³⁵ To bajicōari, bueri vatoaju ado bajiro ocaruyuju:

—Ñine ñaami yu macu, “Rotimũorũgõrucuja mu” yigu, yu cõagũ. Ñre quẽnaro ajitirũnuña mu —yi ocaruyuju.

³⁶ To bajiro ti ocaruyuro bero, ïaboayujarã. El'iare, Moisere quẽne ïnare ïabujabesujarã. Jesús sīgũne ñañuju ï yuja. To bajisere ïariarã ñaboarine, yoaro, gãjerãre tire gotimenane bajicōañujarã ïna.

Masu usuju sãñagũre vãtire Jesús ï burocare queti
(Mt 17.14-21; Mr 9.14-29)

³⁷ Ti buroju majariarã, gajerũmuju rojaejayujarã ïna quẽna. Ti buro judoju, jãjarã masa ïre yurã bajiñarãre ïnare ejayujarã. ³⁸ Jesús ï ejasere ïcõari, sīgũ, ado bajiro ïre sēniñuju:

—Gotimasiorimasu, yu macure ïamaiña mu. Sīgũne ñagũ ñaami. ³⁹ Ñ usujure vãti sãñañaami. To bajiro ï bajijare, biyaroaca rijaquedicõari, ï riseju sõmo budirũgũami. ⁴⁰ To bajiri mu buerimasare, “Yu macu usuju sãñagũre vãtire burocaya”, ïnare yisēniboabu yu. Ñre burocamasimema —Jesũre yiyuju ï.

⁴¹ To ï yisere ajicõari, ï buerimasare, to yicõari, ïre ajirã ejariarãre quẽne ado bajiro ïnare yiyuju Jesús:

—Rojosere tuoĩarã ñari, Diore ajitirũnumena masu ñacõaja mu. ¿No cõroju muare gotimasio tujaguti yu? Yoaro mu rãca yu ñaboajaquẽne, yu masise muare yu ujosere ajitirũnubeaja mu maji —ïnare yiyuju Jesús. To yicõari, —Adoju mu macure ãmiaya —ïre yiyuju, vãti sãñagũ jacujuare.

⁴² To bajiro ï yijare, ï macure Jesús tujũ ï ãmivatone, ï usujũ sãñagũ vãti, ïre rijaquedirotiyuju. To bajiro ï yijare, rijarocacũcoasuju. To bajiro ï bajirone,

—To cõrone ïre yitujaya —yicõari, vãtire ïre burocacõañuju Jesús.

Vãti ï budirone, catiquẽnagũ ñacoasuju daquegũja. To ï bajirone, ï jacure ïre tũãisĩnuju Jesús. ⁴³ To bajiro Jesús ï yisere ïacõari, no yimasibesujarã masa jediro, ti ãnire ïabetirũgũriarã ñari. “Jesús ï yĩose rãca ‘Masirẽtogũ ñaja yũ’ manire yĩogũ yami Dios”, yitũoĩañujarã ïna jediro.

“Yũre sãruarãma”, Jesús ï yigotibabore queti

(Mt 17.22-23; Mr 9.30-32)

Jesús ï yisere masa ïna tũoĩañarone, ado bajiro ï buerimasare gotiyuju ï:

⁴⁴ —Mũare yũ gotisere ajicõari, masiritibeja mũa. Yũre Dios ï roticõacacure masare ïsirocarũcumĩ sĩgũ —ĩnare yiyuju Jesús.

⁴⁵ To bajiro ï yiboajaquẽne, ajimasibesujarã ïna. “Ajimasibeticõato” Dios ï yijare, bajiyujarã. To bajicõari, “Yũare gotiquẽnoña”, yimasibesujarã, ïre gũirã ñari.

“¿Ñimujua ñagũti ñamasugũ ñarocũ?”, Jesús buerimasa ïna yĩ oca josare queti

(Mt 18.1-5; Mr 9.33-37)

⁴⁶ “¿Ñimujua ñagũti ñamasugũ ñarocũ?”, gãmerã yĩ oca josayujarã Jesús buerimasa. ⁴⁷ To bajiro ïna gãmerã yisere ïamasicõari, sĩgũ daquegũre jicõari, ï tujũ ïre rũgõrotiyuju Jesús. ⁴⁸ To yicõari, ado bajiro ïnare gotiyuju:

—Ãni daquegũ, “Ñamasugũ me ñaja yũ” ï yitũoĩarore bajiro tũoĩarãre, gãjerã tu ïna ejaro, quẽnaro ïnare yirãma, yũrene quẽnaro yirã yirãma. To yicõari, yũre quẽnaro yirãma, yũre cõacacure quẽne quẽnaro yirã yirãma. To bajiri, ado bajise mũare gotiaja yũ: Yũre ajitirũnũgũ,

gãjerã ãna boasere masicõari, quẽnaro ãnare yiejarẽmogũ ñarũcũmi ñamasugũma —ĩ buerimasare yigotiyuju Jesús.

“Yũre ajitirũnũcõari, mani yise ãnure yigũma, mani rãcagũ ñagũmi”, Jesús ã yire queti

(Mr 9.38-40)

⁴⁹ To bajiro ã yigotiro berone, ado bajiro Jesũre gotiyuju Juan:

—Gotimasiorimasũ, masa usũriju sãñarãre vãtiare bu-reagũre ãamũ yũa. “Jesũre ajitirũnũgũ ñari, ado bajise mũare rotimasiaja yũ: ‘Budiya’”, yĩñami, vãtiare bureagũ. Mani rãcagũ me ã ñajare, “Tire yibesa”, ãre yibũ yũa — Jesũre yigotiyuju Juan.

⁵⁰ To ã yisere ajicõari, ado bajiro ãre yiyuju Jesús:

—“Tire yibeticõaña”, ãre yibeja. Quẽnaro yirimi —ãre yiyuju Jesús. To yicõari, ã buerimasa jedirore ado bajiro yiyuju:

—Ado bajiro ti bajijare, to bajiro yaja yũ: No bojagũ yũre ajitirũnũcõari, mani yise ãnure yigũma, mani rãcagũ ñagũmi —ãnare yiyuju Jesús.

Santiago, to yicõari, *Juanre*, “*Samaria sitaju* ñari-macanare rojose ãnare yirũa tũoĩabesa”, Jesús ã yire queti

⁵¹ Dios õ vecaju ã ñaroju ãre ã ãmimũjarotirũmũ ti cõñarũtuadjare:

—Jerusalénju mani varoti ejacoaju. To bajiri varũtu vajaro mani —ĩ, buerãre yi vasuju Jesús.

⁵² Varũtu vacũne, ã rãcanare ã ejaroti quetire, “Goti rĩjoro cutiaya”, ãnare yicõañuju ã. To ã yicõariarã, Samaria sitaju ñarimacaju ejacõari, “Jesũs ã cãnirotijũre macayurã bajibũ yũa”, yiboayujarã ãna. ⁵³ To bajiboarine ti macana-jũa, Jesús ã ejasere bojabesujarã ãna. “Jerusalénju vacũ

bajigumi” yimasirã ñari, ãre ãaterã bajiyujarã ãna.^f 54 To bajiro ãna bajise ñajare, ado bajiro Jesúre sēniãañujarã, Juan, ã gagũ Santiago rãca:

—Yua uju, ¿“Õ vecaye jea ãjũvējase rãca ãnare so-ereacõaña mu”, Diore yua yisēnisere bojati mu? —ãre yisēniãaboayujarã ãna.

55 To bajiro ãre ãna yisēniãarone, jũdarũgũcõari, ado bajiro oca tutuase rãca ãnare gotiyuju Jesús:

—¿No yirã to bajise tuoĩati mua? To bajiro mua yituoĩajama, vãti ã bojarore bajiro tuoĩarã yaja mua — ãnare yigotiyuju Jesús.

56 To bajiro ãnare yigajanocõari, Samaria sitana ãnare ãna bojabetijare, gaje macajua vacoasujarã ãna.

“Yure mua ajisuyarũajama, josarũaroja ti”, Jesús ã yigotimasiore queti

(Mt 8.19-22)

57 ãna varũtuatone, sãgũ ãna rãca var'i, ado bajiro Jesúre ãre yiyuju:

—No bojaro mu vato cõrone mure suyaruaja yu —Jesúre ãre yiyuju ã. 58 To ã yirone, ado bajiro ãre cũdiyuju Jesús:

—Buyairoarema, ãna gojeri ñacaju. Miniare quēne, ãna jiburi ñacaju. To ãna bajiboajaquēne, yu, Dios ã roticõacacuma, cãnirijaju magũre bajiro bajiaja yu. To bajiri yure mu suyajama, bũto mure josarũaroja —ãre yicũdiyuju Jesús.

59 To ãre ã yiro bero, ado bajiro gãjijũare yiyuju Jesús:

—Yure suyaya mu —ãre yiyuju.

To ã yiboajaquēne, ado bajiro Jesúre cũdiyuju ã:

^f 9:53 Samaria sitana, samaritanos vãme cũtiyujarã ãna. ãna rãca gãmerã ãaterã ñañujarã judío masa. “Jerusalénju Diore quēnase ãre yirũcũboroti ñaja” judío masa ãna yituoĩasere bajiro tuoĩarã me ñañujarã samaritano masa.

—Ym um, yure yuya m maji. Ym jacm ĩ bajirocacoajare, ĩre yujeguas yaja ym. ĩre yujecōari bero, mre sɣarucɣa ym —Jesúre ĩre yiboayuju.

⁶⁰ To bajiro ĩre ĩ yiboajaquēne, ado bajiro ĩre cūdiyuju Jesús:

—Yucne yure sɣaya m. “Um Dios yarā quēnaro ĩ yirona ma narajama, Jesúre ajitirūnna”, yigoticudiaya m. Yure ajitirūnmena, rijariarāre bajiro bajarā narāma. ĩnaja rijariarāre yujeato ĩna —ĩre yicūdiyuju Jesús.

⁶¹ To bajiro ĩre ĩ yiro bero, quēna gāji ado bajiro Jesúre yiyuju:

—M rāca ym varoto rĳoro, ym ya vianare ĩnare vare gotiguas yaja ym maji —Jesúre ĩre yiboayuju ĩ. ⁶² To bajiro ĩ yiboajaquēne, ado bajiro ĩre cūdiyuju Jesús:

—“Diore rotibosagure mre ajitirūn sɣarucɣa” yiboarine, gaje vāme tuoĭavhogama, Um Dios ym me ñagūmi —ĩre yicūdiyuju Jesús.

10

Setenta y dos ñarirācure ĩ ocare Jesús ĩ goticudiroticōare queti

¹ Tijm bero, Jesús ĩ buerimasare ĩ goticudirotisɣoriarā mere, gājerāre beseyuju Jesús. Setenta y dos ñarirācū beseyuju. ĩnare besecōari, “Ym ocare goti rĳoro cūtiaya”, ĩnare yicōañuju ĩ. ĩ goticudiroti macari ñaro cōrone jmarāri cōañuju.

² ĩnare ĩ cōaroto rĳoro, ado bajiro ĩnare yiyuju:

—Ote jairo bucuroja. To bajiro ti bajijare, ote ujure sēniña, “Moabosarimasa cōato ĩ” yirã —ĩnare yiyuju Jesús.g

³ To bajiro ĩnare yigoticōari, ado bajiro ĩnare yiyuju quēna:

—Ovejare, buyairoa vatoaju güiiorojũ ĩnare cōagũre bajiro mũare gotimasiocudirotiaja yũ —ĩnare yiyuju. ⁴ — No bojase mũa cõose juaábeja. Gãjoare, barere quēne juaábeja. Gũbo sudi juaámenane, mũa cũdasene cũdacōari, vaja. Maajũ masare mũa bocaajama, ĩnare sēniña, rētocoaruarãja mũa, yoaro ĩnare queti gotimaniamenane —ĩnare yiyuju Jesús.

⁵ —Vijũ ejacōari, “¿Ñati mũa?” ĩnare yigajanocōari, “ ‘Quēnaro ñaña mũa’ mũare yaja yũ”, ĩnare yiba, ti vianare. ⁶ To mũa yirone, ti viana quēnaro mũare ĩna bocaãmijama, mũa yirore bajiro quēnaro ñaruarãma. Quēnaro mũare ĩna bocaãmibetijama, “ ‘Quēnaro ñaña’ yũ yibetiriarãre bajirone ñacōaña mũa” ĩnare yĩ, va-coaja mũa. ⁷ No bojarã gãjerãre moabosarimasa, vaja bujarãma. To bajirone bajiruroja mũare quēne. Quēnaro mũare bocaãmirã tũne ñacōari, ĩnare mũa gotimasiose vajane ĩna basene ba, ĩna idise idi yicõa ñaruarãja mũa. Mũa ejarivine ñacõaruarãja mũa, gaje viri cãnicudimenane. ⁸ Macajũ mũa ejariviana, no bojase bare mũare ĩna ecasene ba variquēnama. ⁹ Rijaye cutirãre catioba. To yicōari, “Ujũ Dios yarã quēnaro ĩ yirona mũa ñarua-jama, rojose mũa yisere yitujacōari, Jesúre ajitirũnuña”, ti

g **10:2** To bajiro ĩ yijama, ado bajiro yigũ yiyuju: “ ‘Jãjarã ñarãma yũ ocare ajicōari, yũre ajitirũnũrona. To bajiboarine, mojoroaca ñarãma yũ ocare gotirãjũ. To bajiro ti bajijare, Diore sēniña, “Jãjarãbusa yũ ocare gotirimasare cōato ĩ” yirã’ yiyuju Jesús”, yiyujarã Dios oca masa ĩna ucamasire buerětoburimasa.

macanare yigotimasioma. ¹⁰To bajiboarine yu cōarimacajure mua ejaro, muare quēnaro ina bocaāmibetijama, ti maca gudarecoju jājarā ina ĩaro rĳjorojua ejacōari, ado bajiro ĩnare gotiba mua: ¹¹“Uju Dios yarā quēnaro ĩ yirona mua ĩnarotire gotirā bajiboabu yua. To bajiri, ‘Quēnaro yuare bocaāmibeticōari, yuare mua ajiruabetijare, rojose muare yirucumi Dios’ yirā, adi macaye sitare yua gubo sudi tuyasere varereaja yua”, ĩnare yigotiba mua. ¹²Riojo muare gotiaja yu. Ti macana muare ina ajiruabeti vaja Diojuama, rojose ĩnare yirucumi masare ĩ beserirūmu ti ejaro. Sodoma macana ĩamasiriarā rētoḅusaro rojose tām̄uoruarāma ĩna, muare quēnaro bocaāmimenama — ĩnare yiyuju Jesús.

Īre ajitirūnubeti macariana ĩna bajisere to yicōari, ĩna bajirotire tuoĭacōari, Jesús ĩ gotire queti

(Mt 11.20-24)

¹³To bajiro ĩnare yigoticōari, macariana ĩre ĩna ajitirūnubetire gotiyuju Jesús:

—Coraz'in macana, to bajicōari, Betsaida macana quēne, ḅto rojose tām̄uoruarāma. Ti macarianare ĩaĭaĭnamani yu yĭocatore bajiro, Tiro vāme cuti macanare, Sidón vāme cuti macanare quēne ĩaĭaĭnamani yu ĩojama, tirūm̄uju rojose ĩna yisere tuoĭasutiriticōari, yitujacoaboriarāma ĩnama. “Rojose yua yisere yiruabeaja” yisutiritirā ĩnari, sutiritirā ĩna sāñasejua sudi vasoacōari, to yicōari, ĩna rujoariju ōja majeoboriarāma. ¹⁴Sidón macana, to bajicōari, Tiro macana ĩamasiriarā rētoḅusaro rojose tām̄uoruarāma ĩna, Dios, masare ĩ beserirūmu ti ejaro. ¹⁵Capernaum macanajua, “Quēnarā ĩnari, ō vecaju Dios ĩ ĩnaroju ĩnaronā ĩnaja mani”, yituoĭaboarāma ĩna. To bajiro ĩna yituoĭaboajaquēne, Dios tujū ĩnabetiruarāma. Rojose tām̄uotujabetiriaroju ĩnaja ĩna cōaecorotoma. ¹⁶Mua

gotisere ajicōari, “Riojo yama” muare ĩna yijama, yurene, “Riojo yami” yirā yiruarāma. Muare ĩna ajitejama, yure ajiterā yiruarāma. To bajiro ĩna yijama, yure cōacacure, yu jacure, ajiterā yiruarāma —ĩnare yiyuju Jesús, ĩ gotiroticōarāre.

Jesús ĩ gotiroticōariarā ĩna tudiejare queti

¹⁷ Tijũ bero, ĩ gotiroticōariarā, setenta y dos ñarirācũ Jesús tũ tudiejayujarā quēna. Variquēnase rāca tudiejarāne, ado bajiro ĩre gotiyujarā ĩna:

—Masa usuriju sãñarāre, vātiare, “Jesús ĩ rotise rāca muare budirotiaja” yua yijama, cudima ĩna —Jesũre yigotiyujarā ĩna.

¹⁸ To ĩna yirone,

—Yũ rotise rāca vātia ẽju, Satanás yarāre mũa burearone, õ vecaju bujo ĩ yabesere bajiro Satanás ĩ quedirujiasere ĩamũ. ¹⁹ “Āñare, cotibajare ĩnare cudaboarine, rojose tãmuobetiruarāja mũa” yigũ, yu masisere muare ẽjocaju yu, “Rojose yirā jediro, to yicōari, vātia quēne rojose muare yibeticōato” yigũ. ²⁰ Yũ ejarēnose rāca masa usuriju sãñarāre, vātiare, mũa burearere tuoĩa variquēnaboarine, “Ado cōro ñaama yu rāca ñarũgũrona” Dios ĩ yicutu ecocana ñari, tijuare butobusa tuoĩa variquēnaroti ñaja —ĩnare yigotiyuju Jesús.

“Quēnaja”, Diore Jesús ĩ yivariquēnare queti

(Mt 11.25-27; 13.16-17)

²¹ To yigajanocōari, Esp'iritu Santo ĩ ejarēnose rāca, “Quēnaja”, Diore yivariquēnagũ, ado bajiro yiyuju Jesús:

—Cacũ, õ vecagu ẽju ñaja mũ. Adi macarucurore quēne, ñajediro ẽju ñaja mũ. “Jēre masiaja yua” yituoĩaaboarāre, “Yũ ocare ajimasibeticōato ĩna” yigũ, ĩnare masirioaja mũ. To yicōari, “Masimena ñaja yua” yirājuare, “Ajimasiatato” yigũ, ĩna ajimasirotire yirēmorũgũaja mũ. To bajiro

mũ yijama, mũ bojarore bajiro yigu yaja mũ —Diore yiyuju Jesús.

²² To yicõari, ado bajiro ã rãca ñarãjũare gotiyuju Jesús:

—Yũ jacũ ã ejarẽmose sũorine jediro yimasijeogu ñaja yũ. “Tire yimasiato” yigu, adi macarũcũrojũre yũre cõacami yũ jacũ. To bajiro yũre yicacũ ñari, yũ yisere masijeocõami yũ jacũ. Yũ quẽne, ã yisere masijeocõaja. “Ïre masiato” yigu, yũ beserã rĩne yũ jacũre masiama — ãnare yigotiyuju Jesús.

²³⁻²⁴ To yicõari, ã buerimasa rĩne ãna ñaro, ado bajiro ãnare gotiyuju Jesús:

—Variquẽnaña mũama. Yũ yĩosere tuoĩacõari, yũ bojarore bajiro tuoĩavasoariarã ñari, tire yũ gotimasiosere ajimasiaja mũama. Riojo mũare gotiaja yũ. Tirũmũjũ jã-jarã Diore gotirẽtobosamasiriarã yucũ mũare yũ yĩosere ãrũamasiboayuma. Yũ gotimasiosere mũa ajisere ajirũamasiboayuma. To bajiri mũama, jairo yũ yĩosere masirã ñari, to yicõari, yũ gotimasiosere ajirã ñari, variquẽnaña mũa —ãnare yiyuju Jesús, ã buerãre.

Dios ã rotimasirere gotigũne, samaritano masũ ã yirere Jesús ã gotire queti

²⁵ To bajiro Jesús ã yiñarone, sĩgũ Dios ã rotimasirere gotimasiorimasũ, ãre sãnĩarũ, vũmũrũgũñuju. “Ado bajiro yũ sãnĩajama, josase ti ñajare, cũdimasibeticõari bojoneose tãmũorũcũmi” yitũoĩagũ ñari, ado bajise ãre sãnĩañuju:

—Gotimasiorimasũ, yũ rijato berojũ “Tudirijabeticõato” yigu, Dios ã catisere yũre ã ãisere yũ bojajama, ¿no bajiro yiroti ñati yũre? —ãre yisãnĩañuju.

²⁶ To ã yisere ajicõari, ado bajiro ãre cũdiyuju:

—¿No bajiro yati ti, Dios ã rotimasire, tire buegũ mũ ãajama? —ãre boca yisãnĩacõañuju Jesús.

²⁷ To bajiro ï yisere ajicõari, ado bajiro Jesúre cüdiyujü ï:

—Dios ï rotimasire, ado bajiro yaja ti: “Mani ʘjüre, Diore bʘto mairoti ñaja. No bojagüre mani mairo rētoro, no bojase mani cʘose, to yicõari, mani bojatʘoĩase rētoro Diore mairoti ñaja”. To yicõari, “Mʘ masu rujüre mʘ maiore bajirone mʘ tʘanare maiña” yigotiaja Dios ï rotimasire ñamasuse —Jesúre yicüdiyujü Dios ï rotimasire gotimasiorimasʘ.

²⁸ To bajiro ï yisere ajicõari,

—Riojo cüdiaja mʘ. To bajiro mʘ yirügũjama, mʘ rijato berojʘ “Tudirijabeticõato” yigʘ, Dios ï catisere mʘre ï ïsire bʘjarʘcʘja mʘ —ïre yiyujü Jesús.

²⁹ To bajiro ï yisere ajicõari, “Ti vãme ñaro cõrone cüdi-jeobeami” yitʘoĩagũ ñari, “Quēna gaje vãme yʘ sēniĩa-jama, gotimasibeticõari, bojoneoro tujarʘcʘmi” yigʘ, Jesúre ïre sēniĩañujü ï quēna:

—¿Ñimarã ñati yʘ tʘana, yʘ maironama? —ïre yisēniĩañujü.

³⁰ To bajiro ï yisēniĩajare, gotimasiore queti gotiyujü Jesús:

—Sĩgũ jud'io masʘ, Jerusalénjʘ rojacʘmi Jericójʘ ejagʘ vacʘ. Maa ï vatone, ïre ñiarãma juarudirimasa. ïre ñiacõari, sudi ï sãñasere, to yicõari, ï gajeyeũni ñajediro ïre ěmajeocõarãma ïna. To yicõari, masacatibecʘjʘ ïre quēasĩacõarãma ïna. To yí, vacoanama ïna. ³¹ To ïna yí vato bero, vagʘmi pai. ïre ïarʘabecʘ ñari, ïre gãnirē-tocoacʘmi. ³² ï bero, paire moabosarimasʘ vagʘmi. ï quēne ïre ïacõari, gãnirētocoacʘmi. ³³⁻³⁴ ïna rētoro bero, samaritano masʘ vagʘmi. ïre ïamaicõari, ï ture tujarügũ ejagʘmi. To bajicõari, ï cãmire ïre ʘco yigʘ, olivo ʘyene, to yicõari, ʘye oco rãca ï cãmire ïre tugʘmi. To yicõari, sudigase rãca ï cãmire ïre dʘreagʘmi. Dʘreagajanocõari, ï

yu burro vāme cūtigu joeju ĩre āmijeo, vacoacumi samaritano masu. Vacudirimasa ĩna cāniriviju ĩre āmiejocōari, ĩre codegumi.^h ³⁵ To bajiro ĩre yicodeñaboa, gajerūmu ti vi ɛjure ĩre gājoa ĩsigūmi, juarūmu moare vaja yire cōro. To yicōari, ado bajiro gotigumi: “Rojorā ĩna quēasīaecor'ire ĩre vaja yibosagu yaja yu, ado ĩre mu coderoti vaja. ¡To bajiri quēnaro ĩre codeba mu! ĩre mu codero bero, yu vaja mojama, ado quēna gāme vagu, mure vaja yicōarucuja yu” ĩre yigumi, ti vi ɛjure —yigotiyuju Jesús, Dios ĩ rotimasire gotimasiorimasu.

³⁶ To bajiro ĩre yigotigajanocōari, ado bajiro ĩre sēniñaju Jesús:

—Ti quetire, ¿no bajiro tuoīati mu? ĩna idiarā ñariarā, ¿nijua ĩre ĩamaiñujari ĩ? —ĩre yisēniñaju Jesús.

³⁷ To bajiro ĩ yisēniarone,

—“Maioro bajigu ñaami” yīasutiriticōari, quēnaro ĩre yir'ijua ñarimi ĩre mair'ima —Jesúre yicūdiyuju Dios ĩ rotimasire gotimasiorimasu.

To bajiro ĩ yirone, ado bajiro cūdiyuju Jesús:

—Riojo yure cūdiaja mu. To bajiri, mu quēne to bajirone yiya. Maioro bajirāre mu ĩajama, ĩnare ejarēmoña —ĩre yiyuju Jesús.

Marta mesa ya vijū Jesús ĩ ejare queti

³⁸⁻³⁹ ĩ buerimasa rāca Jerusalénju varūtu vacune, gaje macaju ĩnare ūmato ejayuju Jesús. Tojure Marta vāme cūtigo, so bedeo, Mar'ia rāca ñañuju so. To bajiri ĩna ya vijū Jesús ĩ ejarone, ĩre bocacōari, ĩre sēniñaju Marta. Sājaejacōari, Jesús ĩ gotimasio ñaro tare rujiyuju so bedeo, Mar'ia, ĩre ajirujigo. ⁴⁰ To bajiro so bajijare, Martajua,

^h **10:33-34** Samaria sitana, samaritano masa vāme cūtiyujarā ĩna. ĩna rāca gāmerā ĩateyujarā judío masa.

“Jairo moare ti ñajare sîgõne ñari, moatîmabeaja yu” yigo, Jesúre ado bajiro ñre yiboayuju so:

—Yu ujü, yu sîgõne yu moasejuarema tuoïabeaja mü. Yu bedeo, yure ejarêmoveamo so. To bajiri, “Mu gagore sore moaejarêmoña”, sore yiya mü —Jesúre ñre yiboayuju Marta.

⁴¹ To bajiro so yisere ajicõari, ado bajiro sore cüdiyuju Jesús:

—Marta, yu maigõ, moarere tuoïarejaibesa mü. ⁴² Mü bedeo, quênasejuare tuoïamasiamo so. To bajiri yu gotisere ajigo yamo. To bajiro so bajijare, sore moarotire maja —sore yicüdiyuju Jesús.

11

Diore mani sēnirotire Jesús ñ gotimasiore queti

(Mt 6.9-15; 7.7-11)

¹ Cojorümü ñ jacure ñre sēniñuju Jesús. To ñ yigajanorone, sîgũ ñ buerimasu ado bajiro ñre sēniñañuju:

—Juan vâme cutigu, masare oco rãca bautizarimasu, ñ buerãre Diore ñna sēnirotire gotimasioñuju ñ. To bajiri, ¿yuare quēne Diore yua sēnirotire yuare gotimasioñuju mü? —Jesúre yisēniñañuju ñ.

² To bajiro ñ yijare, ado bajiro ñ buerimasare gotimasioñuju Jesús:

—Diore müa sēnijama, ado bajiro sēniuarãja müa: “Yuã jacu, masa ñajediro, ‘Quēnarëtogũ ñaja mü’ mure yirũcubuoato ñna. Adi macarucuroana, mü bojase rĩne yua yirotere tuoïa yurũgũaja yua. Jere õ vecaju mü ñaroju mü yarã mü rotirore bajirone yĩnarãma. To bajiri adi macarucurojũre quēne mü rotirore bajiro rĩne yirere bojaja yua.

³ Tocãrãcarũmũne yua barotire cõaña mü.

⁴ ‘Rojose yua yisere masirioya’ mure yisēniãja yua, rojose yuare yirãre quēne masiriorã ñari.

Rojose yua yiro tire masigũ ñari, ‘Tire yibeticõato ña’ yigũ, yuare matabosaya”. Ado bajiro Diore mua sēnijama, quēnaja —yiyuju Jesús, ñ buerimasare.

⁵⁻⁶ To yicõari, gotimasiore queti ado bajiro ñnare gotiyuju:

—Sīgũ, vacudigu, ñami gudarecoju ñ baba ya vijure ejagumi. Ñ ejaro ñacõari, bare ñre ecaroti ti manijare, gaje viagu ñ babare sēnigũ vacoacumi. Ñ ya vijũ ejacõari, “Yu baba ñ ejaro ñre yũ ecaroti ti manijare, mure bare sēnigũ bajibu yũ”, ñre yigumi. ⁷ To bajiro ñ yirone, ado bajiro ñre cudigumi: “Yure gõjanabiobesa mũ. Jere sojere bibecõamu yũ. Yu, yũ rĩa quēne cānirã yaja yua. To bajiri, vāgãcõari, mure ñsimasibeaja yũ”, ñre yicudicõagumi. ⁸ Ñre ñ ñsirũabetiboajaquēne, ñre ñ sēnitũjabetijare, ñ bojasere ñsicõarucumi.

“Diore mua sēnijama, muare cudirucumi”, Jesús ñ yigotimasiore queti

(Mt 7.7-11)

⁹ To bajiri quēnaro yure ajiya mua. Diore mua sēnijama, cõarucumi. Ñre sēnicõari, mua macajama, bujaruarãja mua. Sīgũ no bojase ñre ti ruyajama, gãji ya vijũ ejacõari sãjaru, sēniĩagumi. Ñ sēniĩajare, ñre sãjaroticõari, ñre ejarẽmogumi. To bajirone bajiaja Diore sēnirãre quēne. Ñre mua sēnisere ajicõari, quēnaro muare yiejarẽmorucumi. ¹⁰ “Dios manire ejarẽmorucumi” yituoĩarã ñari, ñre ñna sēnisere ñnare cõarucumi. Ñna macajaquēne, bujaruarãma —ñ buerimasare yiyuju Jesús.

¹¹ To yicõari, quēna ado bajiro ñnare gotimasioñuju Jesús:

—“Vai bojaja yũ” mua macu ñ yisēnijama, ¿ãña, bar'i merene ñsirãtique mua? Ñsimenaja mua. ¹² “Gãjabocu ria bojaja yũ” mua macu ñ yijama, ¿cotibajare ñsirãtique mua? Ñsimenaja mua. ¹³ Diore bajiro quēnase yirã me ñaboarine,

mua rĩare quẽnaro yaja mua. To bajiri tire masicõari, ado bajiro Diore yimasiaja mani: “No bojarã Esp'iritu Santore suorãrã, mani jacu õ vecagure ãna sãnijama, ãnare cõarucumi”, yimasiaja mani —ĩ buerimasare yiyuju Jesús.

“Vãtia ujũ ã masise rãca yigũ yami Jesús”, ãna yire queti
(Mt 12.22-30; Mr 3.20-27)

¹⁴ Sigũ vãti sãñagũ ñañuju. “¡Ñagõbeticõato!” yigũ, ã usujure sãjacõari, ñañuju. Ñre Jesús ã burocarone, ñagõ-masicoasuju masujua. Tire ãacõari, no yimasibesujarã masa, ti ãnure ãabetirũgũriarã ñari. ¹⁵ Sigũri, ado bajiro Jesũre ãre yitũoãñujarã ãna:

—Ĩ usujũ vãtia ujũ Beelzebũ vãme cutigu sãñagũ ñaami Jesús. To bajiri Beelzebũ ã masise rãca vãtiare bureaami —Jesũre ãre yitũoãñujarã ãna.

¹⁶ Gãjerãma, ado bajiro Jesũre yiyujarã:

—“Dios ã cõagũ ñaami” yua yĩamasiro tire yigũ, õ vecaye ãããããmani yuare yĩõña —Jesũre ãre yiboayujarã ãna. ¹⁷ “Beelzebũ sãñagũ ñaami” socarãne ãna yitũoãsere masicõari, ado bajiro ãnare gotiyuju Jesús:

—Cojo sitana rotirimasa ãna gãmerã quẽajama, ãna masune gãmerã sãayayirã yirãma. To bajirone bajiroja cojo macanare quẽne, cojo vi ñarãre quẽne. ¹⁸ To bajirone bajiroja vãtiare quẽne. Vãtia ãna gãmerã bureajama, “Masare rojose yitujato mani” yirã yiborãma. To bajiro ti bajijare, “Beelzebũ vãme cutigu ã masise rãca masa usuriju sãñarãre vãtiare bureaami” yure mua yiboase, riojo yirã me yaja mua. ¹⁹ To bajiro yure mua yitũoãboajama, mua buerã quẽne masa usuriju sãñarãre vãtiare ãna bureasere, “Vãti ã masise rãca burearãma ãna quẽne” yirãre bajiro yaja mua. To bajiro mua yijama, “Tũoãmavisiarã yaja mua”, muare yiruarãma ãna, mua buerã. ²⁰ Ado bajirojua tũoãrona ñaboaja mua: “Vãtia ujũ ã masise rãca me yami.

Esp'iritu Santo ï masise rãcajua vãtiare bureaami”, yure yituoïarona ñaja muu. To yicõari, “ ‘Rotimuoŕũgõrũcũmi’ yigũ, Dios ï cõar'i ñaami”, yituoïamasiroti ñaja muare.

²¹ “To bajiro yimasiroti ñaboaja” yigũ ñari, “Quẽn-abusaro yimasiato” yigũ, quẽna gajeye gotimasiore queti muare gotiaja yũ: Sígũ, guamu, jairo besu cuogu ñari, ï ya viayere quẽnaro ï ïatirũnujare, no bajiro yicõari juarudimasimenama. ²² To bajiboarine, “Jairo cuogu yũ ñajare, yure emamasigũ magũmi” ï yituoïaboasere, gãji ejacõari, ïre quẽagũmi. To yicõari, ï besure, ï gajeyeũnire quẽne emacõari, gãjerã ï babarãre ïsibatogũmi ï rëtoro tĩmagũ. Tire bajiro bajiaja yure quẽne. Vãtia uju, masigũ ï ñaboajaquẽne, yujua, ï rëtoro masigũ ñaja yũ. ï roti-boasere ïre yirotibeticõari, vãtiare yũ burease suorine, vãti ï rotiajeboariarãre ïre emagũ yaja, “Yũ yarã ñato” yigũ.

²³ No bojarã yũ gotiboasere ajitirũnumenama, yure ajitirũnuboronare matarã yirãma. No bojarã, “Jesũre ajitirũnuña” yure yigoticudibosamenama, “Ëre ajibesa” yirãre bajiro bajirã ñarãma —ĩnare yiyuju Jesús.

Vãti, masu usujure sãnar'i, budicõari, ï tudisãjare queti (Mt 12.43-45)

²⁴ Quẽna ado bajiro yiyuju Jesús:

—Vãti, masu usujure budicõari, oco manoriju vacud-igũmi. Tujariajau bujabecu ñari, ado bajiro tuoïagũmi: “Yũ budiriarojuene vacoarocu ñagũja yũ”, yituoïagũmi.

²⁵ Masu usujure ï budigoriarore tudiejagu ï ïajama, gõjan-abiose mano, quẽnarivire bajiro masu usujure ïaejagũmi.

²⁶ To bajiro ï usujure ïaejacõari, cojomo cõro juu jënituarirãcu vãtia ï rëtoro rojose yirãre ïmato ejagũmi. To yicõari, ïna ñaro cõrone masu usujure sãjarãma ïna. To bajiri, rëtorobusa rojose yigũ ñagũmi masu yuja. To bajirone bajirũaroja muare adirodorianana rojose yirãre

quêne. Vãtiare yu bureacõaboajaquêne, yure ajitirũnu-mena ñari, bũtobusa rojose yirã ñaja mua —ĩnare yiyuju Jesús.

²⁷ To bajiro ĩ yisere ajicõari, sĭgõ rõmio masa vatoaju ñacõari, ado bajiro Jesúre ĩre yiyuju:

—Bũto variquẽnagõmo so, mũre ũjubucũorio —ĩre yiyuju so.

²⁸ To so yirone, ado bajiro sore cãdiyuju Jesús:

—To bajiro yure mu yiboajaquêne, Dios ocare ajicõari, ĩ rotisere quẽnaro yirã ñarãma bũto variquẽnarãma —sore yicãdiyuju Jesús.

“Ĩaĩañamani mu yĩosere bojaja yua”, ĩna yire queti

(Mt 12.38-42; Mr 8.12)

²⁹ Jesús tũjure jãjarãbusa masa ĩna ejarũtuatone, ado bajiro ĩnare gotiyuju Jesús:

—Mua adirodoriana, rojose yirã jãjarã ñaja mua. Yure ajiterã ñari, ĩaĩañamani mũare yu yĩosere bojaboaja mua. To bajiro mua bojaboajaquêne, mũare yĩobতিরূঢ়া yu. To bajiboarine Jonás ñamasir'i Diore gotirẽtobosarimasu ĩ bajimasirere bajiro bajĩoroti ñaroja. ³⁰ Jonás ĩna tũju ĩ ejaroto rĩjoro ĩ bajimasirere ĩnare ĩ gotisere ajicõari, “Diore gotirẽtobosagu ñaami”, ĩre yitũoĩamasiñujarã ĩna, N'inive vãme cuti macana ñamasiriarã. Ti ũnire bajiro bajirũcũja yu quêne, Dios ĩ roticõacacu ñari. To bajiro yu bajise ñajare, “Dios ĩ cõar'ine ñaũumi”, yimasirũarãma masa.¹ ³¹ “Uju Salomón quẽnaro masigũ ñaũuju” yire quetire ajicõari, Sabá sitana ujo ñamasirio, sõju vadicõari, ĩre ajigo ejamasiñuju so. Salomón rẽtoro ñamasugũ ñaja yu. To bajiro yu bajiboajaquêne, mũajuama, yure ajitirũnubeaja mua. To bajiri masare

¹ **11:30** “Ti ũnire bajiro bajirũcũja” Jesús ĩ yijama, rija-coabarine, ĩ tudicatirotire tũoĩacõari, yiyuju.

Dios ĩ beserirũmu ti ejaro, ado bajiro bajiruaroja muare: Salomón tu ejamasirio, tudicaticõari, “Mua ye suorine rojose tãmuoruarãja”, muare yiruocomo so, yu gotisere ajirã ñaboarine, rojose mua yitujabetijare, ĩnare yiyuju Jesús. ³² N'inive macana ñamasiriarã, Jonás ñamasir'i Dios oca ĩ gotisere ajicõari, rojose ĩna yisere sutiriticõari, yitujamasiñujarã ĩna. Jonás rëtoro ñamasugũ ñaja yu. To bajiro yu bajiboajaquêne, muajuama, rojose mua yisere yitujabeaja mua. To bajiro yirã mua ñajare, masare Dios ĩ beserirũmu ti ejaro, ado bajiro bajiruaroja: N'inive maca ñamasiriarã, tudicaturarãma ĩna. Tudicaticõari, “Mua ye suorine rojose tãmuoruarãja”, muare yĩaruarãma —ĩnare yiyuju Jesús.

³³ To yicõari, quëna gaje queti, gotimasiore queti ado bajiro ĩnare gotiyuju Jesús:

—Sĩabusuariare jëocõari, sotune tiare mubumamenaja mua. Tire jëocõari, “Ñajediro ti vianare ĩjubusuoato” yirã, vecaju jeorãja mua —ĩnare yigotiyuju Jesús.ĵ

³⁴⁻³⁵ To yicõari, quëna gaje gotimasiore queti ĩnare gotiyuju:

—Mua caje quënarõ ti ruyujama, “Tine ñaja quënamasuse”, yĩamasijaja mua. To bajilboarine, mua caje quënarõ ti ruyubetijama, quënabetire ĩacõari, mua masune, “Ti ñaja quënamasuse”, yisocarãja mua. Tire bajiro bajijaja mua tuoĩase quëne. Dios ĩ bojarore bajiro quënarõ mua tuoĩajama, ñajediro quënarõ riojo tuoĩamasiruarãja mua. ĩ bojabetire mua tuoĩajama, “Riojo tuoĩamasijaja” mua masune yisocañarã rĩne, ñajediro riojo tuoĩamasimena ñacoaruarãja mua. To bajiri, quënabetire ĩacõari, “Mani masune, ‘Ti ñaja quënamasuse’ yisocarobe” yirã, Dios ĩ bojarore bajiro quënarõ tuoĩañã mua. ³⁶ Dios ĩ bojarore

ĵ **11:33** To bajiro Jesús ĩ yijama, ĩ oca riojo masirãma, “Gãjerãre gotimasioroti ñaja” yigũ, yiyuju.

bajiro quēnase rīne m̄ua t̄uoīajama, ñajediro quēnaro riojo t̄uoīamasiruarāja m̄ua —ĩnare yiyuju Jesús.

Fariseo masa, to yicōari, Dios ĩ rotimasire gotimasiorimasa quēne, “Rojose tām̄uoruarāja m̄ua”, Jesús ĩnare ĩ yire queti (Mt 23.1-36; Mr 12.38-40; Lc 20.45-47)

³⁷ To bajiro ĩ yigajanoro bero, sigũ fariseo mas̄u,
—Ȳu ya vij̄u ȳu rāca baḡu vayá m̄u —Jesúre yiyuju.

To bajiro ĩ yir'i ñari, ĩ t̄uj̄u s̄ajaejacōari, ĩ āmori coebec̄ne, baejarũju vasuju Jesús. ³⁸ To ĩ bajiro ĩacōari, “ “Manire ĩavariquēnato Dios” yirã, mani ñic̄ua ĩna yimasiriarore bajiro āmori coecōari rīne, baroti ñaja’ yirotimasirere yir̄uc̄ub̄obeami Jesús” ĩre yīiagũ ñari, no yimasibesuju fariseo mas̄u.

³⁹ To bajiro ĩre ĩ yit̄uoīasere ĩamasicōari, ado bajiro ĩre gotiyuju Jesús:

—Idiriabaja, bare jeobariabajare bajiro bajiaja m̄ua, fariseo masa. Idiriabaja, bare jeobariabaja joema coeri-abajari ñaboarine, jubeaj̄uama buto ñeri c̄utibajarire bajiro bajiaja m̄ua. M̄ua us̄uri bajisej̄uarema t̄uoīabeaja m̄ua. To bajirã ñari, “Quēnaro yirã ñaja ȳua” yit̄uoīaboarine, rojosere quēne t̄uoīarã ñari, rojorã ñaja m̄ua. ĩ̄aorã ñari, “Ĩnare yitocōari, ĩna c̄uoboasere ĩmaruarāja”, yit̄uoīarã ñaja m̄ua. ⁴⁰ T̄uoīamasimenare bajiro bajirã ñaja m̄ua, “Rojorã ñaja mani” yimasimena ñari. ¿Dios, mani ruj̄urire rujeor'i, mani us̄urire quēne rujeobesujarique ĩ? Mani us̄urire rujeor'i ñari, quēnaro mani t̄uoīasere quēne bojaami Dios. ⁴¹ Rojosere t̄uoīat̄ujaya. To bajiro m̄ua yijama, Dios ĩ bojarore bajiro t̄uoīarã ñari, quēnaro yirã masu ñaruarāja m̄ua.

⁴² Buto rojose tām̄uoruarāja m̄ua, fariseo masa. Dios ĩ rotimasirere buer̄etobucōari, ñamasuse mej̄uare ajitir̄unurāja m̄ua. To bajiro yirã ñari, bare s̄ãv̄oogere, an'is, menta, comino v̄ãme c̄utire mojeroaca ti vaja

cūtiboajaquēne, Diore yirūcūbuoriavi moabosarimasare īsiaja m̄ua. To bajiro yirā ñaboarine, Dios ī rotimasire ñamasusejuarema ajitirūnūmenaja m̄ua. Ado bajiro bajiaja ñamasuse: Quēnaro riojo yire, gājerāre īamaire, to yicōari, Diore maire quēne ñaja ñamasuse. Tire quēne yirūgūrona ñaja m̄ua.

⁴³ Buto rojose tām̄uoruarāja m̄ua, fariseo masa. Boserūm̄u ñaro rūcūbuoriajauju baruji variquēnaja m̄ua. Dios ocare īna bueriviriju quēne rūcūbuoriajauju rujivariquēnaja. Masa īna ñariju m̄ua ejajama, rūcūbuose rāca m̄uare īna sēnisere bojarūgūaja m̄ua.

⁴⁴ Buto rojose tām̄uoruarāja m̄ua. Masa, gojere bajiro bajiaja m̄ua. Ti goje joere vaboarine, “Masa īna yujeriagoje ñaroja” yimasimenama, ō ēñerocaju ti ñajare. Tire bajiro bajiaja m̄uare quēne. Rojose m̄ua tuoīasere masimena ñari, “Rojorā rāca ñaja mani”, m̄uare yimasibeamama, m̄ua tuj̄u ejarā —īnare yigotiyuju Jesús, fariseo masare.

⁴⁵ To bajiro ī yigotirone, sīgū Dios ī rotimasire gotimasiorimasū ñañuju ī. Ado bajiro Jesúre yiyuju:

—Gotimasiorimasū, tuoīamasiri mene goticōaja m̄u. Fariseo masare to bajiro m̄u yijama, yuare quēne tud'igūyaja m̄u —Jesúre īre yiyuju.

⁴⁶ To bajiro ī yirone, ado bajiro īre cūdiyuju Jesús:

—M̄ua, Dios ī rotimasire gotimasiorimasa quēne buto rojose tām̄uoruarāja. Dios ī rotimasire masirā ñari, ī rotimasire rētobusaro yirotirūgūaja m̄ua. “Cojo vāme me mani rotise ñajare, cūdjeomasimenama īna” yimasirā ñaboarine, īnare īamaimenane, “Ñajediro yua gotirētobuse riojo ñaja”, masare īnare yirūgūaja m̄ua.

⁴⁷ Buto rojose tām̄uoruarāja m̄ua. Diore gotirētobosamasiriarāre m̄ua ñicua īna sīamasiriarāre īna yujemasirijau joere quēnarijauiri quēnoaja m̄ua, “Quēnarā ñañuma” yirā. ⁴⁸ To bajiro m̄ua yijama, “Quēnarā

SAN LUCAS 11:49-51 SAN LUCAS 11:53-54

ñañuma” yirã me yaja mua. Ado bajirojua yirã yaja: “Diore gotirëtobosamasiriarãre mani ñicua ña sãmasire quëñañuja ti” yirã yaja mua, mua ñicua rojose ña yiri-
arore bajiro rojose yirã ñari.

⁴⁹ To bajiro mua yiroto rïjorojune masicõañumi Dios, quënarõ tuoïagũ ñari. Ado bajiro yiyumi, mua ñicua, to yicõari, muare quëne tuoïayugũ ñari: “Jud'io masa vatoaja yure gotirëtobosarãre, to yicõari, gãjerã yu oca goticudirimasare quëne cõarucija yu. Ñinare sãruarãma ña. Gãjerãrema, rojose ñinare yiruarãma”, jud'io masare muare yiyumi Dios. ⁵⁰⁻⁵¹ To bajiri mua ñicua ña yimasire, mua yisere quëne ado bajiro muare yirucumi Dios: Abel ñamasir'ire mua ñicu ñ sãsomasire, to yicõari Diore gotirëtobosarimasare mu ñicua ña sãmasire, to yicõari Diore yirucuboriavi jubeaju ñarijau soemoriajau taju mua ñicua Zacar'iare ña sãtasamasire ti ñajare, bũto rojose tãmuoruarãja mua adirũmuri ñarã. Ña bajimasiri-
arore bajirone Diore mua ajitirũnabeticõa ñajare, ña sã-
masire vaja rojose ñinare ñ yiroti rëtobusaro rojose muare yirucumi Dios, adirũmuri ñarãre.

⁵² Bũto rojose tãmuoruarãja mua, Dios ñ rotimasire gotimasiorimasa. Tire buerëtobucõari, ñamasuse mejuare ajitirũnucõari, gotimasiovadicaju mua. To bajiro mua yijama, “Ëju Dios yarã quënarõ ñ yirã ñabeticõato mani” yirãre bajiro yiñaja mua. To yicõari, “Gãjerã, Ëju Dios yarã quënarõ ñ yirã ñabeticõato ña” yirã yaja mua. Dios yarã ña ñaruaboajaquëne, ñinare matarã yaja mua. To bajiri mua quëne ñ yarã ñabetiruarãja mua —ire yicudiyuju Jesús, Dios ñ rotimasire gotimasiorimasare.

⁵³⁻⁵⁴ To yigajano, ñre jivar'i ya vijure Jesús ñ budiato, bũto ñre jũnisiniñujarã Dios ñ rotimasire gotimasiorimasa, fariseo masa quëne. Ñre jũnisinirã ñari, bũto ñre sëniãgõ-
janabioyujarã ña. “Ñ cõdimasibetijama, ñre ocasãrãsa

mani” yirã, quẽnaro ajisũya vasujarã.

12

“Quẽnaro yirã ñaja yua’ yituoĩaboarine, ‘Rojorã ñaama’ ñnare yĩamasicõari, ñna gotimasiosere ajibesa”, Jesús ï yire queti

¹ “Rojose Jesũre yirãsa” yirã, ñre ñna ajicode ñnare, jãjarã masa ï tujũre rẽjañujarã ñna. Jãjarã masu rẽjarã ñnari, ñna masune gãmerã cũdarorijũ ññañujarã ñna. To ñna bajinãrone, Jesús ï buerimasajuare ado bajiro gotisũoyuju ï:

—Fariseo masa “Pan vauvato” yirã, ñna vuosere quẽnaro ajicõĩaña mua. “Quẽnaro yirã ñaja yua” yituoĩaboarine, rojose yirã ñaama. ² Masa ñna masibeti jediro, ï beserirũmũ ti ejaro, “Quẽnaro tire masiato” yigũ, masare ñnare gotirũcumĩ Dios. ³ Masa ñna ajibeto yayioroaca mua ñnagõsere, “Jediro ajiato” yigũ, mua ñnagõrere gotirũcumĩ Dios —ï buerimasare yigotiyuju Jesús.

“Masa rojose yirãre güimenane, Diojuare güiroti ñaja mũare”, Jesús ï yire queti

(Mt 10.26-31)

⁴ To yicõari, quẽna ado bajiro ï buerimasare gotiyuju Jesús:

—Yũ babarãre ado bajiro mũare gotiaja yũ: Mũare sãaruarãre güibeja mua. Mua usurijũrema sãamasime-nama ñna. ⁵ Diojuare mua güijama, quẽnaja. ï ñnaami mani catisere rotigũ. ï masu masiami. To bajiri rojose tãmuotujabetiriaroju mũare reamasicõami.

⁶ Cojomocãrãcũ miniare mani vaja yijama, juatii gãjoat-iiri rãca vaja yire ñnaroja ti, mojoroaca vaja cutirã ñna ñnjare. To cõroaca vaja cutiboarine, Dios ï rotibetone rijagũ magũmi. ⁷ Masajuare, Dios ï ñajama, jairo vaja cutirãre bajiro manire ñaami. Manire bũto maiami ï. To

bajiro bajigu ñari, mani rujoajoare, cojojoara ruabeto cõiajeogu ñaami. To bajiri rojose muare yirãre güibeja —ĩ buerimasare yiyuju Jesús.

“Masa ña ñaro rñjorojua, ‘Jesúre ajitirũnugũ ñaja yu’ mua yijama, quẽnaja”, Jesús ã yire queti

(Mt 10.32-33; 12.32; 10.19-20)

⁸ Quẽna ado bajiro ã buerimasare gotiyuju Jesús:

—Ado bajiro muare gotiaja yu: Masa ña ñaro rñjorojua, “Jesúre ajitirũnurã ñaja yua” yirãrema, yu quẽne õ vecaju yu jacu yarã ángel mesa ña ñaro rñjorojua, “Ánoa ñaama yu yarã”, yĩõrucuja yu. ⁹ To bajiboarine masa ñaro rñjorojua, “Jesúre ajitirũnurã me ñaja yua” ña yijama, yu quẽne, Dios ã roticõacacu, õ vecaju yu jacu yarã ángel mesa ña ñaro rñjorojua, “Yu yarã me ñaama ñnama”, yĩrucuja yu.

¹⁰ No bojarã, Dios ã roticõacacure rojose yure ña ñagõro bero, sutiriticõari, Diore ña sãnijama, rojose ña yisere masiriorucumi. To bajiboarine, Esp'iritu Santo ã masise rãca moagũre, “Satanás ye rãca moami” ña yitud'ijama, Esp'iritu Santojuare rojose yirã yirãma. Tirema gajerodo ti ñacoaboajaquẽne, masiriobeturucumi Dios.

¹¹ Yu ocare mua gotimasiojare, muare ñejecõari, Dios ocare ña bueriviriju ujarã rñjorojua muare juaáruarãma ña. To yicõari, macari ujarã rñjorojua muare juaáruarãma ña. To yi vanane, ujarã ñamasurã rñjorojua muare juaáruarãma. Ujarã rñjorojua muare ña juajaro, “¿No bajiro ñagõrãti yua?”, yitũõãrejaibeja mua. ¹² “Ñagõña” muare ña yirirĩmarone, mani jacu Dios ã cõagũ, Esp'iritu Santo ã ejarẽmose rãca “Ado bajiro gotiruarãja yua”, yimasiruarãja mua —ĩ buerimasare yigotiyuju Jesús.

“Jairo gajeyeũni mani cuõbetijaquẽne, no yibeaja”, Jesús ã yire

¹³ To bajiro ã yiro bero, ado bajiro Jesúsre sãnĩãñuju sĩgũ:

—Gotimasiorimasu, yu jacu ñamasicacu gajeyeünire cuobeaja yu. Yu gagu, tire juacücacu ñaboarine, yure isirabeami. To bajiri, “Í ye ñarotire ire isina mu” ire yiya, yu gagure —Jesúre ire yiboayuju í.

¹⁴ To bajiro í yisere ajicõari, ado bajiro ire cudiyuju:

—“Tire yirotirimasu ñarucuja mu” yigu me, yure cõacami Dios —íre yicudiyuju Jesús.

¹⁵ To yicõari, masa jedirore ado bajiro gotiyuju:

—Gãjerã ye gajeyeünire bojaïabesa. To yicõari, gajeyeüni cutirã mua ñajama, buto tire maibesa. Jairo mani cuojama, mani cuobetijaquëne, no yibeaja. Ti sãori me variquënaire ñaroja —ñare yiyuju Jesús.

¹⁶ To yicõari, gotimasiore queti ñare gotimasioñuju Jesús:

—Sīgũ masu gajeyeüni jaigu ñagũmi. Í ote quëne, jairo rica cutiroja ti. ¹⁷ Jairo ti ricacuto íacõari ado bajiro tuoïagũmi: “¿No bajiro yiguti yu? Nojua cūmasiri-aro maja yu”, yituoïagũmi. ¹⁸ To bajiro yituoïagũne, “Ado bajiro yirucuja yu”, yituoïabujagumi. “Bare cūri-avirire caguereacõari, gaje viri jacabusariviri buarucuja yu. To yicõari, ti virijure yu barere, yu gajeyeünire quëne cūrucuja yu. ¹⁹ To yigajanocõari, ado bajiro tuoïa variquënarucuja yu: ‘Guaro jedibetiraroja ti, yu cuose. To bajiri, ususãja, quënarõ bare ba, idire idi, yivariquëna ñarucuja yu’ ”, yituoïaboagumi, socune. ²⁰ To bajiro í yituoïañarone, ado bajiro ire yigumi Dios: “Tuoïamasibecure bajiro yaja mu. Mu rijato bero mu bajiro tire tuoïabecune yicõaja mu. Adí ñamine rijacoarucuja mu. To bajiri mu cuosema, ¿ñimũ yejua ñaruaroadã?”, ire yigumi Dios. ²¹ Tire bajirone bajiaja Diore tuoïamenane, jairobua gajeyeüni juacūrütuanarema. “Disejua ruyabetiraroja yuare” ina yiboajaquëne, Dios í ñajama, “Yu

ye quēnasejũare bũjabetirona ñaama, yũre ajitirũnũmena ñari”, ñnare yiĩaami Dios —ñnare yiyuju Jesús.

“*Ĩ rĩa mani ñajare, manire ñatirũnũrũcũmi Dios*”, Jesús ĩ yire queti

(Mt 6.25-34)

²² To ĩ yiro bero, ado bajiro ĩ buerimasare gotiyuju quēna:

—To bajiro Dios ĩ yiĩase ti ñajare, adi macarũcũrojũre mũa bajiro tire tuoĩarejaibesa mũa. “¿No bajiro bũjacõari, bare ba, idi, sudi sãña, yicatiñarãti yũa?”, yituoĩarejaibesa. ²³ Quēnamasuse mani usũre, to yicõari mani rujũre manire ĩsiñumi Dios. To bajiri mani baroti, mani idiroti, to yicõari sudi mani sãñarotire quēne cõarũgũrũcũmi ĩ. ²⁴ Minia ĩna bajisere tuoĩaña mũa. ĩna otebetiboajaquēne, to yicõari, bare ĩna juarẽocũbetiboajaquēne, ñnare bare cõarũgũami Dios. “Miniare quēne ĩamaigũ ñari, manire roque rẽtoro maigũmi”, ¿yimasibeati mũa? ²⁵ “Adi macarũcũrojũre ñarã yoaro catirũarãja yũa” mũa yituoĩarejaiboase, “Yoarobusa catiato” yiro, mũare ejarẽmomasibeaja ti. ²⁶ To bajiro ti bajijare, mũa catiñarotire tuoĩarejaibesa.

²⁷ Sudi mũa sãñarotire quēne tuoĩarejaibesa. Go bucũasere tuoĩañaasaque mũa: Moabeti, to yicõari, sudi sãñarũa tuoĩarejaibeaja ti. To bajiboarine, Hju Salomón ñamasir'i gajeyeũni jaigũ ĩ ñaboajaquēne, quēnase ĩ sudi sãñamasire rẽtoro quēnase ñaja ti. ²⁸ Gore bũto quēnase ñarotirũgũami Dios. Quēnase ñaboarine, yoaro mene sĩnicoatoja. Ti sĩniro ñacõari, bare quēnorũarã, tire juacõari, soerãma masa. To bajiri yoaro catise me ti ñaboajaquēne, tire quēnorũgũgũami Dios. Go rẽtoro manire roque maigũ ñari, “Manire sudi cõarũcũmi Dios”,

yimasiroti ñaja mũare. “To bajirone yigũmi Dios”, yiajiritirũnubetibusarã ñaja mũa. ²⁹ To bajiri, “¿No bajiro bujacõari, bare ba, idi, yicatiñarãti yua?”, yituoĩarejaibesa. ³⁰ Dios yarã me ñarãma, tire buto tuoĩarejairãma. Manijũarema, mani jacũ ñagũmi, “Ti ruyaja, ñare” yimasigũ. ³¹ To bajiri, “Ujũ Dios yarã, quẽnaro ñ yirã ñaja mani. Ñ bojarore bajiro quẽnase rĩne yirũarãja”, yituoĩarũgũña mũa. To bajiro mũa yijama, adi macarũcũroaye mũa cõobetire bujarũarãja mũa.

Õ vecajũ Dios tũjũ quẽnase mani bujaroti queti
(Mt 6.19-21)

³² Jãjarã me ñaja mũa. To bajiboarine tuoĩarejaibesa. Ujũ Dios quẽnase mũare cõavariquẽnarũgũami. To yicõari, ñ ñarojũ õ vecajũ variquẽnase rãca mũare bo-cãmirũcũmi. ³³ Jediro mũa cõose gãjerãre ñsijeocõaña. To yicõari, ti vaja bujacõari, maioro bajirãre ñsima. To bajiro mũa yijama, õ vecajũ Dios ñ ñarojũ quẽnase bujarũarãja mũa. Mũare quẽnaro Dios ñ yise jedibetirũaroja. Tojũre juarudirimasa ejabetirũarãma. To yicõari, quẽnaro mũare Dios ñ yisere barearã manama. ³⁴ Õ vecaye quẽnase mũa bujaroti jedibetiroti ti ñajare, mũa cõosejũare tire tuoĩarejaimenane, “Quẽnaro yua yise vaja õ vecajũ vaja tacũrã yaja” yituoĩacõari, quẽnaro yirũgũña —ñ buerimasare yigotiyuju Jesús.

“Yũ tudiejarotire quẽnaro tuoĩayuya”, Jesús ñ yire queti

³⁵⁻³⁶ Ado bajiro ñare gotiyuju Jesús:

—Adi macarũcũrore vaveorũcũja yũ. To bajiboarine, tudivadirũcũja quẽna. Yũ manitoye quẽne, yũ bojarore bajiro quẽnaro yicõa ñama, yũ tudiejarotire tuoĩayurã ñari —ñare yiyuju Jesús.

To bajiro yigajanocōari, gotimasiore quetire tuoīacōari, ĩnare gotiyuju Jesús:

—Sĭgũ ɯɟɯ gājerā ĩna āmosiarirũmɯ, boserũmɯ ĩna yiro, ĩagũ vacoacumi ĩ. To bajiri ĩ tudiejaroto rĭjoro ĩre moabosarimasa ĩre yurāma ĩna. “¿No cōro tudiejaguti ĩ?”, yirũgũrāma ĩna. Tudiejacōari, “Manire ĩ jirone, guaro sojere jānaruarāja mani”, yituoīarāma ĩna. ³⁷ To bajiri cānibetiriarā ñari, ĩna ɯɟɯ ĩ tudiejaro, bũto variquēnarāma ĩna. To cōrone ĩna ɯɟɯ ĩnare rujirotigumi. ĩnare rujiroti, ĩ masune ĩnare bare ecagumi, ĩna ɯɟɯ ñaboarine. ³⁸ To bajiri ñami gũdareco ti ñacoaboajaquēne, cānibetiriarā ñari, ĩna ɯɟɯ ĩ tudiejaro, ĩre ĩacōari, bũto variquēnarāma ĩna.

To bajiri ɯɟɯ ĩ manitoyeɟɯ ĩ tudiejarotire yurā, ĩna cānibetiriarore bajiro bajicōa ñaruarāja mɯa, yure yurā ñari. Yɯ bojarore bajiro quēnaro yicōa ñama mɯa. To bajiro mɯa bajijama, yɯ tudiejaro ĩacōari, bũto variquēnaruarāja —ĩnare yigotiyuju Jesús.

³⁹ To yicōari, quēna gaje queti gotiyuju:

—Adi quetire quēne tuoīaña: Sĭgũ vi ɯɟɯ, “Adi ñami juarudirimasɯ ejarɯcumi” ĩ yimasijama, roori ñabogumi, ĩre matarɯ. ⁴⁰ To bajiri, “Dios ĩ roticōagũ ĩ tudiejarotire mani masibetirĩmarone tudiejaromi” yirā, roori ñarũgũruarāja mɯa —ĩnare yigotiyuju Jesús.

“*Ado bajiro bajigumi yɯ tudiejarotire roori ñagũma*”, Jesús ĩ yire queti

(Mt 24.45-51)

⁴¹ To bajiro ĩ yijare, sĭgũ ĩ buerimasɯ, Pedro vāme cɯtigɯ, ado bajiro Jesúre ĩre sēniĩañuju ĩ:

—Yɯ ɯɟɯ, ¿tire yɯa rĭrene gotigɯ yati mɯ? ¿Jedirore gotigɯ yatique mɯ? —ĩre yisēniĩaboayuju ĩ.

⁴² To ĩ yirone, ado bajiro ĩre cɯdiyuju Jesús, gaje queti, gotimasiore rāca gotigɯ:

—Ado bajiro bajirucumi yure quēnaro ajitirūnu tu-jabecu, quēnaro tuoīagū: Ʋju, gajeroju űaguacu, ĩ varoto rĳoro, “Yu ya vianare yure codebosaba” yigu, ĩre moabosarimasure ĩ cūvar'ire bajiro bajigu űagūmi. ⁴³ ĩ Ʋju, ĩ rotiriarore bajirone ĩ moayurere tudiejacōari, ĩ ĩaejajama, quēnaro ĩre yigumi, ĩre moabosarimasure. ⁴⁴ Riojo mware gotiaja yu. Ʋju ĩ bojarore bajirone ĩ yire ti űajare, ĩ cūose jedirorene, ĩre ĩatirūnurotigumi. ⁴⁵ Ado bajiro bajirucumi yure quēnaro ajitirūnubecuma: Rojose yigu ĩ űajama, Ʋju ĩ vato bero, “Yoatoju tudiejagumi” yituoīagū űari, ĩ Ʋjure moabosarimasare rojose yigumi. To yicōari idimecūrūgūrāre baba cuticōari, ĩna rāca idirūgūgūmi ĩ quēne. ⁴⁶ To ĩ yiñarone, ĩ Ʋju, tudiejagumi. Tudiejacōari, ĩ rotiriarore bajiro ĩ yibetire ti űajare, rojose ĩre yigumi. To bajiri “Quēnaro yirā űaja yu” yiboarine, ĩna yirore bajiro yimena rojose ĩna tāmūorore bajirone tāmūogūmi.

⁴⁷ No bojagu ĩ Ʋju ĩ bojasere masiboarine, ĩ rotiriarore bajiro ĩ yibetijama, tudiejacōari, buto ĩre quēasīacōagūmi ĩ Ʋju. ⁴⁸ Gājjju, Ʋju ĩ bojasere masibecune ĩ yijama, tudiejacōari, quēnabusane ĩre quēagūmi ĩ Ʋju —ĩnare yigotiyuju Jesús.^k

“Yure mwa ajitirūnūserere ĩacōari, mware ĩajūnisiniruarāma”, Jesús ĩ yire queti

(Mt 10.34-36)

⁴⁹⁻⁵⁰ Quēna ado bajiro ĩnare gotiyuju Jesús:

^k 12:48 *Adi vāmere yigu yiyuju Jesús: Adi macarucuroju Jesús ĩ tudiejarone, Ʋju ĩre moabosarimasare ĩ yiriarore bajiro ĩnare yirucumi Dios. To bajiri Dios ĩ bojasere quēnaro masirāre, “Quēnaro yiya”, yami Dios. ĩ bojasere quēnarobusa masirā, “Butobusa masiña”, yami Dios. Mani masiro cōro mani yisere bojaami Dios.*

—“Rojose tãmuotujabetiriaroju mani vaborotire manire yirëtobosarucami Jesús' yivariquënarona ñato” yigu, vadicaju yu. To bajiro bajicacu ñari, gãjerã tire tuoïamenare ñinare soereaguagure bajiro bajicaju yu. To bajicacu ñari, guaro ñinare yu rijabosarotire bojaja yu. ⁵¹ “Quënarõ ñato ñina masa' yigu, vayumi Jesús”, yure yituoïabesa mua. Dios ñ bojabeti yirã, yu ocare ajijünisinicõari, yure ajitirünurãre ñateruarãma ñina. To bajiri ado bajirojua yure yituoïaña: “ Ñ suori ricatiri tuoïaruarãma masa' yigu bajiyumi Jesús”, yure yituoïaña. ⁵² “Ado bajiro bajiruarõja” yigu yaja yu: Cojo viana ñaboarine, siguri yure ajitirünurã ña, gãjerãjua yure ajiterã ña, bajiruarãma. ⁵³ Ñ macu, yure ñ ajitirünujama, ñ jacujua ñre ñaterucami. Jacujua, yure ñ ajitirünujama, ñ macujua, ñre ñaterucami. So macojua, yure so ajitirünujama, so jacojua, sore ñateruocomo. Jacojua, yure so ajitirünujama, so macojua, sore ñateruocomo. So jëjojua yure so ajitirünujama, so ñmañicojua, sore ñateruocomo. So ñmañicojua yure so ajitirünujama, so jëjojua, sore ñateruocomo —ñinare yigotiyuju Jesús.

Rodori bajisere ñ gotimasiore queti
(Mt 16.1-4; Mr 8.11-13)

⁵⁴ To yicõari, ado bajiro ñinare gotirütuasuju Jesús, jãjarã masare:

—Muiju ñ rocasãtoju bueri ti vadijama, “Oco quedirujaja”, yïamasijaja mua. ⁵⁵ To yicõari, mino varuagũmuaye ti vëatujama, “Buto asirucami muiju”, yïamasijaja mua. ⁵⁶ Ñamasuse mere ñamasicõari, “Masirã ñaja yua”, yituoïaboaja mua. Ñamasusejuare masibeaja mua. Adirũmuri yu yisere ñarã ñaboarine, “Dios ñ roticõar'i ñari, yami”, yïamasibeaja mua —ñinare yiyuju Jesús.

“*Rojose m̄ua yigure oca quẽnoña*”, yire queti
(Mt 5.25-26)

⁵⁷ Ado bajiro ñnare gotiyuju Jesús quẽna:

—¿No yirã m̄ua masune yu yisere ñacõari, “¿To bajirojua yiroti ñatique?” yituoĩabeati m̄ua? ⁵⁸ Gãjire rojose m̄ua yijama, oca quẽnorimasu tujũ m̄ua ejaroto rĩjoro, ñ rãca oca quẽnoroti ñaja m̄ua juarãne. Oca quẽnorimasu tu ejamenane, m̄ua oca quẽnobetijama, masare coderimasure juarotirucumi, muare. Ñjua, muare tubiberucumi. ⁵⁹ Riojo muare gotiaja yu. Rojose m̄ua yire vaja m̄ua vaja yibetijama, budimenaja m̄ua. Tire bajirone bajiruaroja. Dios ñ vaja sãnirirũmu ejaroto rĩjorojua, rojose m̄ua yir'ire ñre oca quẽnoña. M̄ua gãmerã oca quẽnobetijama, Dios ñ vaja sãnirirũmu ti ejaro, rojose tãmuotujabetiriaroju, tudibudiyamanoju muare cõarucumi —ñnare yigotiyuju Jesús.

13

“*Rojose m̄ua yisere yitujacõari, Dios ñ bojarore bajirojua m̄ua yibetijama, rojose m̄ua yise vaja bajiyayiruarãja m̄ua quẽne*”, Jesús ñ yire queti

¹ Tirũmune queti gotirã Jesús tujũ ejayujarã ñna. Ñ tujũ ejacõari, ado bajise ñre gotiyujarã ñna:

—Galilea sitana, Diore yirũcubuoariavijũ sãjaejacõari, Diore rũcubuoarã, vaibucurãre sĩañujarã ñna. To ñna bajirone, Uju Pilato ñ yarãre ñnare sãaroticõañuju —Jesũre yigotiyujarã ñna.

²⁻³ To bajiro ñna yigotisere ajicõari, ado bajiro ñnare gotiyuju Jesús:

—Galileana ñna bajiyayirere muare gotirucuja yu: Buto rojose ñna yise vaja me bajiyayiyujarã ñna. Gãjerã Galileana rẽtoro rojose yirã me ñaboayujarã ñna. M̄ua

quêne, rojose mua yisere mua tuoïvasoabetijama, bajiyayicoaruarãja mua. ⁴⁻⁵ Siloé vãme cuti macajure cojo vi, juriaquediato, juaãmocãrãcu, cojo gubo jedi, gaje gubo idia jênituarirãcu masare sĩañuju ti. Buto rojose ña yire vaja me bajiyayiyujarã ña quêne. Gãjerã Jerusalén macana rëtoro rojose yirã me ñaboayujarã ña. Mua quêne rojose mua yisere yitujacõari, Dios ñ bojarore bajirojua mua yibetijama, bajiyayicoaruarãja mua —ñare yigotiyuju Jesús.¹

Higuera vãme cutiã rica manire tuoïacõari, Jesús ñ gotimasiore

⁶ Quêna gaje queti gotimasiore queti ñare gotiyuju Jesús:

—Sĩgũ masu vese cutigu ñagũmi. Ñ ya vesere higuera vãme cutiure otegumi. Ñ oter'i, “Bucua, rica cuticoatoja ti” yigu, ñagũ vacumi. Vaejacõari, ñaboagumi. Rica manicõaroja. ⁷ To ñagũmi, ñ vesere codebosarimasu. To bajiri, ñjuare ado bajiro gotigumi: “Jëre idia cũma tiure rica macaboaja yu. Rica manirũgũaja ti. Quëarocacõaña mu, tiure. Rojoricu ñaja ti. Gaji ote vasoaroti ñaja”, ñre yigotigumi. ⁸⁻⁹ To ñ yiboajaquêne, ado bajiro ñre cudigumi vese coderimasu: “Maji. Quëarocabeticõato mani. Adi cũmare quêne quênaro tiure ñacoderuaja yu. Sita quênase tu, vaibucurã gũda quêne tu, quênaro tiure code, gaje cũma gãme tudĩaruarãja mani quêna. To cõrone ti rica manicõajama, quëarocaruarãja mani”, ñre yicugudimi

¹ 13:4-5 13:2-5 “Ña bajiyayirotiore Jesús ñ gotijama, ña rijato beroju, rojose ña tãmuetujabetirotiore yigu yiyuju”, yituoïaama sĩgũri, Dios oca masa ña ucamasire buerëtoburimasa.

vese coderimasu —ñare yigotiyuju Jesús^m

Ususājariarūmu rōmiore Jesús ī catiore queti

¹⁰ Ususājariarūmu ti ñaro Dios ocare ĩna bueriviju masare gotimasio ñañuju Jesús. ¹¹ ĩnare ī gotimasio ñarōjare ñañuju sīgō rōmio. Yoaro, juaāmo cōro, cojo gūbo jedi, gaje gūbo idia jēnitarirāca ñaricūmari so usuju vāti ī sãñajare, mubiarine ñacōañuju so. ¹²⁻¹³ To so bajiñasere ĩacōari, sore yiyuju.

—Jēre mu rijaye cūtise mure jedicoaju ti —sore yiyuju Jesús.

To yigune, so sūyarojua joere ī āmori ñujeoyuju. ĩ ñuje-orirīmarone, riojo vūmujocoasuju so yuja. Vūmujogone, ado bajiro gotiyuju:

—Jesús suorine quēnaro yare yami Dios —yigotiyuju so.

¹⁴ To bajiro so yiboajaquēne, Dios ocare ĩna buerivi ũju, so quēnaejasere ĩacōari, Jesúre ĩajūnisiniñuju ī. “Ususājariarūmure catorotibeama ũjarã. To bajiri, ‘Rojose yigu ñaami’ ”, Jesúre yijūnisiniñuju ī. To bajiro Jesúre ĩre yijūnisinigū ñari, ado bajiro masajure gotiyuju:

—Tocārāca semana, cojomo cōro coja jēnitarirācarūmuri, moariarūmuri ñaja ti. To cōroju mua catirotire sēnirã vadirūgūroti ñaja. Adirūmu ususājariarūmu ũnorema to bajiro yirã ejabesa mua —ñare yigotiyuju ī.

¹⁵ To bajiro ĩnare ī yirone, ado bajiro ĩre gotiyuju Jesús:

—“Quēnaro yirã ñaja yua” yituoīboarine, rojorã ñaja mua. Ususājariarūmu ti ñaboajaquēne, mua ta vecuare, burroare, bare ecariaviju ñarāre ĩnare jojiocōari, ĩna oco idiroju tãa varūgūaja mua. ¹⁶ To bajiro mua yirūgūse

^m **13:8-9** “Adi quetire Jesús ī gotijama, ‘Masa rojose ĩna yise vaja rojose tāmnotujabetiraroju ĩnare reategu ñari, rojose ĩna yisere yitujacōari, ī bojasejare ĩna yirotere yugumi Dios’ yimasio gū yiyuju ī”, yiyujarã sīgūri, Dios oca masa ĩna ucamasire buerētoburimasa.

ñajare, adiore yu catiosere ñacōari, buto variquēnaroti ñaboaja mũare. Vaibucu me ñaamo. Mani yo, Abraham ñamasir'i jāneñone ñaamo so. Vātia uju sore siacōari, cuogure bajiro yiyumi. Juaāmo cōro, cojo gubo jedi, gaje gubo idia jēnitarirāca cūmari to bajiro sore cuoñañumi. To bajiro sore i yicuoñajare, “Ususājariarūmune sore catiocōaroti ñaroja”, yibu yu. Mua quēne yure bajiro tuoīamasiña —ire yiyuju Jesús, ti vi ujure.

¹⁷ To bajiro i yisere ajicōari, “Riojo gotiami”, yibojoneñujarā ña, ñe tud'iriarā. Gājerājuama, buto variquēnañujarā ña, jediro quēnase rīne Jesús i yirūgūsere ñacōari.

“*Mostaza vāme cutiū rica, ajeare bajiro bajiaja*”, Jesús i yire

(Mt 13.31-32; Mr 4.30-32)

¹⁸ Higuera, rica manire sīgū i rocare queti Jesús i gotiro bero, ado bajirone masare gotimasioñuju:

—“Rotimurūgōrucuja mu” yigu, Dios i cōagū, yu gotimasiosere no bojarā ña ajitirūnujama, mũare yu gotisere mojeroaca ajimasiboarine, rojose ña ñare cutisere tuoīavasoacōari, tocārācarūmuri quēnaro ñamujarūgūcōari, quēnaro ajimasimujarūgūjama, ado bajiro bajiruroja: n ¹⁹ Sīgū i ya vese mostaza ajea otegami. To bajiri i oterica mojouricaca ñaboarine, ti judibucuaocajama, ote yucūri rēto busaricu jairicu ñaroja tiu. Jairicu ti ñajare, tiu rujuriju minia ña ría cutirotijurire quēnorāma ña —ñare yigotimasioñuju Jesús.

n **13:18** *Mostaza ajea ti bajire queti Jesús i gotirere, “Ado bajiro yiruro yaja”, yiyujarā Dios oca masa ña ucamasirere buerētobudiriarā sīgūri. “Jesús i gotimasiosere ajitirūnurā i ñarirodo mojeroaca ñaboarine, jājarā ña bujurotire yigu yiyuju Jesús”, yiyujarā ña.*

*“Pan vauvasere bajiro bajiaja” Jesús ĩ yire queti
(Mt 13.33)*

²⁰ Quēna ado bajiro gotimasioñuju Jesús:

—“Rotimurōgōrucusja mu” yigu, Dios ĩ cōagū, yu gotimasiosere no bojarā ĩna ajitirūñujama, mure yu gotisere mojeroaca ajimasiboarine, rojose ĩna ñare cutisere tuoĭvasoacōari, tocārācarūmuri quēnaro ñamujarūgūcōari, quēnaro ajimasimujarūgūjama, ado bajiro bajiruaroja: ²¹ Rōmio, pan quēnogoago, trigo vetare idiaji vasācōari, pan ũmato vauvasere vūogomo so. To so yijare, jairo vauvaroja ti. Tire bajirone bajiruaroja, Diore rotibosagure yure ajitirūñurā jājarābusa mua bñuroti — ĩnare yigotimasioñuju Jesús.

“Eyabetisoje ñaja Dios tujū vana sājariaro”, Jesús ĩ yigotimasiore queti

(Mt 7.13-14, 21-23)

²² Jerusalénju vacu ñaboarine, tocārāca maca ĩ rētorimacarire ĩnare gotimasiovasuju Jesús. ²³ To ĩ bajivatone, sigū ĩ rācagu ĩre sēñiñañuju ĩ:

—¿Yu ujū, masa rojose tāmūotujabetiriaroju vaborona Dios ĩ yirētobosarona, mojeroaca ñarāti? —ĩre yisēñiñañuju, Jesús.

To bajiro ĩ yisere ajicōari, ĩ rācanare ado bajiro ĩnare gotimasioñuju Jesús:

²⁴ —Uju Dios yarā quēnaro ĩ yirā mua ñaruajama, eyabetisojere sājārāre bajiro josaruarāja mua. Ti josaboajaquēne, ĩ yarā ñaña mua. Riojo mure gotiaja yu: ĩ yarā mejūama, jājarā ñaruarāma ō vecaju eyabetisoje sājaruaboarā. ²⁵⁻²⁶ Soje biberu bero ejaruarāma ĩna. To bajicōari, sojere jānamasimena ñari, ado bajiro yure sēñiñaboaruarāma ĩna: “Uju, soje jāñaña mu” yure yiboaruarāma. To ĩna yirone, “Mure masibeaja yu”, ĩnare yirucusja yu. To bajiro ĩnare yu yisere ajicōari, ado bajiro

yure yiruarãma ñna: “Mu rãca bare ba, idi, yicanane ñaja yua. Yua ya macajure ejacõari, yuare gotimasiocaju mu”, yiboaruarãma ñna. ²⁷ To ñna yirone, “Jëre muare masibeaja’ yigotigajanomu yu. ¡Vasa! Rojorã ñaja mua”, ñnare yirucuja yu. ²⁸ To yu yirone, ñna ñicua, Abraham, Isaac, Jacob, to yicõari Diore gotirëtobosamasiriarã ñajediro Dios tujũ quẽnaro ñna ñasere ñacõari, buto sutiritiruarãma ñna, ñnare yu sãjarotibetijare. To bajicõari, buto rojose tãmuorã ñari, guji põguẽ, oti, yiruarãma ñna. ²⁹ To bajiboarine Dios tujũ ejaruarãma gãjerã. Muiju ñ jiado vadiriarã, ñ rocasãto vadiriarã, to yicõari varuaga soje vadiriarã, gajejacatua varuaga soje vadiriarã ñaruarãma. Tojũre ñ rãca barujiuruarãma ñna.^o ³⁰ Jãjarã adoju ñamasurã, õ vecajuarema ñamasumena ñaruarãma ñna. Adi macarucuroju jãjarã ñamasumenama, õ vecajuarema ñamasurã ñaruarãma —ñnare yigotimasioñuju Jesús.^p

³¹ To bajiro ñ yigotimasiurone, Jesús tujũ ejayujarã fariseo masa sīgũri. Ñ tujũ ejacõari, ado bajiro gotiyujarã ñna:

—Gajeroju vacoasa mu. Uju Herodes, mure sãaru macañañuju ñ —Jesũre yigotiyujarã ñna.

³² To bajiro ñna yisere ajicõari, ado bajiro ñnare cudiyuju Jesús:

—Herodere quẽnaro tuoĩagũre ado bajiro ñre gotiba mua: ³³ “Moaroti ñaja yure maji. Masa usuriju sãnarãre vãtiare ñnare burearoti, to yicõari rijaye cutirãre catoroti ñaja yure maji. Yuma, yu bajiñarotire quẽnaro masiaja

^o 13:29 Diorãca ñna barujirotire Jesús ñ yijama, Diorãca quẽnaro ñna ñarotire yigũ yiyuju, yiyujarã Dios oca masa ñna ucamasire buerëtoburimasa. ^p 13:30 “To bajiro Jesús ñ yijama, judío masa Dios ñ besesuo boariarã jãjarã ñ tujũ ñna ejabetirotire, to yicõari, judío masa me ñarã ñ besetũsarã ñ tujũ ñna ejarotire yigũ yiyuju ñ”, yitũoĩañujarã sīgũri Dios oca masa ñna ucamasire buerëtoburimasa.

yũ. To bajiri Jerusalénjũne vacũ bajiaja yũ. To bajiro yũre varotiami Dios. Tone Diore gotirētosamasiri-arãre sãarearũgũmasiñujarã ãna, masa. Tone yũre quẽne sãaruarãma ãna”. To bajiro yũ gotisere yũre gotibosaba mũa —ĩnare yicũdiyuju Jesús.

Jerusalén macana ãna bajiro tire Jesús ã tũoĩasũtiritire queti

(Mt 23.37-39)

³⁴ To bajiro ãnare yigajanocõari, Jerusalén macanare ãre ãna sãarocarõ bero ãna bajiro tire tũoĩacõari, ado bajiro yiyuju Jesús:

—Jerusalén macana, Diore gotirētosamasiri-arãre sãamasiri-arã jãnerabatia ñacõama ãna. Dios ã cõamasiri-arãre ã ocare gotimasiorimasare gũtane ãnare reasãamasiri-arã jãnerabatia ñaama. Cojõji me gãjaboco so querũju eñeroca so rĩare so juarēorore bajiro ãnare yirũaboacajũ yũ, ãnare coderũ. To bajiro yũ yirũaboajaquẽne, ãnajũa yũre bojabeticama. ³⁵ To bajiri jẽre “ãna ñarijũre codetũ-jacõaja yũ yuja”, yitũoĩami Dios. Riojo gotiaja yũ: “ ¡Rotimũorũgõrucumi’ yigũ, Dios ã cõar’i vadiami! ¡Quẽnase ãre yivariquẽnato mani! ¡Diore rotibosagũ ã ñajare, ãre quẽnaro yato Dios!”, yũre ãna yiroto rĩjoro, quẽna juaji yũre ãbetiruarãma ãna —ĩnare yitũoĩa ñagõñuju Jesús, Jerusalén macanare.

14

Ucũgũre Jesús ã catiore queti

¹ Uusãjariarũmu ti ñaro, fariseo masa uju ya vijũre bagũ vasuju Jesús. Toju ã ejaro, “Jesús, rojose yimi” ujarãre yi ocasãruarã, Jesũre quẽnaro ãacodeyujarã ãna, fariseo masa, Dios ã rotimasire gotimasiorimasa quẽne. ² Toju ñañuju sũgũ, ã ruju jediro ucũgũ. ³ To bajiri fariseo masa,

Dios ĩ rotimasire gotimasierimasa quēne ĩna t̄uōasere masicōari, ado bajiro ĩnare sēniñañuju Jesús:

—¿Adir̄m̄m̄ usus̄ajariar̄m̄m̄ure rijaye cutir̄are manire catiorotibeati Dios oca masa ĩna ucamasire? —ĩnare yisēniñañuju ĩ.

⁴ To bajiro ĩ yiboajaquēne, ĩre c̄udibesujar̄a ĩnajuama. To bajiri uc̄uḡure jicōari, ĩre catioyuju Jesús. To yicōari, ĩre varotiyuju. ⁵ ĩre varoticōari, ĩ vato bero ñar̄are ado bajiro ĩnare gotiyuju ĩ:

—Ta vecu mua ecar'i, gojeju ĩ quedirosas̄ajama, “Usus̄ajariar̄m̄m̄ ñaja” yir̄a, ¿āmir̄a vamenada mua? —ĩnare yigotiyuju Jesús.

⁶ To ĩ yisere ajicōari, no bajiro ĩre c̄udimasibesujar̄a ĩna.

“Masa, ñamasumenajuare, ‘Ñamasur̄a ñato’ yigu yir̄uc̄umi Dios”, yire queti

⁷ To ĩ yiro bero, toju bar̄a ejar̄a, r̄uc̄ub̄uor̄iajur̄ire rujir̄uayujar̄a ĩna. To ĩna bajisere ĩacōari, ado bajiro ĩnare gotimasioñuju Jesús quēna:

⁸⁻⁹ —No bojagu ĩ āmosiarotire “ĩar̄a vadiato” yigotiecor̄a mua ñajama, ĩ t̄uju ejar̄ane, r̄uc̄ub̄uor̄iaju rujibeja. To bajiro mua bajibetijama, r̄uc̄ub̄uor̄iaju mua rujiro bero ḡaji mua r̄etoro ñamasuḡũ ĩ eajama, ado bajiro m̄are gotir̄uc̄umi vi uju: “T̄usaroju rujiaya m̄ama. Ānijua, mua bero ejaqūua, adore rujir̄uc̄umi”, m̄are yir̄uc̄umi. To bajiro ĩ yirone, b̄uto bojonerūar̄aja mua.

¹⁰ To bajiri “ĩar̄a vadiato” m̄are ĩna yijama, ĩna t̄uju ejacōari, t̄usaroju rujiba mua. Vi uju, m̄are ĩacōari, “R̄uc̄ub̄uor̄iaju rujiaya m̄a”, yir̄uc̄umi. To bajiro m̄are ĩ yiro ajiri, m̄are yir̄uc̄ub̄uor̄uar̄ama ĩna, rujir̄a quēne. ¹¹ Ado bajiro ti bajijare, to bajiro bajiaja: No bojagure, ñamasuḡũ ñaruagure, “Ñamasuḡũ me ñato”, ĩre yir̄uc̄umi Dios. No bojagure, “Ñamasuḡũ me ñaja yu” yigu,

quēnaro gājerāre yirūcubuoḡuare, “Ñamasugū ñato”, ĩre yirūcūmi Dios —ĩnare yigotimasioñuju Jesús.

Maïoro bajirāre Jesús ĩ mairotire queti

¹² To yigajanocōari, viagure ado bajiro ĩre gotiyuju Jesús:

—Gājerāre mū barotijama, mū babarāre, mū yarāre, to yicōari, jairo cūorāre mū tuanare, ĩnare barotibeticōaña. ĩnare mū barotijama, bero ĩnajua quēna barotirāma, cūorā ñari yibeticōaña. ¹³ To bajiri, gājerāre mū barotijama, ñie cūomenare, micarāre, rujasagueri vanare, to yicōari, ĩamenare quēne barotiya mū. ¹⁴ ĩnajumama mure bare ecamasimenama ĩna, mojoroaca cūorā ñari. To bajiro ĩnare mū yijama, buto variquēnarūcūja mū. Beroḡu ĩ bojarore bajiro yiriarāre rijariarāre, ĩ catiorirūmūḡu mure vaja yirūcūmi Dios, to bajiro mū yise vaja —viagure yigotiyuju Jesús.

“*Ī macu ĩ āmosiaguadijare, masare jirēogūmi uḡu*”, Jesús ĩ yigotimasiore queti

(Mt 22.1-10)

¹⁵ To bajiro ĩ yisere ajicōari, sīgū, Jesúrāca barujigū, ado bajiro ĩre gotiyuju:

—Uḡu Dios tūḡu ō vecajū ĩ rāca barona variquēnaruarāja mani —Jesúre ĩre yigotiyuju.

¹⁶ To bajiro ĩ yisere ajicōari, ado bajiro ĩre cūdiyuju Jesús:

—To bajirone bajiboroja, Dios tūḡu mū ejajama —ĩre yicūdiyuju Jesús. To yicōari, gotimasiore quetire gotiyuju:

—Cojorūmū sīgū masu quēnaro boserūmū yigūmi. Tirūmū ñaroto rījoro jājarā masare jigūmi, ĩnare ūmato baru. ¹⁷ To bajiri boserūmū ti ejaro, ĩre moabosagure cōagū, ado bajiro ĩre yigūmi: “Yū rāca barona barā vadiato ĩna. “Bare quēnogajanoaja yū jēre”, mūare yicōami’

ĩnare yigotiba”, ĩre yigotigumi, ĩre moabosarimasure. ¹⁸To bajiro ĩ yicõar'i, gãjerãre jicudiboagumi. ĩna ñajediro ricatine ĩre boca cudirãma ĩna. ĩ jisuoꝝu ado bajiro ĩre cudigumi: “Cojotũcuro oteriatũcuro vaja yibũ yũ. Tojũre ĩagũacu yaja yũ. To bajiri, ‘ĩ tũju bagũ varuaboarine, vamasibeaja’ yũre yigotibosaba”, ĩre yicudigumi. ¹⁹Gãjima, ado bajiro ĩre cudigumi: “‘Cojomocãrãcu ta vecua vaja yibũ yũ. ĩnare ĩãĩagũacu yaja’ yicõami. To bajiri, ‘Vadimemi’ ĩre yicõama, mũ ẽjũre”, ĩre yicudigumi, ĩ quẽne. ²⁰Gãjijũama, ado bajiro yigumi quẽna: “Manajo cuticoajũ yũ, yucũacane. To bajiri boserũmũ ĩagũ vamasibeaja yũ”, ĩre yicudigumi. ²¹To bajiro ĩna yijare, ĩ ẽjũ ya vijũ tudiejacõari, ĩna yicõasere ĩre gotigumi. To bajiro ĩna yicõasere ĩ gotiro ajijũnisinigũmi ĩ ẽjũ. Jũnisinigũne, ado bajiro rotigumi quẽna: “¡Guaro vasa mũ! ¡Macari ñajediro vasa mũ! Ñie cuomenare, micarãre, ĩamenare, rujasagueri vanare, ĩnare jiba. ĩnajũa, yũ tũju barã vadiato ĩna”, ĩre yigotigumi, ĩre moabosarimasure. ²²To bajiri ẽjũ ĩ yiore bajiro yigoticudigumi ĩre moabosarimasũ. ĩ goticudiro bero, tudiejacõari, ado bajiro ẽjũre gotigumi: “Ëjũ, yũre mũ roticõarore bajirone ĩnare gotigajanomũ yũ yuja. Masa bojarẽmocõaja maji”, yigotigumi. ²³To bajiro ĩ yijare, ado bajiro ĩre rotigumi ẽjũ quẽna: “Maca tũsaroanare maa turi ñarãre quẽne ĩnare jijeocõama mũ. ‘Yũ vi jũmũcoajaro’ yigũ yaja yũ. ²⁴‘Yũ rãca baroadiato’ yũ yicõaboarãjũama, yũ rãca babetiruarãma ĩna”, ĩre yigumi ĩ ẽjũ —ĩre yigotiyuju Jesús.

“Yũre ajitirũnũgũ ĩ masu rujũre ĩ mairo rẽtoro yũre maigũmi”, Jesús ĩ yire queti

(Mt 10.37-38)

²⁵Tirũmuri jãjarã masa Jesũrãca vasujarã ĩna. To ĩna bajiro jũdarũgũ, ĩnare ĩacõari, ado bajiro gotiyuju Jesús:

²⁶ —No bojagŭ yŭ buegŭ, ĩ jacure, ĩ jacore, ĩ manajore, ĩ rĩare ĩ mairo rĕtobŭsaro yŭre maigŭmi. To bajicōari, catiquĕnagŭ ñagŭ quĕne, rijaye tãmŭo gajajuagŭ ñaboarine, yŭre maigŭmi. ²⁷ No bojagŭ, “Jesúre bajiro rojose tãmŭosŭyarŭcŭja yŭ” yitŭoĩabecŭ, yŭre ajitirŭnugŭ ñamasibecŭmi —ĩnare yigotiyuju Jesús.

²⁸ To yigajanocōari, gotimasiore queti ĩnare gotiyuju ĩ:

—Ŭmŭarivi quĕnorŭ, “Ti vire yŭ quĕnojama, ¿vaja tĩjacoarŭaboati?” yigŭ, ĩ ye gãjoare cōĩagŭmi. ²⁹ ĩ cōĩabetijama, ti vire ĩ quĕnogajanobetone, ĩ vaja yiñaboase gãjoa jediveocoatoja ti, ĩre. To bajiri ĩ vire quĕnogajanobecŭmi. Gãjerã, ĩ quĕnogajanobeto ĩacōari, ĩre ajarãma ĩna. ³⁰ “Adi vire quĕnoboarine, gajanomasibeami ĩ”, ĩre yiajarãma ĩna —ĩnare yigotiyuju Jesús.

³¹ To yigajano, gaje queti ĩnare gotirŭtuasuju:

—Ŭjŭ, gãji ŭjŭ rãca ĩna gãmerã quĕajama, ado bajiro tŭoĩagŭmi: “¿Yŭa diez mil ñarirãcŭ yŭre moabosarimasa rãca, veinte mil masa cŭogŭre quĕarĕtocŭrãjari yŭa?”, ¿yitŭoĩasuobecŭjarique? ³² “Ĩnare quĕarĕtomasimenaja yŭa” ĩ yitŭoĩajama, “¿No bajiro yŭa yirotire bojati mŭ, ‘Yŭa rãca gãmerã quĕabeticōato’ yirã?”, ĩ ŭmŭare yisĕniĩa roticōagŭmi, gãji ŭjŭ tŭjŭre. ³³ To bajiri, vi buagŭre, to yicōari, gãmerã sĩaroana ŭjŭre bajiro bajiaja yŭ. Jĕre yŭ yirotire cōĩajeocajŭ yŭ. To yicōari, “To bajiro ĩna yijama, yŭ buerã ñaruarãma”, yimasiaja yŭ. To bajiro yigŭ yŭ ñajare, ado bajisere tŭoĩamasiña mŭa: No bojagŭ, jediro ĩ cŭosere yŭ bojarore bajiro yŭ yirotisere bojabecŭ, yŭre ajitirŭnugŭ ñamasibecŭmi —ĩnare yigotiyuju Jesús.

“Yŭre ajitirŭnrã, moa ocasere bajiro ĩna bajijama, quĕnaja”, Jesús ĩ yire queti

(Mt 5.13; Mr 9.50)

³⁴ Quĕna ado bajiro gotiyuju Jesús:

—Moa ñaja bare sãre. Mũa barotire vaibucu rii catisere cūrãma, moa turãja mũa, “Boarobe” yirã. ³⁵ Moa ti ocaboase ti ocabeticoajama, “Quẽna tudiocato” yirã, no bajiro yimasimenaja mũa. To bajiri, tire reacõarãja mũa. Moa ocatujabetire bajiro mũa bajijama, quẽnaja. Tire mũa ajimasirũajama, quẽnaro tũoĩaña mũa —ĩnare yigotiyuju Jesús.¶

15

Oveja coderimasũre bajiro manire Dios ĩ maitujabeti queti

(Mt 18.10-14)

¹ Jesũre ajirã ĩ tũju ejarũgũñujarã. ĩna ñañujarã rojose yirã, ujure gãjoa sẽnibosarimasa, to yicõari, gãjerã quẽne.

² To bajiri fariseo masa, Dios ĩ rotimasire gotimasiorimasa quẽne ñañujarã. Ado bajiro Jesũre gãjañujarã ĩna:

—Rojose yirãre maiami. ĩna rãca barũgũami —ĩre yigõjacodeyujarã ĩna.

³ To bajiro ĩna yijare, gotimasiore queti ado bajiro ĩnare gotimasioñuju Jesús:

⁴ —Sĩgũ ñagũmi cien ovejare codegu. Cojorũmu sĩgũ oveja yayicoacumi. To bajiri ĩnare coderimasũ, rũyarãre, noventa y nueve ñarãre ta veseju ĩnare cũcõari, yayir'ire macagũ vacoacumi ĩ, “Bũjacõariju tũjarucũja” yigũ. ⁵ Yayir'ire bũjacõari, bũto variquẽnagũne, ĩre gaja tudicoacumi, ĩ ya vijũ. ⁶ ĩ ya vi ejacõari, ĩ babarãre, ĩ tũanare quẽne, rẽjarotigumi. “Oveja yayir'ire bũjabũ yũ. Mũa quẽne yũre variquẽna ejarẽmoña”, ĩnare yivariquẽnagũmi. ⁷ Tire bajiro bajiroja õ vecaju Dios ĩ ñaroju. Oveja

¶ 14:35 Adi quetire Jesús ĩ yijama, ado bajiro yigũ yiyuju, yiyujarã Dios oca buerẽtoburimasa: ĩre ajitirũnumenama, moa ocabetire bajiro ñarã yirãja mũa. To bajiri mũa sũyarũajama, yũ sĩgũrene mũa ajitirũnũ sũyajama, quẽnaja.

yayir'ire bujacōari, ĩ variquēnariarore bajiro variquēnarāma ángel mesa, Diore moabosarā, sīgũ masu, rojose ĩ yisere yitujacōari, Dios ĩ bojasejuare ĩ yijama. Socarāne gājerāma, “Quēnarā ñaja yua” yituoīarārema variquēnamenama ángel mesa —ñare yigotimasioñuju Jesús.

Gājoatiire yiyayiocōari, titiire bujagone, so variquēnariarore bajiro manire Dios ĩ maitujabeti queti

⁸ To yicōari, gaje queti gotirēmoñuju Jesús quēna:

—Rōmio, juaāmocārācatiiri, gājoatiiri cūgo ñagōmo. Cojotii ti yayiro ĩacōari, sīabusuoriare so ya vire sīabusuogomo so. To yicōari, quēnaro tumacagōmo, “Titiire bujacōariju tujarucōja” yigo. ⁹ Titiire bujacōari, buto variquēnagōne, so babarāre, so tuanare quēne rējarotigomo. “Gājoatiire yayiritiire bujabu yu. Mua quēne yure variquēnaejarēmoña”, ĩnare yivariquēnagōmo. ¹⁰ Tire bajiro bajiroja ō vecaju Dios ĩ ñaroju. Gājoatiire bujacōari, so variquēnariarore bajiro variquēnarāma ángel mesa, Diore moabosarā, sīgũ masu, rojose ĩ yisere yitujacōari, Dios ĩ bojasejuare ĩ yijama —ñare yigotimasiñuju Jesús.

Ī macu ĩ tudiejaro ĩacōari, rojose yiboar'irene ĩ jacu ĩ masirioreaye Jesús ĩ gotimasiore queti

¹¹ To yicōari, gaje queti gotirēmoñuju Jesús quēna:

—Sīgũ masu juarā rīa cutigu ñagũmi. ¹² Ī bedijua, ĩ jacure ado bajise ĩre yigumi: “Cacu, yu ye ñarotire yure ĩsiña mu”, ĩre yigumi. To bajiro ĩ yijare, ĩnare ujojeocōagumi ĩ jacu, ĩna ye ñarotire. ¹³ To ĩ yiro beroagarūmurine, ĩ macu, ĩ bedijua gaje sitaju varu ĩ yere ĩsigumi ĩ. Ti gājoa rācane vacoacumi, gaje sitaju vacu. Toju ejacōari, rujajine ĩ gājoare yibatereajeocōagumi. ¹⁴ To bajiro yireacōari bero, josari tāmucogumi, tojure. To ĩ bajinārone, ti sitaju bare quēnaro manoja. To ti

bajijare, buto ñiorijasuoꝑumi. ¹⁵ To bajiro bajiboacu, toagure moare sēnigūmi ī. To bajiri ecariarã yeseare ĩre coderotigūmi ī. ¹⁶ ĩnare codeñagūjũ, yesea ĩna basene barũaboagūmi, mano ñiorijagu ñari, ñimũjũane ĩre ĩna bare ecabecu ñari. ¹⁷ To bajiñaboacu, tuoĩagūmi ĩ: “Yũ jacũ moabosarimasarema jãjarã ĩna ñaboajaquēne, ĩna base ruãaquēnacũda ti. No yigũ yũma adojuere ñiorija ñati yũ”, yituoĩagūmi. ¹⁸ To yĩ, “Baũ. Cacũ ya vijũ tudiarocu ñagūja yũ. Tojuere tudiejacõari, ado bajise Cacũre ĩre yĩrucũja yũ: ‘Cacũ, rojose yicajũ yũ, Diore, mũre quēne. ¹⁹ To bajiri macũ yũre mũ yise bojabeaja yũ. Mũre moabosarimasũre bajirojũa yũre yiyã mũ’ yũ jacũre ĩre yicõa ejarucũja yũ”, yituoĩagūmi. ²⁰ To yĩ, ĩ jacũ ĩ ñarojũa tudicoacũmi, maane.

To bajiro ĩ bajivato, sõjũne ĩ jacũ bocaĩacõari, ĩre ĩamaigūmi. To bajiri ĩre vabocacõari, jabario, usu, ĩre yigūmi, ĩ jacũ. ²¹ To bajiro ĩ yirone, “Cacũ, Diore rojose ĩre yicajũ. Mũre quēne rojose mũre yicajũ yũ. To bajiri macũ yũre mũ yise bojabeaja yũ”, ĩre yigūmi. ²² To bajiro ĩ yiboajaquēne, ĩre moabosarimasare jicõari, “Sudi quēnase masure juaáya. To yicõari, ĩre sudi sãña. Āmo sãriabedore quēne ĩre sãña. Gũbo sudire quēne ĩre sãña. ²³⁻²⁴ To yicõari, ta vecũ mame jaigũre ĩre sãña mũa. ĩre bacõari, basavariquēnato mani. Yũ macũre, ‘Rijacoarimi’ ĩre yirũgũboabũ yũ. Caticõañumi”, ĩnare yigūmi ĩ jacũ. To yicõari, ĩre basajeorãma ĩna.

²⁵ To bajiro ĩna yiñarijũre ĩ macũ ñasuoꝑujũama, vesejũne bocañacõagūmi. To bajiñaboacu, tudiacũmi yuja. Tudiacũ, ĩ ajicõñarũtu vajama, to basa ocaruyu ñarãma ĩna. ²⁶⁻²⁷ Tire ajicõari, ĩ jacũre moabosarimasũre ĩre sēniĩagūmi, “¿Ñiere yirã yiri ĩna?” yigũ. To bajiro ĩ yirone, “Mũ bedi tudiejami. To bajiri ta vecũ mame jaigũre sãrotimi mũ jacũ, mũ bedi ĩ tudiejajare”, ĩre yigūmi ĩ.

²⁸ To bajiri tire ajicōari, bato jūnisinigūmi, ĩ gagu, vire sājaruabecu. To bajiri ĩ jacu tire, “ĭTo bajibeticōaña mu!” yigu, budiacumi. ²⁹ To bajiro ĩ bajirone, ado bajise ĩ jacure ĩre yigumi: “Tocārāca cūma mu ye moarere mure moabosarūgūboacaju yu. To bajiboarine, divatojuane no sīgū vaibucucaca cabrito vāme cutiguacare, ‘ĭ babarā rāca basavariquēna bato ĩna’ yigu, yure ĩsibeticaju mu. ³⁰ To bajiboarine, mu macu rojorā rōmiri rāca mu ye gājoare yireagu var’ijūarema, ta vecu mame jaigure sīacōari, basavariquēnaja mu”, ĩre yigumi, ĩ jacure.

³¹ To bajiro ĩ yijare, ado bajiro ĩre cudigumi ĩ jacu: “Ado yu rācane ñacōarūgūaja mu. To bajiri yu cūose jediro mu ye ñaja ti. ³² Yucurema basavariquēnato mani, mu bedi, ‘Rijacoarimi’ yu yirūgūboagu, gāme tudiejami. ĩre bujacōaja mani yuja”, ĩre yigumi ĩ jacu —ĩnare yigotimasioñuju Jesús.

16

Ujare moabosarāre ĩre rotibosarimasu socune quēnaro yitocōari, rojose ĩ yirere Jesús ĩ gotimasiore queti

¹ Ado bajise ĩ buerimasare gotiyuju Jesús quēna:

—Sīgū gajeyeūni jaigu ĩ yere codebosagure ĩre cuogumi. Gājerājua, “Mu yere yibatereagu yami”, ĩre yigotirāma.

² To bajiro ĩna yisere ajicōari, ĩ yere codebosagure ĩre jicōari, ado bajiro ĩre yigumi: “Gājerā, mu yibatereasere gotiama. To bajiri mu yisere cōari, ucatucōaña mu. Yu yere codebosabetirucuja mu yuja”, ĩre yigotigumi ĩ uju. ³ To bajiro ĩ yijare, ado bajiro tuoārejaigumi ĩre codebosarimasu: “ĭNo bajiro bajiguti yu? Yu uju yure bucōarucumi yuja. No gajeye moare bujabecuja yu yuja. Ote oteroti ñarore coatimabecuja yu. Bojoneose, gājerāre gājoa sēnibecuja yu”, yituoārejaigumi ĩ. ⁴ To bajiro yituoārejaiboacu, “ĭJere yu yiro tire masiaja yu yuja, ‘yu

ujɔ yure ĩ buro bero, gājerã ĩna ya virijɔ yɔ ejaro yure ĩamaiato ĩna' yigũ", yigũmi. ⁵To bajiri ĩ ɔjɔre vaja morãre ĩnare jijeocōagũmi. To bajiro yitɔoĩar'i ñari, sīgũ ĩ ejaro, ado bajiro ĩre yigũmi: "¿No cōro yɔ ɔjɔre vaja moati mɔ?"", ĩre yisēniĩagũmi. ⁶To bajiro ĩ yisēniĩarone, "Cien ñarirajeri ɔyerajeri bare roagu sãvɔorerere tire vaja moaja yɔ", ĩre yigũmi. To bajiro ĩ yirone, "Jau. Rujia. 'Adi mɔ vaja more tuyarijũrore mojoroaca cincuenta ñaro vaja moaja' yuucatu vasoatoya", ĩre yigũmi. ⁷To bajiro ĩre yigajanocōari, gāji ĩ ejaro, ĩre sēniĩagũmi: "¿No cōro vaja moati mɔma?", ĩre yigũmi. "Cien jiburi pan quēnorotire vaja moaja yɔ", ĩre yigũmi. To bajiro ĩ yirone, "Adi mɔ vaja more ñarijũrore mojoroaca ochenta jiburi vaja moaja yuucatu vasoatoya", ĩre yigũmi. To yicōari, gājerãre quēne to bajiro rĩne yigũmi. ⁸To bajiro ĩ yiro ajicōari, "Quēnaro yigũ me ñaboarine, tɔoĩamasigũ ñaami", yitɔoĩagũmi ĩ ɔjɔ, ĩre —ĩnare yigotiyuju Jesús, ĩ buerimasare.

—To bajiro tɔoĩaama ĩna, jājarã masa, Diore ajiterã. Gajeyeũnire bɔto tɔoĩarã, masare yitocōari, vaja bujamasiama ĩna. Yure ajitirũnrãjuama, "Quēnabusaro Dios ĩ bojarore bajiro ajitirũnɔato ĩna" yirã, quēnaro mɔa yirotire tɔoĩabetibusacōaja mɔa.

⁹To bajiri ado bajiro mɔare gotiaja yɔ: Rijanane mɔa yere, mɔa gajeyeũnire juavamasibetiruarãja. To bajiri mɔa ɔosere maioro bajirãre ĩsiña mɔa. To bajiro mɔa yijama, mɔa rijato bero, ĩnare quēnaro yiriarã mɔa ñajare, Dios ĩ ñarɔju quēnaro mɔare ĩavariquēnaruarãma ĩna.

¹⁰Gajeyere quēne mɔare gotiaja yɔ. Gajeyeũni, gājoa codebosarimasɔ mojoroaca ñasere quēnaro codegũma, jairo ñasere quēne quēnaro codemasiami. Gājima, gajeyeũni, gājoa codebosarimasɔ ñagũ mojoroaca ñasere codemasibecũma, jairo ñasere quēne codemasibecũmi.

¹¹Adi macarɔɔrojɔre Dios mɔare ĩ ĩsise "Dios ĩ

cōase ñaja” yituoĩacōari, mña gãjoare, gajeyeũnire, mña c̄osere quẽnaro mña c̄omasijama, Dios, b̄uto variquẽnacōari, ĩ t̄ayere quẽnamasusere m̄are ẽjor̄uc̄umi, t̄uoĩamasireayere, moamasireayere, to yicōari mña ñarotiayere quẽne. ¹² Adĩ macar̄uc̄roayere ĩ cōasere mña c̄omasibetijama, quẽnamasuse mña c̄oborotire ẽjobetir̄uc̄umi Dios.

¹³ Diore yir̄uc̄b̄orãma, adi macar̄uc̄roayere t̄uoĩar̄uc̄b̄omenama, “Dioj̄na ñaami ñamasugũ” yituoĩarã ñari —ĩnare yigotiyuju Jesús.

Gajeyeũnire, gãjoare b̄uto bojarãre Jesús ĩ gotire queti

¹⁴ To bajiro ĩ yisere ajicōari, ñagõj̄ur̄nañujarã fariseo masa, gajeyeũnire, to yicōari, gãjoare quẽne, tire b̄uto bojarã ñari. ¹⁵ To ĩna yijare, ado bajiro ĩnare gotiyuju Jesús:

—Quẽnase mña yijama, “‘Quẽnarã ñaama’ manire yĩato masa” yirã, yitorũgũaja mña. To bajiro mña yi-boajaquẽne, mña t̄uoĩasere ĩamasigũ ñaami Dios. To bajiri, “Quẽnamasucōaja” masaj̄uma ĩna yĩaboasere, Dioj̄uma, “Quẽnabetimasucōaja” yĩaami —fariseo masare ĩnare yiyuju Jesús.

“Ȳũ ẽj̄ũ ñaami Dios’ mña yijama, ĩ rotisere c̄diroti ñaja”, Jesús ĩ yire queti

¹⁶ Quẽna ado bajiro ĩnare gotimasioñuju Jesús:

—Rẽmoj̄ure Dios yere Moisés ĩ rotimasirere, Diore gotirẽtobosamasiriarã masare ĩna gotimasiorema, Juan vãme c̄utiḡũ, masare oco rãca bautizarimas̄ũ ĩ gotimasio-riaj̄une t̄usaja. “Ȳj̄ũ Dios yarã quẽnaro ĩ yirã mña ñar̄ua-jama, rojose mña yisere yit̄ujacōari, Jesúre ajitir̄ũñã” yisej̄ua ñaja ñamasusema. Tire ajirã ñari, quẽnaro ȳre ajivariquẽnas̄yas̄uoadicama jãjarã masa.

¹⁷ Adirũmuriaye ñamasuse ti ñaboajaquẽne, Moisére Dios ĩ roticũmasire, to yicõari, Diore gotirẽtobosarimasa ĩna gotimasiomasire ñajediro ñacõarũgũrũaroja. Adi macarũcũro jediroto rĩjoro, cojo vãme godocutibetirũaroja. Ñajediro Dios ĩ gotiriarore bajirone bajirũaroja —ĩnare yigotimasioñuju Jesús.

“Ĩ manajore rocacõari, gajeore ĩ manajo cutijama, quẽnabeaja”, Jesús ĩ yire queti

(Mt 19.1-12; Mr 10.1-12)

¹⁸ Quẽna ado bajiro ĩnare gotimasioñuju Jesús:

—Sĩgũ ĩ manajore rocacõari, gajeore ĩ manajo cutijama, ĩ manajo masu me ñaamo. Sore ajerio cutigũ yami, Dios ĩ ĩajama. To yicõari, manajũ rocaro rãca ĩ manajo cutijaquẽne, ĩ manajo masu me ñaamo. Sore ajerio cutigũ yami, Dios ĩ ĩajama —ĩnare yigotimasiñuju Jesús.

Sĩgũ gajeyeũni jaigũ, to yicõari, Lázaro vãme cutigũ rãca ĩna bajirere Jesús ĩ gotire queti

¹⁹ To bajiro yigajanocõari, quẽna ado bajiro ĩnare gotiyuju Jesús:

—Sĩgũ ñagũmi jairo gajeyeũni cũogu. Quẽnase sudi, vaja jacase rĩne sãñarũgũgũmi. Tocãrãcarũmũrine bare quẽnase rĩne ba, boserũmũ quẽno, variquẽnarũgũgũmi.

²⁰ ĩ ya vi soje tuaca ñie cũobecũ, maioro masu bajigũ rujigũmi, Lázaro vãme cutigũ. ĩ rujari cãmi boagu ñagũmi ĩ. ²¹ ĩ bareasere barũa rujigũmi. To ĩ bajirujirone, ĩ cãmire ĩre verogõjanabiorãma yaia. ²²⁻²³ Cojorũmũ rijacoacũmi Lázaro. ĩ rijato bero, õ vecajũ ĩ ñicũ Abraham tũjũ ĩ usure ãmicõanama ángel mesa. Bero, gajeyeũni jaigũ quẽne bajirocacoacũmi. Bajirocacõari, yuje ecogũmi. To bajicõari, rojose tãmũotũjabetiriaroju cõaecogũmi. Toju

ñacõari, ñamuoḡũne, Abraham, Lázaro rãca ñna ñaro ñabu-jagumi, õ vecaju ñarãre. ²⁴⁻²⁵ Ñnare ñabujacõari, Abrahamre ado bajise avasãiamuoḡũmi: “Ñicu, yure ñamaiña. Adi jeamere buto rojose tãmuoaja yu. Lázarore, yu tujũ ñre cõaña. Mojoroaca oco juaádiato”, ñre yivasãḡũmi. To ñ yirone, ado bajiro ñre cudigumi Abraham: “Tuoñaña jãnami. Mu ya macaju ñagũ quẽnasere cuocaju mu. Variquẽnacaju mu. Lázarojuama toju ñagũ buto rojose tãmuocami. Yucurema, quẽnaro variquẽnaro ñagũ bajiami yuja. Mujuama buto rojose tãmuoḡũ bajiaja mu yuja. ²⁶ Gajeyerema jairigoje ñamatacõaja. To bajiri mu tujure ejamasibeaja yua. Muajua quẽne yua tujure ejamasibeaja mua”, ñre yicudigumi Abraham.

²⁷ To bajiro ñ yijare, gajeyeũni jaigu ñaboar'i ado bajiro ñre yigumi: “Lázarore yu jacu ya vijũ ñre cõaña' yigu yaja. ²⁸ Yu bederã cojomocãrãcu ñarãre, Lázarore ñre gotiroticõaña. Ñna quẽne, adoju rojose yu tãmuorore bajiro bajiro ma' yigu yaja”, Abrahamre yigotiboagumi. ²⁹ To ñ yirone, “Moisés, to yicõari, Diore gotirëtobosamasiriarã quẽne ñna ucarere jẽre tire cuorãma ñna, mu yarã. Tire bueato ñna”, ñre yicudigumi Abraham. ³⁰ To ñ yirone, “Bajibeaja. Buemenama. ‘Rijar'ine tudicaticõari, gotiami manire' yirã, ñre ajirũcũbuocõari, tuoñavasoaruarãma ñna”, ñre yiaboagumi, jeameju rojose tãmuoñagũ. ³¹ To ñ yirone, ado bajiro ñre cudigumi Abraham quẽna: “Moisés, to yicõari, Diore gotirëtobosamasiriarã, ñna ucamasirere mu bederã ñna ajitirũnubetijama, rijar'i, ñnare ñ gotiboajaquẽne, ñre ajimenama”, yigumi Abraham —ñnare yigotiyuju Jesús, fariseo masare.

17

“Mna suorine gãjerã rojose ñna yijama, güiose ñaja”,

Jesús ĩ yigotimasiore queti

(Mt 18.6-7, 21-22; Mr 9.42)

¹ ĩ buerimasare ado bajiro gotimasioñuju Jesús:

—Rojose yirã jãjarã ñarãma. To bajiri gãjerãre rojose ùmato yiruãrãma. To ñna yise suori buto rojose tãmũoruarãma. ² Rojose ñnare ñna ùmato yiroto rĩjoro, tocãrãcurene ñna ãmũarijũre gãta jairica siatucõari, riaga ãcũaroju ñnare rearoderuucõajama, rojose tãmũobetibũs-aborãma.

³ To bajiri, “Rojose mani ùmato yijama, rojose tãmũoborãja” yirã, quẽnaro tuoĩamasirine ñarũgũña mũa. Sĩgũ rojose mũare ĩ yijama, “Rojose yũre yibũ mũ”, ĩre yiya. To bajiro mũ yisere ajicõari, “Riojo yaja mũ” ĩ yisutiritijama, rojose mũare ĩ yisere ĩre masirioya mũa. ⁴ Tocãrãcãjine rojose mũare ñna yijama, ñnare masirioya, rojose mũare ñna yiro cõrone, “Jũaji rojose mũare yibetirũcũja” yirãre —ñnare yiyuju Jesús.

“Dios ĩ rotimasirore bajirone yiruaja yua” yirã, Jesús buerã ñna sẽniboare queti

⁵ To bajiro ĩ yisere ajicõari,

—“Tocãrãcãjine masiriotĩmamenaja” yituoĩarã ñari, yua masiriotĩmarotire Dios ĩ ejarẽmosere bojaja —yiyujarã ñna.

⁶ To bajiro ĩre ñna yirone, ado bajiro ñnare gotiyuju Jesús:

—Mojoroaca yimasirã ñaboarine, “Dios ĩ ejarẽmose rãca yimasicõarãja” yirã, icũ morera vãme cutiũre, “Mũa masune vũevati, rũgõaya” mũa yirotijama, to bajirone bajiruaroja ti —ñnare yigotiyuju Jesús.

“Hũre moabosarimasũ, ado bajiro bajire ñaroja”, Jesús ĩ yire

⁷ To yigajanocõari, ado bajiro ñnare gotirũtuasuju ĩ quẽna:

—To bajiri, ñaĩñañamani mũa yijama, ado bajirojũa tũoĩama mũa: Moabosarimasũ cũorã ñre mũa rotisere tũoĩaña: Ovejare mũare codebosaguar'ire, ñ tudiejaro, “Mũjũa basũoya”, ñre yimenaja mũa. ⁸ Ado bajirojũa ñre yirãja mũa: “Yũa barotire roabosaya. Roagajanocõari, yũare ecaba. Yũa bagajanoero bero, mũjũa barũcũja mũ”, ñre yirãja mũa. ⁹ Mũa moarotisere ñ moaro ñacõari, “Quẽnaja ti”, ñre yimenaja mũa, “Yũare moabosarimasũ ñaami” ñre yitũoĩarã ñari. ¹⁰ To bajiro ñre mũa yitũoĩarore bajirone tũoĩagũmi ñ quẽne. To bajiri, “‘Quẽnaro yaja mũa’ manire yato Dios” yitũoĩacõari, “Ñamasurã ñaja” yirãre bajiro yisocabesa. “No bojagũre moabosarimasũ, ñ moarotiecorore bajiro bajigũ ñaja”, yitũoĩarũgũña —ñnare yigotiyuju Jesús.

Gase boarãre Jesús ñ catiore queti

¹¹ To bajiri Galilea sita, Samaria sita rãca vatojere varũtuasuju ñ, Jesús, Jerusalén macajũ vacũ. ¹² Varũtu vacũne, gaje maca ejayuju. Ti macajũre ñ ejaro, jũãmocãrãcũ rujũri gase boarã ñre bocayujarã ñna. Ñ tuaca ejamenane, sõjũ ñarine ado bajiro ñre yivasãñujarã ñna:

¹³ —Jesús yũa mũjũ, yũare ñamaiña mũ —ñre yiyujarã.

¹⁴ To bajiro ñna yivasãrone, ñnare ñacõari, ado bajiro ñnare yiyuju Jesús:

—Paiare mũa rujũrĩre ñoaya. To mũa yijama, cati-coarũarãja mũa —ñnare yiyuju ñ.

To bajiro ñ yijare, vacoasujarã ñna. Maa ñna vato rĩne ñna cãmi boaboare yaticoasuju ti yuja. ¹⁵ To bajiro sigũ rujũ gase boagũ ñar'i, ti yatiro ñacõari, jũdarũgũ, Jesús tũjũ tudicoasuju quẽna. Tudiacũne, variquẽnagũ ñari, “Quẽnaro yũre yami Dios”, yivasã varũtuasuju ñ. ¹⁶ Jesús tũjũre tudiejacõari, muqueayuju ñ. To bajicõari, ado bajiro Jesũre gotiyuju:

—Yũ gase boaboase mũ suorine ti yatijare, bũto quẽnaja —Jesũre ĩre yigotiyuju. ĩ ñaũuju samaritano masũ. ¹⁷⁻¹⁸ To bajiro ĩ yisere ajicõari, ado bajiro yiyuju Jesũs:

—Juaãmocãrãcũre gase boariarãre yũ catioboajaquẽne, ãni samaritano masũ, ĩ sũgũne tudiadiami, “Quẽnaro yũre yami Dios” yigũ vagũ —ĩ rãcanare ĩnare yigotiyuju Jesũs.

¹⁹ To bajiro yigajanocõari, ĩ cator'ire ado bajiro ĩre yiyuju:

—Vũmũrũgũña. Vasa. “Yũre ĩamaicõari, catorũcũmi Jesũs” mũ yitũoĩajare, mũre catiobũ yũ —ĩre yigotiyuju Jesũs.

“Dios ĩ roticõagũ, ¿no cõro ejagũti ĩ?”, Jesũre ĩna yisẽniĩare

(Mt 24.23-28, 36-41)

²⁰⁻²¹ Cojorũmũ ado bajiro Jesũre sẽniĩañujarã fariseo masa:

—¿No cõro ejacõari, rotisũogũti Dios ĩ cõarocũ? —ĩre yisẽniĩañujarã ĩna.

To bajiro ĩre ĩna yisẽniĩarone ado bajiro ĩnare cũdiyuju Jesũs:

—Mũa yutũoĩarore bajiro bajibeaja ti. Ruyurone, “Adine ñaja. Ise ñaja” yimasiñamanire bajiro bajise ñaja, Dios ĩ roticõagũ ĩ ejasema. Jẽre mũa vatoane ñaboaja ti —ĩnare yiyuju Jesũs.

Jesũs adi macarũcũro ĩ tudiejaroti queti

²² To bajiro yicũdigajanocõari, ĩ buerãre ado bajiro ĩnare gotiyuju Jesũs:

—Yoaro yũ rãca ñarũaboarãja mũa. To bajiro mũa bajiboajaquẽne, mũa rãca ñacõa ñabetirũcũja yũ. ²³ To bajiri yũ tudivadiroto rĩjorore, “ĩne ñaami. Tudiejami. Tone ñami”, mũare yisocarũarãma. To bajiro ĩna yijama, ĩnare ajibetirũarãja mũa. ²⁴ Ĩmũagasero jedirojũ bũjo ĩ yabesere masa ĩna ĩarore bajiro yũ vadore yũre ĩare

ñaruaroja. ²⁵ To bajiro yu bajiroti rñjorore, adirodoana jairo rojose yure ñna yisere rojose tãmuoroti ñaja ti. “Dios ñ cõagũ me ñaami” yica yirã, yure sñarotiruarãma masa. ²⁶ Yure ñna sñaro bero, tudicaticõari, quẽna vadirucuja yu, adi macarucurojore. Noé ñamasir'i ñ ñariarodo masa ñna bajiñamasiriarore bajiro bajiñaruarãma, Dios ñ roticõacacũ, yu tudiejarirũmure quẽne. ²⁷ Adi macarucuro ti rujaroto rñjoro bare ba, idi, manajo cuti, yicõa ñamasiñujarã ñna. Diore tũoĩari mene, “¿To bajiroado yatique?” yimenane, jairica cũmua quẽnogajanocõari, Noé ñ vasãjaro ùnone to bajiro yicõa ñamasiñujarã ñna. “To bajiroado yiroja” ñna yimasibetone, ñnare ruureacõañuju Dios. To bajirone bajiruarãma masa, yu tudiejarirũmure quẽne. ²⁸ To bajirone bajiñamasiñujarã masa, Lot ñamasir'i ñ ñariarodoana quẽne. Sodoma macana bare barã, idirã, gajeyeũni gãmerã ñsirã, gãjerã vaja yicõari cuorã, gãjerãma, oterã, viri buarã, yicõa ñamasiñujarã ñna, Diore tũoĩamenane. ²⁹ Sodomajure ñaboar'i Lot ñ rudiro bero, õ vecaye jea ùjuse azufre vãme cutise rãca Dios ñ soereamasiriarore bajiro bajirone bajiruaroja ti. ³⁰ To bajirone bajiñaruarãma masa, Dios ñ roticõacacũ yu tudiejarirũmure quẽne.

³¹ To bajiri, quẽnaro ñaña mũa, rojosere yimenane. Yu gotisere quẽnaro tũoĩamujarũgũña, “No bojarijaune vagumi” yitũoĩarã ñari. No yimasĩña maniruaroja. Sígũ ñ ya vi joeju jesagũma, rujiacõari, ñ ya vi jubeaju gajeyeũni ñasere juaátimabetirucumi. Gãji, veseju moañagũ, ñ ye sudire juagu tudiatimabetirucumi, rujarĩmarone yu ejaroti ti ñajare. ³² Lot manajo so bajimasirere tũoĩaña mũa. Gajeyeũnire ùmaveovaco ñari, tire maigõ, ñatũoca yigone, moatutune godovedirocacoasuju so.

³³ No bojarã, no ñna bojarone ñnare cutirãma adi macarucuro ñasere ñavariquẽnacõari, Diore tũoĩame-

nama, Dios ï catisere yayibetire cʉomena ñaruarāma ñna. To bajiboarine, yʉre ajitirūnarā, yʉ oca ñna gotisere ajijūnisinicōari, ñna sīarāma, Dios tʉjʉ quēnaro ñarona ñarāma.

³⁴ Gajeyerema adi macarʉcurojʉ yʉ tudivadojʉ, ñami ti ñajama jʉarā ũmʉa cāniñarāre ejacōari, sīgū āmiecorʉcʉmi. Gājima, āmiecobetirʉcʉmi. ³⁵ ũmʉa ti ñajama, rōmia jʉarā trigore vāiaabo ñaruarāma. To bajiri, sīgō āmiecorʉocomo. Gajeoma, āmiecobetirʉocomo. ³⁶ Jʉarā ũmʉa vesejʉ moañaruarāma. To ñna yīnarone, sīgū āmiecorʉcʉmi. Gājima, āmiecobetirʉcʉmi —ñnare yigotiyuju Jesús.

³⁷ To bajiro ñnare ï yigotirone,
—¿Nojʉre to bajise bajiroti ti? —ñre yisēniñañujarā ï buerimasa.

To bajiro ñre ñna yisēniñarone, ado bajiro cʉdiyuju Jesús:

—Rijar'i, ï boacūñarorema, yuca ejarāma ñna —ñnare yicʉdiyuju Jesús.^r

18

“Yʉnare ejarēmogūmi, yʉa sēnijama' yitʉoñarā ñnari, Diore sēnitʉjabetiroti ñnaja”, Jesús ï yire queti

¹ “Diore ñre sēnitʉjabeticōato ñna” yigʉ ñnare gotimasioñuju ï:

² —Cojo macare sīgū masʉ ñagūmi masa ñna yisere ñacōñarimasʉ. Diore, to yicōari, masare quēne rʉcʉbuobecʉ ñagūmi. ³ ï ya macajʉre sīgō ñagōmo manajʉ rijaveorio. Biyarocaca ado bajiro ñre sēnigō ejaboagomo: “Yʉre ejarēmoña mʉ. Rojose yʉre yami”, ñre yiboagomo. ⁴ To bajiro so yiboajaquēne, sore yibosadabecʉmi. To bajiboarine, buto ñre so sēnicōa ñajare,

^r 17:37 “Yuca ejarāma, masʉ boagʉ ï ñnarore” ï yijama, “Rojose yirāma, no bojarone ñacōarāma” yigʉ yiyuju Jesús.

ado bajiro tuoĩagũmi yuja: “Diore, to yicõari, masare quẽne rũcubuoebesũ ñaja yũ. ⁵ To bajiro bajigu ñaboarine, buto so sãnigõjanabiocõa ñajare, sore ejarẽmorucũja yũ. Sore yũ ejarẽmobetijama, yũre gõjanabiocõa ñabogomo”, yituoĩagũmi —ĩnare yigotiyuju Jesús.

⁶ Ti quetire gotigajanocõari, “Ado bajiro yirũaro yaja”, ñnare yiyuju:

—Masa ñna yisere ñacõĩarimasũ ñ yirere ajiĩsaque mũa: ⁷⁻⁸ ¿Dios, ñ ejarẽmosere bojarã ñre sãnitujamenare, ñ yarãre, yoaro ñnare ejarẽmobecũtique ñ? To bajiro yibecũmi Diojũama. Mũa sãniro cõrone tocãrãcajine mũare cudimasiami. To bajiri, ¿“Yũare ejarẽmogũmi Dios” yituoĩacõari, ñre sãnitujamenare, tudivagu, bujarucũada yũ? —yiyuju Jesús.

Fariseo masũ, gãjoa sãnirimasũ rãca Diore ñna sãnirere Jesús ñ gotimasiore queti

⁹ Quẽna gaje queti ñnare gotimasioñuju. ñre ajirã sĩgũri ado bajise yituoĩañujarã ñna: “Quẽnaro yirã ñaja yũama”, yituoĩañujarã ñna. To bajiro yicõari, “Rojorã ñnaama ñnama”, gãjerãre yĩarã ñañujarã ñna. To bajiro yirã ñna ñajare, ado bajise queti ñnare gotiyuju Jesús:

¹⁰ —Ûmũa juarã ñnarãma ñna, Diore yirũcubuoariaviju ñre sãnirã vana. Sĩgũ fariseo masũ ñagũmi. Gãji, ujuẽre gãjoa sãnibosarimasũ ñagũmi ñ. ¹¹ Fariseo masũ, Diore yirũcubuoariavijure sãjaejarũgũcõari, ado bajiro Diore ñre yigũmi, ñ tuoĩase rãca: “Dios, mũre variquẽnaja yũ, gãjerãre bajiro bajibetir'i. Gãjerãma, juarudirã ñna, yitorã ñna, gãjerã manajoare ajeriarã cutirã ñnarãma ñna. Ado ejaqu, ujuẽre gãjoa sãnibosarimasũ, ñre bajiro bajigu me ñaja yũ. To bajiri mũre variquẽnaja yũ. ¹² Tocãrãca semana juaji bare babeaja yũ, mũ rotimasirere cudigu ñnari. Yũ moase vaja juaãmocõro ñnariitiiri vaja tagũ, cojotii mũ ya vire cũbosarũgũaja yũ”, Diore ñre yigũmi.

¹³ Gājijua gājoa sēnibosarimasu ōjune tujacōari, ō vecajure ĩamobecumi, ĩ rojosere bojone, sutiritimasucōagũ ĩari, ĩ cotitēore jagune, ado bajise Diore sēnigũmi: “Dios, yure ĩamaiña mu. Rojose yu yisere yure masirioya mu”, Diore yisēnigũmi. ¹⁴ Yure quēnaro ajiya mua: Rojose ĩ yisere sutiriticōari, Diore sēnigũma, rojose ĩ yisere masirio ecocōari, ĩ ya vijũ tudiacumi. Gājijuaama, fariseo masu, ĩ ya vijũ tudiajama, “Rojogu ñaami”, Dios ĩ yĩagũ ñagũmi. To bajiro ti bajijare, ado bajiro muare gotiaja yu: “Quēnaro yirã mani ñajare, ‘Quēnarã ñaja mua’ manire yĩagũmi Dios” yituoĩarãre, “Quēnarã me ñaama. Rojorã ñaama”, yĩagũmi Dios. No bojagure, “Quēnagũ me ñaja yu” Diore yisutiritigũjare, “Quēnagũ ñaami”, ĩre yĩarucumi Dios — ĩnare yigotiyuju Jesús.

Rĩamasare Jesús ĩ ñubuejeore queti
(Mt 19.13-15; Mr 10.13-16)

¹⁵ Jesús tũju rĩamasacare juajeyujarã masa, “Ĭ ãmori ñujeocōari, Diore ĩnare sēnibosato ĩ” yirã. ĩna juajesere ĩacōari, ado bajiro ĩnare yiyujarã ĩ buerimasa:

—Juadibesa! Gōjanabioro yaja mua —ĩnare yiyujarã.

¹⁶ To bajiro ĩnare ĩna yiboajaquēne, rĩamasare jirēocōari, ado bajiro ĩ buerimasajũare yiyuju Jesús:

—Rĩamasare, “Juadibesa” ĩnare yibesa. “Quēnaro yũare yirucumi Dios” yituoĩarã ñaama rĩamasa. ĩna tuoĩarore bajiro tuoĩarã ñaama Uju Dios yarã. ¹⁷ Riojo muare gotiaja yu. Rĩamasa ĩna yiecorore bajiro yiecorã ñarãma Uju Dios yarã —ĩ buerimasare yiyuju Jesús.

Gajeyũni jaigu, Jesũre ĩ sēniĩare queti
(Mt 19.16-30; Mr 10.17-31)

¹⁸ Sĩgũ uju, ado bajiro Jesũre ĩre sēniĩañuju:

—Gotimasiorimasu, quēnagũ ñaja mu. Yu rijato beroju “Tudirijabeticōato” yigu, Dios ĩ catisere yure ĩ ĩsire yu bojajama, ¿no bajiro yiroti ñati yure? —Jesúre ĩre yiyuju.

¹⁹ To ĩ yisere ajicōari, ado bajiro ĩre cūdiyuju:

—¿No yigu, “Quēnagũ ñaja mu”, yure yati mu? Dios sīgũne ñaami quēnagũma. ²⁰ Mu rijato beroju “Tudirijabeticōato” yigu, Dios ĩ catisere mu bujaruajama, Dios ĩ rotimasirere cūdiroti ñaja. Tire masiaja mu. Dios ĩ rotimasire yu yijama, ado bajise yimasirere yaja yu: “Gāji manajo rāca ajerio cūtibesa. Síabesa. Juarudibesa. Socune, ‘Rojose yimi’ yigotirobesa. Mu jacure, mu jacore quēne quēnaro ĩnare rūcubuoja”, yigotiaja Dios ĩ rotimasire —ĩre yiyuju.

²¹ To ĩ yisere ajicōari, ado bajiro yicūdiyuju:

—Daquegũne tire cūdisuoadicaju yu —ĩre yicūdiyuju.

²² To ĩ yisere ajicōari, ado bajiro ĩre gotiyuju Jesús:

—Cojo vāme ruyaja mu yiroti, mu rijato beroju “Tudirijabeticōato” yigu, Dios ĩ catisere mu bujaruajama: Jediro mu cūosere gājerāre ĩsijeocōaña. To yicōari, ti vaja bujacōari, maioro bajirāre ĩsima. To bajiro mu yijama, ō vecaju Dios ĩ ñaroju quēnase bujarucuja mu. To bajiro yigajanocōari, yure ajisuyaya —ĩre yiyuju Jesús.

²³ To ĩ yigu buto sutiriti vacoasuju ĩ, gajeyeũni jaigu ñari, tire maigũ. ²⁴ ĩ sutiritisere ĩacōari, ado bajiro ĩ buerimasajuare gotiyuju Jesús:

—Gajeyeũni jairārema, yure ĩna suyarua tuoĭaboajama, buto josaruaroja ĩnare. To bajicōari, yirēto ecobosabetiruarāma. ²⁵ Vaibucu camello vāme cūtigu, gājojota gojeacare sājarēto budimasibecumi. To bajirone bajiaja gajeyeũni jairāre quēne, yure ĩna ajitirũnu suyarua boajama. To bajiro ĩna bajijare, yirēto ecobosabetiruarāma —ĩnare yiyuju Jesús.

²⁶ To bajiro ñnare ï yisere ajicõari, no yimasibesujarã ñna. To bajiri ado bajiro ñre sēniñañujarã:

—Riojo mũ gotijama, ¿no bajiro bajirãjũa Dios tujere ejaruarãda? —ñre yiyujarã.

²⁷ To bajiro ñna yisere ajicõari, ado bajiro ñnare cūdiyujũ Jesús:

—Ñna masune ejamasimenama masa, Dios tujere. Dio-juama, ñajediro yimasijeocõami. Ñiejũa josase maja ñrema. Ñ suorine ï tujũ ejamasire ñaja —ñnare yiyujũ Jesús.

²⁸ To ï yisere ajicõari, ado bajiro ñre yiyujũ Pedro:

—Yũ ujũ, jediro yũa gajeyeñnure cūcõari, mũre suyacajũ yũa —ñre yiyujũ.

²⁹⁻³⁰ To ï yisere ajicõari, ado bajiro ñre cūdiyujũ Jesús:

—Riojo mũare gotiaja yũ. No bojarã yũre ajitirũnũrã ñnari, yũ ye gotiroana, ñna ya vi, ñna yarã, ñna manajoa, ñna jacũa, ñna rĩa, to yicõari ñna ya veserire quēne ñna vaveo-jama, ñna cũoboare rētoabusaro quēnase bũjaruarãma ñna, adi macarũcũrore. To yicõari, ñna rijato berojũma “Tudiri-jabeticõato” yigũ, ï catisere ñnare ñsirũcũmi Dios —ñnare yicūdiyujũ Jesús.

“Yũre sũaruarãma”, Jesús ï yigotitusare queti

(Mt 20.17-19; Mr 10.32-34)

³¹ Jerusalénjũ ñnare ñmato varũtu vacũne, juaãmo cõro, gũbo jũa jēnituarirãcũ ñnarãre ñnare gotirũ, ricati ñnare jicãmotoyujũ Jesús. To bajiro yicõari, ado bajiro ñnare yiyujũ:

—Quēnaro ajiya mũa. Jerusalénjũ vana bajiaja mani. Dios ï roticõacacũ, yũ bajiro tire jairo ucayuma tirũmũana Diore gotirēto bosamasiriarã. Ñajediro ñna ucarere bajirone bajijeocõarũaroja yũre. ³²⁻³³ Romano masare yũre ñsiruarãma. To ñna yijare, yũre ajatud'irã, gooco yũre eoreatucõari, bajaruarãma ñna. To yicõari, yucũtēroju

yure jajurocacōararāma. Yure jajurocacōari, yujeboararāma. To ĩna yiboajaquēne, yure ĩna sĭarirŭmŭ bero, idiarŭmŭ tusatirŭmŭne tudicaticoarucŭja yŭ quēna —ĭnare yiboayuju Jesŭs.

³⁴ To bajiro ĭnare ĩ yisere ajimasibesujarā ĩna, ĩna ajimasirotire Dios ĩ cōabetijare.

Caje ĩabecŭre Jesŭs ĩ ĩarotire queti

(Mt 20.29-34; Mr 10.46-52)

³⁵ Jericó vāme cŭti macaju ĩ cōñatone, caje ĩabecŭ rujiyuju, maa tŭ. Maioro bajigu ĩ barotire, to yicōari, gajeyeŭniaca ĩ cŭrotire tuoĭagŭ, gājoa sēnigŭ bajiyuju.

³⁶ Masa jājarā ĩna rētosere ajicōari,

—¿No bajiro bajiatu ti? —ĭnare yisēniĭañuju ĩ.

³⁷ To bajiro ĭnare ĩ yisēniĭarone,

—Jesŭs Nazaret macagu, rētoacu yami —ĭre yiyujarā ĩna.

³⁸ To bajiro ĩna yisere ajicōari, ado bajiro Jesŭre jivasāñuju ĩ:

—Jesŭs, yŭa ŭju, ŭju David ñamasir'i jānami, “Rotimŭorŭgōrŭcŭmi” yigu, Dios ĩ cōar'i ñaja mŭ. Yure ĩamaiña mŭ —yivasāñuju ĩ.

³⁹ To bajiro ĩ yivasārone,

—¿Avasābesa! —ĭre yiyujarā ĩna, Jesŭre ĩre rĭjoro cŭti vana.

To bajiro ĩna yiboajaquēne, butobusa avasāñuju quēna:

—ŭju David ñamasir'i jānami, “Rotimŭorŭgōrŭcŭmi” yigu, Dios ĩ cōar'i ñaja mŭ. Yure ĩamaiña —Jesŭre ĩre yivasāñuju.

⁴⁰⁻⁴¹ To ĩ yisere ajicōari, tujarŭgŭñuju Jesŭs. To bajicōari,

—ĭre jiya mŭa —masare ĭnare yiyuju. To bajiro ĩ yijare, Jesŭs tŭju ĩre jiejoyujarā ĩna. To ĩna jieoro ĩacōari, —¿No

bajiro mure yu yisere bojati mu? —ire yiyuju Jesús, caje íabecure.

To í yijare, ado bajiro íre yicúdiyuju:

—Yu ujñ, tudíarñaja yu —íre yiyuju.

⁴² To bajiro í yisere ajicōari, ado bajiro yiyuju Jesús:

—“Yure íamaicōari, íarotirucumi” yure yituoíagũ ñari, íacoajñ mu. Ñie rojose maja mure yuja —íre yiyuju Jesús.

⁴³ To bajiro í yiririmarone, caje íabecu ñaboar'i, íacoasuju í yuja. Íacōari, í quēne Jesúsre sũyacoasuju. “Quēnaro yaja mu”, Diore íre yivariquēna vasuju í. Masa quēne tire íarã, “Quēnaro íre yami Dios”, yiyujarã ñna quēne.

19

Zaqueo rãca Jesús í bajire queti

¹ To bajiri, Jericó vãme cuti macare rêtoacu bajiboayuju Jesús. ² To í bajivatore, sígũ ti macagu ñañuju, Zaqueo vãme cutigu. Í ñañuju gãjoa sēnibosarimasa ujñ. Gajeyeñni jaigu ñañuju. ³ To bajiri, Jesús í rêtoato bũto íarũaboayuju. Íre íarã jãjarã ñna ñajare, íre íabujabesuju í, yeguaca ñari. ⁴ To bajiri, Jesús í varoti maa tujñ í rĩjoro ũma va, yucújñ mujasuju, Jesúsre íre íarũ. ⁵ Í jesaro eñeroca ejayuju Jesús. To bajicōari, íre íamũoñuju, Zaqueore. Íre íamũogũne,

—Zaqueo, guaro rujiaya mu. Yucu mu ya vijñ tujarucujja yu —íre yiyuju Jesús.

⁶ To bajiro íre í yirone, guaro rujiacōari, variquēnagũne, Jesúsre íre ũmato vasuju Zaqueo, í ya vijñ. ⁷ To bajiri Zaqueo ya vijñ Jesús í ñasere íacōari, ado bajiro gãmerã yiyujarã masa:

—Rojogu ture ñagũ bajiami —yiyujarã ñna.

⁸ Í ya vijñ ñacōari, ado bajiro Jesúsre gotiyuju Zaqueo:

—Yu cũose, gajeyeñnire, maioro bajirãre gũdareco ñnare ísirucujja yu. Gãjerãre ñnare yitocōari, ñna ye

ñaboasere êmacaju yu. To bajiri ñnare yu êmacati rêtoro ñnare ñsirucuja yu. Babarirâcaji ñnare yu êmacati rêto-busaro ñnare ñsirucuja —Jesûre ñre yiyuju ñ.

⁹⁻¹⁰ To bajiro ñre ñ yisere ajicõari, ado bajiro ñre gotiyuju Jesús:

—Quênaro yaja mu. Abraham Diore ñ ajitirûnumasiri-
arore bajiro Diore ajitirûnuaja mu. To bajiro yigu mu ñajare, mure, to yicõari, mu ya vianare quêne, rojose
mu yisere muare masiriocõaja yu. To yicõari, rojose
mu tamuoborotire muare yirêtobosarucuja yu. Yayirãre
bajiro bajirãre, rojose tamuoboronare, ñnare yirêtobosagu
vadicaju yu, Dios ñ roticõacacu —ñre yigotiyuju Jesús.

Moabosarimasa ñna bajirere Jesús ñ gotimasiore queti

(Mt 25.14-30)

¹¹ To bajiro ñre ñ yigotisere ajicõari, ado bajiro
tuõõaboayujarã masa: “Jerusalénju ñ ejaroti mojoroaca
ti ruajare, yucucane Israel vãme cuti sitare manire
rotisurucumi Jesús, Dios ñ roticõar'i, romano masare
bucõari”, yituoõaboayujarã ñna. To bajiro ñna yituoõasere
ñamasicõari, gotimasiore quetire ado bajiro ñnare gotiyuju
Jesús:

¹²⁻¹³ —Sĩgũ ñagũmi gaje sitaju varocu, uju ñama-
sugũ ñ ñaroju, uju ñ ñarotire sênigũ, “Yu ya macanare
rotigusa” yigu. ñ varoto rĩjoro, ñre moabosarimasare juaã-
mocãrãcure jirêogũmi. ñnare jirêocõari, ñ ye gãjoare ñnare
bategũmi. “Yu manitoyeju adi gãjoa rãca vaja yicõari,
mu vaja yisere gãjerãre ñsirã, jaibusaro vaja sênima,
‘Jaibusaro gãjoa bujarãsa’ yirã”. To yigajano, vacoacumi.

¹⁴ To bajiro ñ bajiboajaquêne, ñ ya macana uju ñ ñasere
bojamenama ñna. “Yu uju ñ ñasere bojabeaja” yirã, ñna
rãcanare gotiroticõarãma, uju ñamasugũre.

¹⁵ To bajiro ñnare ñna yicõaboajaquêne, ñna uju ñre
cũgũmi uju ñamasugũ. To bajiro ñ yir'i ñnari, ñ ya macanare

ĩnare rotigũ tudiejagũmi. Tudiejacõari, ĩ gãjoa ĩsiri-arãre ĩnare jicõagũmi, “Tire quẽnaro yimasiboayujari ĩna” yigũ. ¹⁶ ĩ moarimasũ ejasũogũ, ado bajiro ĩre yigũmi: “Gãjoa yũre mũ ĩsicati rãca mũre bũjarẽmobosabũ yũ, juaãmocãrãcaji yũre mũ ĩsicati rẽtobũsaro”, ĩre yigũmi, ĩ Ʃjũre. ¹⁷ To bajiro ĩ yijare, “Yũre quẽnaro moabosayuja mũ. Yũ yicatore bajiro yũre cũdiyuja mũ. Mojoroaca mũre yũ ĩsicati rãca yũ yicatore bajiro yigũ mũ ñajare, ñamasuse moare mũre moarotiaja yũ. Juaãmocãrãca macarianare rotirũcũja mũ”, ĩre yigũmi ĩ Ʃjũ. ¹⁸ ĩ bero gãji ejagũmi: “Gãjoa yũre mũ ĩsicati rãca mũre bũjarẽmobosabũ yũ, cojomocãrãcaji yũre mũ ĩsicati rẽtobũsaro”, ĩre yigũmi, ĩ Ʃjũre. ¹⁹ To bajiro ĩ yijare, “Cojomocãrãca macarianare rotirũcũja mũma”, ĩre yigũmi ĩ Ʃjũ.

²⁰⁻²¹ ĩ bero, ĩ Ʃjũre ĩogũ ejagũmi gãji: “Adine ñaja mũ gãjoa, yũre mũ ĩsicati. Sudigaserone gãmacõari, cũcaju yũ, ‘Bũto roticõari ĩ bojarore bajiro yirere bojagũ ñacami’ mũre yigũigũ ñari”, ĩre yigũmi. ²² To bajiro ĩ yijare, ado bajiro ĩre cũdigũmi ĩ Ʃjũ: “To bajiro yũre yitũoĩagũ ñaboarine, yũre quẽnaro moabosabetir'i mũ ñajare, rojose mũre yirũcũja yũ. ²³ Gãjoa mũre yũ ĩsicati rãca vaja yicõari, mũ vaja yisere gãjerãre ĩsicõari, jaibusaro vaja sãnibetiboarine, gãjoa cũriavijũa mũ cũjama, jaibusaro yũre bũjarẽmobosaboriaja mũ”, ĩre yitud'igũmi ĩ Ʃjũ. ²⁴⁻²⁵ To bajiro yigotigajano, ĩ tũ rũgõrãre ĩacõari, ado bajiro ĩnare rotigũmi: “Ãnire gãjoa yũ ĩsiboacatire ĩmaña. Tire ĩmacõari, juaãmocãrãcaji ĩre yũ ĩsicati rẽtobũsaro bũjarẽmocõari cũogũjũare ĩre ĩsiña”, ĩnare yigũmi ĩna Ʃjũ. To bajiro ĩ yiroitiboajaquẽne, “Jẽre jairo cũoami ĩma”, ĩre yicõarãma, ĩna Ʃjũre. ²⁶ To bajiro ĩre ĩna yisere ajicõari, ado bajiro gotigũmi ĩna Ʃjũ: “No bojagũ ĩre yũ ĩsise rãca yũ bojarore bajiro yigũ, quẽnase bũjarũcũmi. No bojagũ ĩre yũ ĩsise rãca yũ bojarore bajiro yibecũrema,

ĩre yu ĩsiboacatire ĩre ěmarucija yu, ‘Yu bojarore bajiro yimasibeami’ yigu. ²⁷ Uju yu ĩasere bojamenarema, yu rĩjorojuu jiejobari, ĩnare siareacõaña mua”, yigumi ĩna uju —ĩnare yigotiyuju Jesús.^s

“*Rotimurũgõrucumi*’ yigu, Dios ĩ cõagũ ñaja yu”
yĩogũ, Jerusalénju Jesús ĩ ejare queti

(Mt 21.1-11; Mr 11.1-11; Jn 12.12-19)

²⁸ To bajiro yigotigajanocõari, varũtu vasuju Jesús, Jerusalén ñaejari maajure. ²⁹⁻³⁰ Varũtuacõari, ejayuju, Betfagé, Betania vãme cuti macari tujure. Ti macari tujure, Olivo vãme cuti buro ñañuju ti. Ti buroju ejaguagune, juarã ĩ buerãre ado bajiro ĩnare gotiyuju ĩ:

—Mani varoto riojo ñarimacare vasa maji. Toju ejacõari, burro macu ĩna siaturũgõr'ire bujaruarãja mua, jesaĩañamagũre. ĩre õjacõari, yure ãmiadibosaba. ³¹ Ti macagu sigũ, mua õjaro ĩacõari, “¿No yirã ĩre õjati?” mure ĩ yisēniĩajama, “Mani uju ĩre bojami”, ĩre yicũdiba —ĩnare yiyuju Jesús.

³² To ĩ yisere ajicõari, vasujarã ĩna. To ejacõari, Jesús ĩ gotiriarore bajirone burro macure ĩabujayujarã ĩna. ³³ ĩre ĩna õjarone,

—¿No yirã ĩre õjati mua? —yiyujarã ĩna, burro ujarã.

³⁴ To bajiro ĩna yirone,

—Mani uju bojaami —ĩnare yicũdiyujarã ĩna.

³⁵ To bajiro ĩnare yigajanocõari, burro macure ãmi-vasujarã, Jesús tujũ. To yicõari, ĩna ye sudi joeayere vejecõari, burro macu joere jeoyujarã. To yigajanocõari, Jesure ĩre vajejarotiyujarã ĩna. ³⁶ To bajiri burro joere jesamaja vasuju Jesús, Olivo vãme cuti buro majacu.

^s 19:27 “‘Uju ñaami” yure yirũcũbũomenare rojose tãmuotujabetiriaroju ĩnare rearucija yu’ yigu, yiyuju Jesús”, yama ĩna Dios oca buerẽtoburimasa.

To ï jesamaja vatone, ïna ye sudi joeayere vejecõari, ï varotijure cõ rïjoro cutiyujarã. “Yua uju ñaja mu” yirã, to bajiro yiyujarã, Jesúre rucubuarã. ³⁷ To bajiro ïna yi vati maajure jesamaja, joe jeacõari, Jerusalénju ï rojaroto rïjorore, “Quênaro yaja”, Diore yivasã variquënañujarã ïna, jãjarã. Dios ï masise rãca ïaiañamani Jesús ï yïorere tuoicõari, ado bajiro yivasã variquënañujarã:

³⁸ —“Rotimurõgõrucumi” yigu, Dios ï cõar'i, ñaami. ¡Diore rotibosagu quênaro ï yigu ñaami! Manire ïavariquënañumi Dios. Quënañu masune ñaami —yivasã variquënañujarã ïna.

³⁹ To bajiro ïna yivasã ñarone, sïgõri ñañujarã fariseo masa quëne. To bajiri Jesúre rucubuarã ïna yivasãsere ajicõari, ado bajiro Jesúre yiboayujarã ïna:

—Mu buerãre avasãrotibeticõaña mu —ïre yiboayujarã ïna.

⁴⁰ To bajiro ïre ïna yiboajaquëne, ado bajiro ïnare cudiyuju Jesús:

—To bajiro ïna yivasãbetijama, adiari gõtarijuaare avasãroticõarucumi Dios —ïnare yicudiyuju Jesús.

⁴¹ To yi va, Jerusalén maca tuaca ejagune, ti macare ïagune, otiyuju Jesús. ⁴² Ado bajiro yiotiyuju:

—Yucune Jerusalén macana, variquënarere ïnare Dios ï cõaruaboasere, ïna masune ajitirõnu suyamasibeamã. To bajiri quênaro ñavariquënamasibetiruarãma. ⁴³⁻⁴⁴ Masa rojose ïna tãmosere yu suorine Dios ïnare ï yirëto-bosere masimena ñari, buto rojose tãmuruarãma ïna. ïnare quëaruarã vadiruarãma gãjerã. Adi macajure vadicõari, ïnare gãnibiaquearuarãma, “Rudiroma” yirã. Gãnibiaqueacõari, quênaro sïajeocõaruarãma, ïnare. Virire quëne, gajeyeñire quëne jediro reajeocõaruarãma

ina. To bajiro ina yireacõaro bero, adi maca ñaboariaro, rujatũcuro ñarũaroja ti —yiotiyuju Jesús, Jerusalén macare ñagũne.

Diore yirũcubũoriavijũ ñacõari, gajeyeũni ñsiriavire bajiro ina yinajare, Jesús ñnare ñ tud'iaõõbure queti

(Mt 21.12-17; Mr 11.15-19; Jn 2.13-22)

⁴⁵⁻⁴⁶ To bajiro yigajano, varũtu vaejacoasuju ñ, Jerusalénjũ. To ejacõari, Diore yirũcubũoriavijũ sãjañuju ñ. Sãjajacõari, ti vijũ ñsiñarãre ñgõbucõañuju ñ. ñnare ñgõbucõagũne, ado bajiro ñnare gotiyuju:

—Dios ñ rotimasire masa ina ucamasire ado bajiro gotiaja: “Yũ ya vima, yũre sãnirũcubũorã rẽjariavi ñarũaroja”, yigotiaja, adi vire. To bajiro ñ yimasire ti ñaboajaquẽne, mũa suorine juarudirimasa ñarivire bajiro bajiaja ti —ñnare yigotiyuju Jesús.

⁴⁷ To bajiro ñnare ñ yiaõõburiaro bero, tocãrãcarũmuri ti vine masare buerũgũñuju Jesús. To ñ yisere, paia ujarã, Dios ñ rotimasire gotimasiõrimasa quẽne, masa ujarã quẽne, “¿No bajiro ñre sãrãti mani?”, yitũõarũgũñujarã ina. ⁴⁸ No bajiro yimasibesujarã ina, bajirãjũma, masa ñajediro buto ñre ina ajitirũnu sũyajare.

20

“¿Ñimũ mure ñ rotise rãca to bajiro yati mũ?”, Jesúre ñnare yisẽniãre queti

(Mt 21.23-27; Mr 11.27-33)

¹ Cojorũmũ, Diore yirũcubũoriavijũ masare gotimasioñuju Jesús. “Rojose mũa yisere yitũjacõari, quẽnasejuare tuoãvasoaya” ñnare yigoticõari, ñ suorine quẽnaro ñnare Dios ñ yirotere gotimasioñuju ñ. To bajiro ñ yigotimasio ñnare, ñre sãnĩarã, ñ tũre ejayujarã bũcũrã, paia ujarã, Dios ñ rotimasire gotimasiõrimasa quẽne. ² Ado bajiro ñre yisẽniãñujarã ina:

—¿Ñimũ mure ï rotise rãca to bajiro yirũgũati mũ? —ïre yisẽniãñujarã ñna.

³ To bajiro ñna yisere ajicõari,

—Yũ quẽne, ado bajiro mũare sẽnĩaja yũ: ⁴ ¿Ñimũ rotiyujari, Juanre, “Oco rãca masare ñnare bautizacudiyã” yigũ? ¿Dios rotiyujari? ¿Masajũa rotiyujarique? —ñnare yisẽniãñuju Jesús.

⁵ To ï yisere ajicõari, ñna masune gãmerã ñagõñujarã ñna:

—“Dione, Juanre oco rãca masare bautizarotiyumi” mani yijama, ado bajiro manire sẽnĩajacagũmi: “Tire masirã ñaboarine, ¿no yirã ïre ajitirũnubeticati mũa?” manire yisẽnĩajacagũmi. ⁶ To yicõari, “Masane, Juanre oco rãca bautizarotiriarãma” mani yijama, gãtarine manire reasĩaruarãma masa, “Diore gotirẽtobosarimasũ ñaboacami Juan” yirã ñari —gãmerã yĩagõñujarã ñna.

⁷ To bajiro yirã ñari, ado bajiro ïre cãdiyujarã ñna:

—Juanre rotir'ire masibeaja yũa —Jesũre yicãdiyujarã ñna.

⁸ To ñna yisere ajicõari, ado bajiro ñnare cãdiyuju Jesús:

—To bajiro mũa cãdijare, yũre rotigũ vãmere gotibetirũcãja yũ quẽne —ñnare yiyuju Jesús.

“Jud'io masa ñna ajitirũnubetijare, gãjerãjuare ujuorũcũmi” yigũ, moabosarimasa rojose yirã ñna bajire rãca Jesús ï gotimasiore queti

(Mt 21.33-44; Mr 12.1-11)

⁹ To bajiro ñnare yigajanocõari, gotimasiore queti ado bajiro ñnare gotiyuju Jesús:

—Sĩgũ masũ uye vese otegũmi. Tire otegajanocõari, gãjerãre, “Yũre ãtirũnubosaba”, yigũmi. “Uye ti rica cãtiro, gãjerãre ãsicõari, vaja sãniruarãja. To yicõari, mũa juarotire, ‘Ado cõro ñaja mani ye. Ado cõro ñaja ï ye’ yicõĩama”, ñnare yirotigũmi. To yicõari, gajeroju

vacoacumi. ¹⁰ To bajiri cojorũmũ, “Uye rica cuti bucua-coatoja” yigũ, ãre moabosarimasũre cõagũmi, “Uye, yũre ãna cũbosarere yũre juabosaaya” yigũ. Uye veseju ã ejarone, ãre ñiacõari jarãma vese coderimasa. To yicõa, ãre uye ãsimenane, “Vasa”, yirãma ãna. To bajiri uye juabecũne tudiejagumi, ãre roticõar'li tũju. ¹¹ To bajiri uye ã juabetire ãacõari, gãjire cõagũmi quẽna, vese uju, “Uye yũre juabosagu vasa” yigũ. Uye veseju ã ejasere ãacõari, rujajine ãre yitud'icõari, ãre quẽne jarãma ãna. To bajiro ãre yigajanocõari, uye ãsimenane, “Vasa”, ãre yirãma ãna. ¹² To bajiri uye ã juabetire ãacõari, quẽna gãjire cõagũmi vese uju. Uye veseju ã ejasere ãacõari, ãre quẽne jarãma ãna. To bajiri cãmi cutigumi. To yicõari, ãre ñiacõari, vese sojuaju rocarãma ãna.

¹³ To bajiro ti bajijare, “¿No bajiro yiguti yũ?”, yituoĩagũmi uju. “Yũ maigũre, yũ macũre ãre cõarucũja yũ. Ñũare rũcũbuorãma ãna”, yituoĩagũmi. ¹⁴ To bajiro yituoĩacõari, ã macũre cõagũmi. To bajiro ã yituoĩaboa-jaquẽne, ã macũ veseju ã ejasere ãacõari, ado bajiro gãmerã ñagõrãma vese coderimasa: “Adi sita uju ã bajirocaveo-jama, ã macũne ñaami vasoarocũ. To bajiri ãre mani sãajama, mani ye sita ñarũaroja yuja”, gãmerã yirãma ãna. ¹⁵ To bajiri vese sojuaju ãre ñia oja vanama. To yicõari, sãarãma ãna yuja —ĩnare yiyuju Jesús, ti quetire gotigũ.

To bajiro ãnare yigajanocõari, ado bajiro ãnare gotiyuju quẽna:

—¿Ti vese uju tudiejagu, no bajiro ãnare yigujari ã, ti vese coderimasare? ¹⁶ Ado bajiro yigumi: Veseju vacõari, ti vese coderãre sãagũmi. To yicõari, gãjerãre coderotigumi, ti vesere —ĩnare yiyuju Jesús.

To bajiro ã yisere ajimasicõañujarã jud'io masa. To bajiri,

—¡Bajibeticõato ti! —yiyujarã ãna. “Ûju macure sãri-arãre bajiro bajaiaja mua’, manire yami” yimasicõañujarã ãna.

¹⁷ To bajiro ãna yirone, ãnare ãacõari, ado bajiro ãnare yiyuju Jesús:

—¿“Ûye vese ùju ã macure rojorã ãna sãarocarere bajirone gũtavi quẽnorimasa coja gũtare rocarãma” Dios oca masa ãna yiucamasirere ãabeticatique mua? Ado bajiro gotiaja:

“Gũta rãca vi quẽnorimasa coja gũtare rocarãma ãna. ãna rocaria ñaboarine, gajea gũta rẽtoro quẽnarica ñarũaroja tia. Tia gũta suorine quẽnarivi quẽnorũcũmi Dios. Tia manijama, quẽnomasibetibogũmi”, yigotiaja Dios oca masa ãna ucamasire.

¹⁸ To yigajano, ado bajiro gotirũtuasuju ã Jesús:

—No bojarã, yũ ocare ajiterã, rojose tãmũorũarãma ãna —ãnare yiyuju Jesús.

¹⁹ To bajiro Jesús ã gotimasiosere ajicõari, “Manirene mani bajisere yigu yami”, yiajimasinũujarã paia ùjarã, Dios ã rotimasire gotimasiorimasa quẽne. “Ûju macure sãri-arãre bajiro bajaiaja mua’ manire yami”, yiajimasinũujarã ãna. To bajiro yirã ñari, Jesũre ñiarũaboayujarã ãna. To bajiboarine masare gũirã, ãre ñiabetesujarã.

*“Ûjarã gãjoa manire ãna vaja yirotijama, ãnare ãsiroti ñaja”,
Jesũs ã yigotire queti*

(Mt 22.15-22; Mr 12.13-17)

²⁰ Jesũre ñiarũarã ñari, gãjerãre cõañujarã ãna, Jesús tũju. To bajiri, “‘Mani ùju César ã rotisere quẽnabeaja’ ã yisere ajirudirã vasa. To bajiro ã yise ti ñajama, ãre gotiyirorãsa mani, Pilatore”, yitũoĩaboayujarã. To bajiri Jesús tũjure ã gotisere ajirãre bajiro bajitoyujarã ãna cõari-arã. ²¹ Jesús tũ ejacõari, ado bajiro ãre sãniãañujarã ãna:

—Ajiya gotimasiorimasu. “Riojo gotigu ñaja mu”, yimasijaja yua. “Ado bajiro mani yisere bojagumi Dios” yigotimasiogũ, ñaro cõrone riojo yuare gotimasioaja mu. “Ado bajiro yu gotimasiojama, yure ajijũnisiniruarãma” yituoĩabecune, riojo gotigu ñaja mu. Masa ñajedirore riojo gotigu ñaja mu. To bajiro yigu mu ñajare, mu tuoĩasere ajiruaja yua. ²² ¿Roma macagu ujũ, César, gãjoa manire ï vaja yirotsere mani vaja yijama, quẽnacõarojari? ¿Dios ï rotimasirere cudimena yirãjarique mani, ïre mani vaja yijama? —Jesũre yisẽniĩaboayujarã ïna.

²³⁻²⁴ Jesũjuama, “Rojose yure yiruarã, to bajise yure sẽniĩatoama ïna”, yimasicõañuju. To bajiri, ado bajiro ïnare gotiyuju:

—Gãjoatii cojotii yure ïoña mua.

To ï yijare, gãjoatii ãmiadi, ïre ïoñujarã ïna. Gãjoatiire ïacõari, ado bajiro ïnare sẽniĩañuju Jesũs:

—¿Ñimũ rioga tuyati? ¿Ñimũ vãme tuyati? —ïnare yiyuju Jesũs.

To ï yirone,

—Roma macagu Ujũ César vãme cutigu rioga tuyaja. To yicõari, ï vãme tuyaja ti —Jesũre yicudiyujarã ïna.

²⁵ To ïna yijare, ado bajise yiyuju Jesũs:

—To bajiri aditiire ïacõari, “César yatii ñaja”, yimasijaja mani. Ujarã manire ïna vaja yirotijama, ïnare vaja yiroti ñaja, manire. To bajirone bajijaja Diore quẽne. “Dios suori bajijaja” mani yimasijama, “Yua cuose ti ñaboajaquẽne, ti rãca mu bojarore bajiro yiruarãja”, Diore ïre yiroti ñaja, manire —ïnare yiyuju Jesũs.

²⁶ To bajiro ï yisere ajicõari, no yimasibesujarã ïna, to bajise quẽnaro ñagõgũre ajibetirũgũriarã ñari. To bajiri, ïre sẽniĩatujacõañujarã yuja. Jesũs rojose ï yibetijare, ïna ujure ocasãmasibesujarã ïna.

“¿Bajirearãma, tudicaticoanajari?”, Jesúre ña yisēñiãtore

(Mt 22.23-33; Mr 12.18-27)

²⁷⁻²⁸ To bajicõari, saduceo masa quēne sīgũri ejayujarã, Jesúre sēniãtorã. “Masa ña rijato bero, ña usuri ña rujuri ñaro cõrone quēna tudicatimenama” yirã ñañujarã saduceo masa. Ado bajiro ñre sēniãñujarã:

—Ajiya, gotimasiorimasu. Moisés ñamasir'i ado bajiro ñ yiuacũmasire ti ñajare, mure sēniãrã vabu yua. Ado bajiro yimasiñuju Moisés: “Sīgũ, manajo cutiboa, rãa magũne ñ bajirocajama, ñ gagu manajo ñariore manajo cutirucumi ñ bedijua. To bajiri ñ rãca ñacõari, so macu cutijama, ñ gagu macu ñarucumi”, yimasiñuju Moisés. ²⁹ Sīgũ rãa cojomo cõro, jua jēnitarirãcu ñmua ñaboacama. Sīgõrene manajo cutiboacama ña. Ñasugõ sore manajo cutisũoboacami. Rãa magũne rijacoacami ñ. ³⁰⁻³¹ Ñ rijato bero, gãji ñ bedi vasoaboacami. Ñ quēne rãa magũne rijacoacami. Ñ bederã quēne, to bajirone sore manajo cutiboacama. Rãa manane, rijajedicoacama ña quēne. ³² So manajua ña rijajediro bero, so quēne rijacoacamo yuja. ³³ To bajiri bajireacõari, quēna ña tudicatijama, ¿ñimujua ñaguĩda so manaju masu ñarocuma, ña ñaro cõrone sore ña manajo cuticato bero? —Jesúre yisēniãtoyujarã ña.

³⁴⁻³⁵ To ña yirone, ado bajiro cãdiyuju Jesús:

—Bajireariarã, “Quēnarã ñaama” Dios ñ yiãrã, quēna tudicatio bero, manajo cutire, manaju cutire quēne manirũaroja. ³⁶ Tudirijabetirona ñari, to bajiro bajiruarãma. Ñ vecaju ángel mesare bajiro bajirã ñaruarãma. To bajicõari, ñ suorine tudicatiriarã ñari, Dios rãa ñaruarãma —ñare yicãdiyuju Jesús. ³⁷ — ¿“Masa ña bajirearo bero, ña usuri caticõaroja” yirere ñabeticatique mua? ¿Yucúyoa ñjuriyoa vatoaju Dios Moisére ñ ñagõmasirere ñabeticatique? Dios masune ado

bajiro gotimasiniñumi i oca masa ina ucamasire rãca: “Mua ñicua ñamasiriarã Abraham, Isaac, Jacob, ina rucubuo vadimasicacune ñaja yu”, yigotimasiniñumi Dios. ³⁸ Masa bajireariarã ina usuri ti caticõa ñabetijama, to bajise yibetimasiborimi. Bajireariarã, quëna tudicatirãjua ina rucubuoꝝ ñagũmi. Masa ina usuri ti caticõa ñabetiboajaquëne, “Diore rucubuoꝝ ñarãma”, yimasina maja. “Ina usuri ti caticõa ñajare, bajireariarã ñaboarine, Diore rucubuoꝝ ñarãma”, yire ñaja —inare yiyuju Jesús.

³⁹⁻⁴⁰ To i yise ñajare, saduceo masa, ire seniãarẽmobe-sujarã, ire güirã ñari. To bajiri, ado bajiro Jesúre yiyujarã sigũri, Dios i rotimasire gotimasiorimasajua:

—Gotimasiorimasu, quënarõ cudiaja mu —ire yiyujarã ina.

“*Rotimuoꝝgõꝝruci*’ yigu, Dios i cõarocu, ñimũ ñaruci, yituoĩati mua?”, Jesús i yiseniãare queti

(Mt 22.41-46; Mr 12.35-37)

⁴¹⁻⁴³ To bajiro ire ina yiboajaquëne, ado bajiro masare gotiyuju Jesús:

—“*Rotimuoꝝgõꝝruci*’ yigu, Dios i cõarocu, masu ñaruci. Uju David ñamasir’i jãnamine ñaruci” yise ñaja. To bajiro mua yituoĩaboajaquëne, Diore yigũre bajiro, “yu uju”, yimasiniujari Uju David ñamasir’i, i jãnami i ñaboajaquëne, ado bajise i yiucajama:

“Yu ujuõre ado bajiro yiruci Dios: ‘Yu riojocatua rujiya maji. Mũre ñaterãre, “Rojose yitujaya” ñare yu yiro bero, rojose yimasibetiruarãma yuja. To cõrone rotimuoꝝcãja mu’ yiruci Dios, yu ujuõre”, yuicamasiniñumi David.

⁴⁴ To bajiri, “*Rotimuoꝝgõꝝruci*’ yigu, Dios i cõarocu, David ñamasir’i jãnami ñaruci” yuicamasire ti ñaboajaquëne, ñno yigu i ujuõre bajiro bajigutique? —inare yiyuju Jesús.

“*Rojose tãmuoruarãma* Dios ã rotimasire gotimasiorimasa”, Jesús ã yire queti

(*Mt 23.1-36; Mr 12.38-40; Lc 11.37-54*)

⁴⁵⁻⁴⁶ To bajiro ãnare yigajanocõari, masa ãna ajijediro, ado bajiro ã buerimasare gotiyuju Jesús:

—Dios ã rotimasire gotimasiorimasare bajiro bajibeja mũama. Dios ã rotimasire gotimasiorimasa, sudiro yoaquẽnariase sãñacõari, masa ãna ãaro rĩjoro vacudi variquẽnarãma ãna. To yicõari, jãjarã masa ãna rẽjarũgũri-jaurire ejarũgũrãma. Gãji ãnare ã bocaama, rũcũbũose rãca ãnare ã sẽnisere ajivariquẽnarãma. Dios ocare ãna buerivirijure quẽne ñamasuri cũmurorire rujivariquẽnarãma. Boserũmuri ti ñajaquẽne, ãna bajama, ñamasuri cũmurorire rujivariquẽnarãma ãna. ⁴⁷ Manajũa rijaveoriarã ya virire ẽmarã ñaboarine, masa ãna ãaro rĩjoro-juã, “‘Quẽnaro yirã ñaama’ yĩato” yirã, yoaro Diore sẽnirã yaja, yisocarũgũboarãma ãna. To bajiro ãna yise vaja, gãjerã rojorã, rojose ãna tãmuose rẽtoro rojose tãmuoruarãma ãna —ãnare yiyuju Jesús.

21

Manajũ rijaveorio maioro bajigo ñaboarine, gãjoa so sãre queti

(*Mr 12.41-44*)

¹ Diore yirũcũbuoriavijũ ñacõari, gãjoa jairã gãjoa sãri-ajũjũre gãjoa ãna sãñasere ãaũju Jesús. ² To ãna yĩarone, sĩgõ, manajũ rijaveorio, gãjoatii juatiine so sãsere ãaũju. Mojoroaca vaja cutitiiri ñaũju ti. ³ Tire so sãro ãcõari, ado bajiro ã buerimasare gotiyuju Jesús:

—Riojo mũare gotiaja yũ. Adio maioro bajigo, gãjerã rẽtoro sãmo so. ⁴ Gãjoa jairã ãna sãboajaquẽne, jairo rũyacõaroja ãnarema. Soma, so cũose ñaro cõroacane sãcõamo —ãnare yiyuju Jesús.

“Diore yirũcũbuoriavire jud'io masa me ñarã caguerocacõarũarãma”, Jesús ï yire queti

(Mt 24.1-2; Mr 13.1-2)

⁵⁻⁶ Diore yirũcũbuoriavire ïacõari, sīgũri ï buerimasa ado bajiro Jesũre ïre yiyujarã:

—Quẽnarivi ñaja. Gũta quẽnase rãca quẽnaro quẽnoñuma ïna. Diore rũcũbuorã ïna cũre quẽne quẽnase ñaja —Jesũre ïre yiyujarã ïna.

To bajiro ïna yisere ajicõari, ado bajiro gotiyuju Jesús:

—Adi vi mua ïarivi ñaro cõrone cague vẽjajedi-coarũaroja. To bajiri adi viaye gajea gũta joere jesabetirũaroja —ïnare yiyuju Jesús.

“Macarũcũro ti jediroto rĩjoro ado bajiro bajirũaroja”, Jesús ï yire queti

(Mt 24.3-28; Mr 13.3-23)

⁷ Ado bajiro Jesũre ïre sẽnĩñañujarã ïna:

—¿Divato cagueroca ecoroti Diore yirũcũbuoriavi? ¿No bajiro ti bajiro ïacõari, “Jesús ejaguagu yigũmi”, yimasirãti yua? ¿No bajiro ti bajiro ïacõari, “Adi macarũcũro jediato yaja”, yimasirãti yua? —Jesũre yisẽnĩñañujarã ïna.

⁸ To bajiro ïna yisere ajicõari, ado bajiro ïnare cũdiyuju Jesús:

—Roori ñarũarãja mua, “Socarãne, gãjerã manire yitoroma” yirã. Jãjarã yitorã ñarũarãma, “Yũne ñaja ‘Rotimũorũgõrcũmi’ yigũ, Dios ï cõagũ” yirã. To yicõari, “Adi macarũcũro ti jediroti cõñaja”, yitorũarãma. To bajiro ïna yiboajaquẽne, ïnare ajitirũnũbetirũarãja mua. ⁹ To bajicõari, mua tuana to yicõari, gajeroana quẽne gãjerã rãca ïna gãmerã sĩasere ajirũarãja mua. Tire ajicõari, gũibetirũarãja mua. “Bajirũaroja” Dios ï yiriarore bajirone bajirũaroja. To bajiro ïna gãmerã yĩnaboajaquẽne, adi macarũcũro jediro me bajirũaroja.

¹⁰ Cojo sitana, gaje sitana rãca gãmerã sãruarãma.
¹¹ Buto sita saberuaroja. To yicõari, cojo maca me ñioñaruaroja. To bajicõari, cojo sita me gajeye rojose cõarucumi Dios, “Rojose tãmuoato masa” yigu. Vecajure ñaïñamani güiose Dios ñ yïiose ñaruaroja.

¹² To bajiro ti bajiroto rïjoro, muare ñejecõari, rojose muare yiruarãma masa. Dios ocare ñna bueriviju ujarã rïjorojua muare juaácõari, muare goti yiroruarãma ñna. To yicõari, muare tubiberuãrãma. Yu ocare mua gotimasiojare, macari ujarã rïjorojua muare juaãruarãma ñna. To yi vanane, ujarã ñamasurã rïjorojua muare juaejaruãrãma ñna. ¹³ To bajiro muare ñna yijare, yu oca quẽnasere ñnare gotiruãrãja mua. ¹⁴ Muare ñejecõari, ujarã rïjorojua muare ñna juaãroto rïjoro, “¿No bajiro ñagõrãti yua?”, yituoïarejaibetuãrãja mua. ¹⁵ Mua ñagõrotiju ti ejaro, “Ado bajiro ñagõroti ñaja”, yimasiruãrãja. Mua ñagõjama, mua masise rãca me ñagõruãrãja. Yu masise rãca ñagõruãrãja. Yu masise muare yu cõajare, mua ñagõsere ajicõari, “Socarã yaja mua”, muare yibetuãrãma muare ñaterã —ñnare yiyuju Jesús. ¹⁶ —Mua jacua, mua bederã, mua yarã, mua rãcana quẽne, muare ñsirearuãrãma ñna. To bajiro ñna yijare, sïaecoruãrãja mua siguri. ¹⁷ Yure ajitirũnurã mua ñajare, muare ñateruãrãma jãjarã masa. ¹⁸ To bajiro muare ñna yiboajaquẽne, ñie muare godocutiruaroja. Dios ñ ejarẽmose rãca ñ tũju ejacõari, quẽnaro ñacõa ñarũgũruãrãja mua. ¹⁹ Yure mua ajitirũnu tũjabetijama, to bajirone bajiruãrãja mua.

²⁰ Jerusalén macajure surara ñna gãnibiasere mua ñajama, “Jerusalén maca ti jedirotirũmu cõñaro bajiaja”, yimasiruãrãja mua. ²¹⁻²² Jerusalén maca jedirotire Dios oca masa ñna ucamasire ti gotirore bajiro bajiruaroja. Rojose tãmuoriarũmuri ñaruaroja. To bajiroti ti ñajare, Jerusalén maca tuana, Judea sitana, Jerusalén macaju rudibeticõato

ina. Gũtayucũjũjũ guaro rudicoajaro ina. Jerusalén macana quêne, guaro rudicoajaro ina. ²³ To bajiro bajirirũmũre buto rojose tãmũorũarãma masa, i bojasere ina yibetire Dios i iajũnisinijare. Rõmia macũ sãñarã, ũjurã cũorã quêne, rojose tãmũorũarãma ina, ũmatĩmabetica yirã. ²⁴ Sĩgũrire jasiarũarãma jud'io masa me ñarã. Gãjerãre, sãacomenare ñnare ñejebatecoarũarãma, gajerorijũ. To yicõari, ina ye sita cũorũarãma jud'io masa me ñarã, “To cõrone rotitũjarũarãma” Dios i yitũoĩariarũmũ ti ejaroto rĩjoro.

“Dios i roticõacacũ tudiejarũcũja yũ”, Jesús i yire queti (Mt 24.29-35, 42-44; Mr 13.24-37)

²⁵ Jud'io masa me ñarã ina rotirirodo jedirijã, muiju ũmũagũ, to yicõari, ñamiagũ quêne, ñocoa quêne, buto gũiose bajĩĩorũarãma. Tire iagũirũarãma adi macarũcũroana ñajediro. Moa riaga buto jacase saberũaroja. To bajiro ti busisere ajigũicõari, no yimasibetirũarãma ina. ²⁶ Ő vecayere nũũobatorũcũmi Dios. To bajiro ti bajiro iacõari, “Adi macarũcũro jediato yaja” yitũoĩacõari, buto gũirũarãma ina. Sĩgũri iamecũ vanane, rijavẽjarũarãma ina. ²⁷ To bajicõari, yũ masise rãca, buto bususe rãca, oco bueri vatoajũ adi macarũcũrojũre Dios i roticõacacũ yũ rujiadire iarũarãma ina. ²⁸ To bajiri, adi gũiose ti bajisũorore iacõari, tũoĩatutuarũarãja mũa. Tũoĩatutuacõari, iamũorũarãja mũa, “Yucũacane rojose tãmũotũjabetiriaroju mani vaborotire manire yirẽtobosaguagũ yigũmi Dios” yimasirã ñari —ĩnare yigotiyuju Jesús, i buerãre.

²⁹ To yigajanocõari, gotimasiore queti gotiyuju quẽna:

—Yucũre tũoĩaña mũa. ³⁰ Yucũ gajecu bũcũamũjacõari, jũ mameaja. Tire iacõari, “Mojeroaca rũyaja cũma ti ejaroti”, yimasiaja mani, jud'io masa. ³¹ Tire bajiro mũare

yu gotise ti bajisere ñacõari, “Mojoroaca ruýaja Diore rotibosagu, Jesús ñ vadiroti”, yimasiruãrãja mua.

³² Riojo muare gotiaja yu. Adirodo ñarã mua bajireajediroto rñjoro, muare yu gotirore bajirone bajiruaroja ti.^t ³³ Adi macarucuro ñaro cõrone, to yicõari, õ vecaye quẽne jedicoaruaroja. To bajiboarine, yu ocama, jedibeti muorũgõcõaruaroja.

³⁴ To bajiri yu vadirotire masiritibesa. Idire mecuse idimecucõari, yure mua masiritijama, quẽnabetoja. To bajicõari, gajeyẽni mua cuse, to yicõari, gajeye mua cuorna tuoñasere buto tuoñarã ñari, yure mua masiritijama, quẽnabetoja. ³⁵ “To cõrone ejarucumi” jãjarã masa ñna yimasibetirĩmarone, tudiejarucya yu. To yu bajijare, masa ñajediro yure rudimasibetiruãrãma ñna. ³⁶ To bajiro bajiroti ti ñajare, roori ñaruãrãja mua. To bajicõari, ado bajiro Diore sãnirũgũruãrãja mua: “ ‘Dios ñ roticõacacu ñ tudivadiroto rñjoro, rojose tãmuroti ti ñboajaquẽne, ñre ajitirũnu tujabeticõari, õ vecaju ñ rñjoroju bojonemenane ejato’ yigu, yuare ejarẽmoña”, ñre yisãnirũgũruãrãja mua —ñnare yigotiyuju Jesús.

³⁷ Tocãrãcarũmurine Diore yirũcuburiaviju masare gotimasiorũgũñuju Jesús. Ñnarema ñnare vaveocõari, Olivo vãme cuti buroju cãnirũgũñuju. ³⁸ Quẽna busuriju jãjarã masa ñre ajirã sãjarũgũñujarã ñna, Diore yirũcuburiaviju.

22

“¿No bajiro yicõari, Jesúre ñnarãti mani, ñre sãruãrã?”, ñna yire

(Mt 26.1-5, 14-16; Mr 14.1-2, 10-11; Jn 11.45-53)

^t 21:32 Griego masa ye rãca “esta raza” yiroma, judío mesare yiro yaja. To bajicõari, “esta generaci3n” ti yijama, adirodo ñarãre yiro yaja.

¹ Pascua boserũmũ pan ũmato vauvase vũoyamani basũoriarũmũ cõñañuju. ² To bajicõari, paia ɸjarã, Dios ĩ rotimasire gotimasiorimasa quẽne, Jesũre s̃aruarã, masare gũirã ñari, “¿No bajiro yicõari, ĩre ñiarãti mani?” , gãmerã yĩnagõñañujarã ĩna.

³ To ĩna yitũoĩañatoyene, Judas Iscariote vãme cõtigu rãca ñarã ñajediro Jesús buerimasa, juaãmo cõro, gũbo jua jẽnituarirãcu ñañujarã. To bajiboagure, ĩ usũjũre sãjacoasuju vãtia ɸjũ, Satanás vãme cõtigu. ⁴ To bajiri, ĩ usũjũ vãtia ɸjũ ĩ sãjare, ĩ sũorine rojose tũoĩacõari, paia ɸjarã, Diore yirũcubũoriavi coderã ĩna ñarõjũre vacoasuju Judas. ĩna tũjũ ejacõari, Jesũre ĩ ĩsirocarõtire gãmerã ñagõñañujarã ĩna. ⁵ Jesũre ĩ ĩsirocarũasere ajivariquẽnacõari,

—Gãjoa mũre ĩsiruarãja yua —ĩre yiyujarã. ⁶ To ĩna yisere ajivariquẽnacõari, tudicoasuju Judas. Jesús tũjũre ejacõari, “¿Dirĩmaro ũnone Jesũre ĩnare yũ ĩsijama, josari mene ĩre ñiamasirojari ĩna?” , yitũoĩañuju ĩ.

Jesús ĩ batũsare queti

(Mt 26.17-29; Mr 14.12-25; Jn 13.21-30; 1 Co 11.23-26)

⁷ Pascua boserũmũ pan ũmato vauvase vũoyamani basũoriarũmũ, to yicõari, oveja macũre ĩna s̃iarĩarũmũ ejayuju ti. ⁸ To bajiri Pedore, Juanre ado bajiro ĩnare yicõañuju Jesús:

—Adi ñami bare mani barõtire quẽnoyurã vasa mũa — ĩnare yicõañuju.

⁹ To bajiro ĩ yisere ajicõari,

—¿Nojũ bare quẽnoyurãti yua? —ĩre yisẽniĩañujarã ĩna.

¹⁰⁻¹¹ To bajiro ĩna yisẽniĩarone, ado bajirone ĩnare cũdiyuju Jesús:

—Yũre quẽnaro ajiya mũa. Macajũ mũare yũ gotigu tũre vasa mũa. To mũa ejarone, s̃ĩgũ, oco vagũ mũare bocarũcumĩ. ĩre sũyaja mũa. To bajicõari, vi ĩ sãjarone, ti vi ɸjũre ado bajiro ĩre yiba: “ ‘¿Nojũ ñati Pascua boserũmũ

adi ñami yu buerimasare yu ñmato barotijau?’ mure yicõami gotimasiorimasu”, yiba mua. ¹² To mua yirone, mware ñogucumi, vecajua sõa, jairisõa, quënogajanori-asõare. Tone mani baroti quënoyuba mua —ñare yiyuju Jesús, ñare varotigu.

¹³ To ñ yijare, vacoasujarã ña juarã yuja. To eja, ñ yiriarore bajirone bajiyuju ti. To bajiri tisõaju ña barotire quënoyuyujarã ña.

¹⁴ To bajiri Pascua boserũmuae bare bariaju ti ejaro, ñ buerimasa juaãmo cõro, gubo juã jënituarirãcu ñarã ejacõari, barujiyujarã ña, ñ rãca. ¹⁵ To bajinarãne, ñare ñmato baguagune, ado bajiro ñare gotiyuju Jesús:

—Rojose yu tãmuroto rñjoro, mua rãca Pascua boserũmu bare buto barua tuoñacaju yu. ¹⁶ Dios ñ roticõacacu ñari, mware yu ñmato baro bero, quëna tudibabetirucuja. To bajiboarine, adi macarucuroju yu tudivado beroju yure roticõacacu ñ ñarõjure tudi mua rãca quënarõ bavariquënarucuja yu, rojose tãmuboriarãre yu yirëtobosarã rãca —ñ buerimasare ñare yiyuju Jesús.

¹⁷ To yigajano, idiriabaja ñmicõari,

—Quënarõ yaja mu —Diore yiyuju.

To yicõari, tibaja ñare ñsigũne, ado bajiro yiyuju ñ:

—Mua jediro adire idiya. ¹⁸ Riojo mware gotiaja yu. “Rotimurogũgõrucuja mu” yigu, Dios yure ñ cõroto rñjoro, uye oco idibetirucuja yu —ñare yiyuju.

¹⁹ To yigajanocõari, pan ñmicõari, “Quënarõ”, Diore yiyuju Jesús. To yigajano, tire mutocõari, ñ buerimasare ñibatogune, ado bajiro ñare gotiyuju ñ:

—Ti ñaja yu rujõ rii. Mware rijabosarucuja yu. Yu rijato bero, mware yu rijabosare tuoñacõari, yure rucubõorã, ado bajirone rëjacõari, barũgũruarãja —ñare yigotiyuju ñ.

²⁰ To yicõari, bare ña baro bero, uye oco sãnaribajare ñmicõari, ado bajiro ñare gotiyuju Jesús quëna:

—Adi ñaja tirũmuana, “Rojose mani yirere masirioato” yirã, Diore rũcũbuoriajũ joere ñna yuejeoriarore bajiro bajise. Yucũrema, yũ ri'i ñaja. Ti suorine, “Gajerodori ado bajiro masare quẽnaro yirũcũja yũ” Dios ã yigotimasiriarore bajiro bajirũaroja yuja. Yũ rijato bero, mũare yũ rijabosare tuoĩacõari, yũre rũcũbuorã, ado bajirone rẽjacõari, idirũgũruarãja —ñnare yiyuju Jesús.

²¹⁻²² To yigajano, ado bajiro ñnare gotiyuju quẽna:

—Dios ã tuoĩariarore bajiro rojose tãmuorũcũja yũ, Dios ã roticõacacũ. To bajiro bajirocũ yũ ñajare, sũgũ mũa rãcagũ, yũ rãca bagũ, yũre ãaterãre yũre ãsirocarũcumi. Yũre ãgotiyirose suorine rojose tãmuorũcũja yũ. “Masare yirẽtobosarũcumi” Dios ã yimasire ñajare, tirtire yigũ bajirũcũja yũma. To bajiboarine, yũre gotiyirogũjuama, rojose tãmuorũcumi —ñnare yigotiyuju Jesús, ã buerimasare.

²³ To bajiro ã yisere ajicõari,

—¿Ñimũjuã ñnati, ãre ãsirocarocũma? —ñna masune gãmerã yisẽniãñujarã ñna.

“¿Ñimũjuã ñagũti ñamasugũma?”, Jesús buerimasa ñna gãmerã yire queti

²⁴ To bajiro gãmerã yigajanocõari,

—¿Ñimũjuã ñagũti ñamasugũma? —gãmerã yi oca josayujarã ñna. ²⁵ To bajiro ñna yijare, ado bajiro ñnare gotiyuju Jesús:

—Ujarã, Dios yarã me ñarã, ñna yarãre buto tutuaro rotirãma ñna. To bajiro yirã ñna ñaboajaquẽne, “Masare quẽnaro yirã ñaama”, yũarũcũbuore ñaja. ²⁶ Mũama, yũ yarã ñari, ñnare bajiro bajibetirũarãja. Yũre ajitirũnũgũ, ñamasugũ ñarũcumi, gãjerã bedire bajiro bajitũoĩagũ. To bajiro yũ yijama, “Gãjerã ñna bojasere masicõari, quẽnaro ñnare yirũcũbuogu ñarũcumi” yigũ yaja yũ. ²⁷ ¿Nijua rẽtoro ñamasugũ ñarøjari, rotigũjuã,

rotiecogũjua? Moarotigu ñagũmi ñamasugũma. To bajiro ti bajiboajaquẽne, yũjua, mua uju ñaboarine mua bojasere masicõari, quẽnaro mũare yigu ñaja yu.

²⁸ Rojose tãmuoadicaju yu. To bajiro bajigu yu ñaboajaquẽne, yure ajitirũnucõa ñaja mua. ²⁹⁻³⁰ To bajiro bajirã mua ñajare, ado bajiro quẽnaro mũare yirucuja yu: “Rotimũorũgõrucuja mu” yigu, yu jacu yure í cũroju, “Rotiruarãja mua quẽne” yigu, mũare cũrucuja yu quẽne. To cõrone juaãmo cõro, cojo gũbo jua jẽnituario ñari-aserire rujiruarãja mua. To yicõari, mani yarã, jud'io masa, juaãmo cõro, cojo gũbo jua jẽnituarirãcu ñarã masatubuarire rotiruarãja mua. Yure ajitirũnurãre, to yicõari, yure ajitirũnũmenare ñacõĩamasiruarãja. To yicõari, yu rãca bare ba, idi yiiñarũgũruarãja mua —ĩnare yiyuju Jesús.

“*Jesúre masibeaja yu*” yirucuja mu”, Pedrore Jesús í yire queti

(Mt 26.31-35; Mr 14.27-31; Jn 13.36-38)

³¹ To yigajanocõari, í buegure Pedrore ado bajiro gotiyuju Jesús:

—Quẽnaro yure ajiya mua. Vãtia uju, “‘Jesúre ajitirũnurã masu ñati ña?’ yĩarũ, rojose ñnare cõarũaja yu”, Diore yisẽniĩañuju í, mũare. To bajiro í yijama, “Rojose ñnare yu cõajama, Jesúre ajitirũnu tũjacoanama ña” yigu, yiyuju í, tire. ³² To bajiro Diore í yiboajaquẽne, Diore mũre sãnibosabu yu, “Yure ajitirũnũbetiboarine, quẽna yure ajitirũnũato í” yigu. To bajiri yure ajitirũnũbetiboarine, quẽna yure mu ajitirũnũro bero, gãjerã yu buerã ñarãre ejarẽmoma, quẽnaro yure ña ajitirũnucõa ñarũgũrotire yigu —Pedrore ñre yiyuju Jesús.

³³ To bajiro ñre í yisere ajicõari, ado bajiro Jesúre ñre yiyuju Pedro:

—Mure ñna tubibeboajaquêne, mure ñna sñacõajaquêne, m̃ rãca ñacõa ñagũ ñari, sñaecomasiaja yũ quêne —Jesúre ñre yiyuju Pedro.

³⁴ To ñ yisere ajicõari, ado bajiro ñre c̃diyuju Jesús:

—Riojo m̃re gotiaja yũ. Busiyuj̃ma gãjabocũ ñ ñagõroto r̃joro idiaji, “Jesúre masibeaja; ñ rãcagũ me ñaja yũ”, yiruc̃ja m̃ —Pedrore ñre yiyuju ñ.

³⁵ To yigajanocõari, ñ buerimasare ado bajiro ñnare s̃niñañuju Jesús:

—¿M̃a c̃osere, m̃a barere, gajeye gũbo sudire quêne tire m̃are juarotibeticõari, “Juarãri, vacõari, yũ ocare gotibosacudiaja” yigũ, m̃are yũ yirotsuocatirũmure ñie m̃are godoc̃ocati? —ñnare yis̃niñañuju.

—Yũare godo c̃obeticaja —yic̃diyujarã ñna.

³⁶ To bajiro ñna yic̃disere ajicõari, ado bajiro ñnare gotiyuju Jesús:

—Yuc̃rema m̃a c̃osere, m̃a barere, to yicõari, m̃a gãjoare quêne juaya. Jariase c̃obecũ, sudiro yoariase, ñ gũboju t̃sariasere ñsicõari, jariasere vaja yiya. ³⁷ Masa rojose yũre ñna yirotire quẽnaro m̃a t̃oĩamasirotire yigũ, to bajise m̃are yaja yũ. Ado bajiro yũre gotiyuja Dios oca masa ñna ucamasire: “Rojorãre ñnare ñna yirore bajiro ñre yiruarãma, rojose ñ tãm̃orotire yirã”, yũre yigotiyuja ti. Diore gotir̃etobosarimasa, “Ado bajiro bajiruaroja” ñna yucamasire ñajare, to bajiro yũre yiruarãma. Ñajediro ñna ucamasirere bajirone bajijeoc̃aruaroja yũre —ñnare yiyuju Jesús.

³⁸ To bajiro ñnare ñ yisere ajimasibeticõari, ado bajiro ñre yiyujarã ñna, ñ buerã:

—Yũa uju, ñaña m̃. Adone juajãi, jariase c̃oaja yũa —yiyujarã ñna.

To bajiro ñna yijare,

—To bajiro masu yimenaja mani —ĩnare yicũdiyuju Jesús yuja.

Getseman'i vãme cutoju veseju, Jesús ĩ jacũre ĩ sãnigũ vare

(Mt 26.36-46; Mr 14.32-42)

³⁹ To yigajanocõari, Jerusalén vãme cũiti macaju ñar'i, Olivo vãme cũiti buroju ĩ buerimasare ĩ ũmato varũgũri-arore bajirone ĩnare ũmato vasuju Jesús. ⁴⁰ Toju ejaõari, ado bajiro ĩnare gotiyuju Jesús:

—Vãtia uju Satanás ĩ yirotisere yicõari, “Dios ĩ bojabetire yirobe” yirã, Diore sãnĩna —ĩnare yiyuju Jesús.

⁴¹⁻⁴² To bajiro ĩnare yicõa, ĩ sĩgũne to sojuabusu vasuju ĩ. ĩacõarine ñagũ, gũsomuniari tuetucõari, ado bajiro Diore sãnĩnuju ĩ:

—Cacu, yũre ĩna sĩaroti matamasiaja mũ. To baji-boarine, mũ bojarore bajirone bajiato —Diore yiyuju.

⁴³ To bajiro ĩre yigajanorone, ángel Diore moabosagu ruyuyuju ĩ. Ruyucõari, “Dios ĩ bojarore bajiro yicõa ñato” yigu, Jesũre ejarẽmoũuju ĩ. ⁴⁴ To ĩ yiro bero, rojose ĩ tãũrotire tuoĩa sutiritigu ñari, butobusa Dios ĩ ejarẽmorotire sãnĩtũjabesuju Jesús. To bajiro bajiñagũ rĩne, buto ri'i rãca vusase usaca budicõari, “tapi, tapi” yivẽjareacũũuju ti, sita joejũre.

⁴⁵ Diore sãnigajano, vũmurũgũcõari, ĩ buerã tu tudie-jayuju. ĩ gotirere buto tuoĩasutiriticodeboa, cãnicoasujarã. ⁴⁶ ĩna tu ejaõari,

—Cãnibesa mua. Vũmurũgũcõari, Diore sãnĩna, “Vãtia uju Satanás ĩ yirotisere yicõari, Dios ĩ bojabetire yirobe” yirã —ĩnare yiyuju Jesús.

Jesũre ĩna ñiare queti

(Mt 26.47-56; Mr 14.43-50; Jn 18.2-11)

⁴⁷ To bajiro Jesús ñnare ñ gotiñarirĩmarone, jãjarã masa vayujarã ñna. Ñnare ñmato vagũ, Judas Iscariote vãme cutigũ, Jesús buerimasũ ñnar'ine ñañuju ñ. To bajivadi, Jesús rĩjorojũa ejacõari, socũne ñre bũto ñamaigũre bajiro ñre usugũagũ yiyuju. ⁴⁸ To ñ yirone, ado bajiro ñre gotiyuju Jesús:

—Judas, ¿Dios ñ roticõacacũre yũre sĩaronare, “To bajiro usugotigũsa”, yitũoĩaboati mũ? —ñre yiyuju Jesús.

⁴⁹ To bajiro ñ yirone, Jesũre ñna ñiarũaro ñamasicõari,

—Yũa mũ, ¿jariase rãca ñnare jasurereacõarãti mũ? — yisẽniĩañujarã ñna, ñ buerã.

⁵⁰ To yisẽniĩarãne, sĩgũ ñ buegũ, ñ jariase yoveaãmicõari, paia mũ ñamasugũre moabosarimasũre gãmorõ jatarocacõañuju. ⁵¹ To ñ yisere ñacõari, ado bajiro ñre yiyuju Jesús:

—Yĩbesa mũ —ñnare yiyuju Jesús, ñ buerãre.

To yicõari, gãmorõ jataroca ecogũjũare ñ gãmorõre ñmitucõari, ñnariarõre bajirõne yiquẽnocõañuju Jesús. ⁵² To yicõari, ñre ñiarũarãre, paia mũjarãre, Diore yirũcũbũoriavi coderimasare, to yicõari, bũcũrãre quẽne, ado bajiro ñnare yiyuju Jesús:

—¿No yirã gãjeyeũni juarudirimasũre ñnarãre bajiro jariaseri rãca, yucũ rãca yũre ñnarã vadiati mũa?

⁵³ Tocãrãcarũmũrine Diore yirũcũbũoriavijũ mũa ñnaro gotimasiorũgũmũ yũ. To bajiboarine yũre ññabetirũgũmũ mũa maji. Yucũrema Dios ñ tũoĩacatore bajirõne bajirũaroja. To bajiri, Satanás sũorine rojose mũa bojarõre bajiro yimasirũarãja mũa yuja —ñnare yiyuju Jesús.

“Jesũre masibeaja yũ”, Pedro ñ yire queti

(Mt 26.57-58, 69-75; Mr 14.53-54, 66-72; Jn 18.12-18, 25-27)

⁵⁴ To bajiro ñ yirone, Jesũre ññacõari, paia mũ ñamasugũ tũjũ ñre ññiasujarã. Tojũ ejacõari, sãjasujarã ñna. ñre ñna

ãmivato, sōjɯ yayiĩsasuyayuju Pedro. ⁵⁵ To bajiri Jesúre ãmivariarã sīgũri tojɯ ejacõari, macajú tũcuro gũdare-cojɯ tujayujarã. Tone jea riocõari, rujiyujarã ãna, jea sũmañarã. To ãna bajiñarone, ejacõari, ãna rãca rujiyuju Pedro quẽne, jea sũmagũ. ⁵⁶ Jeame tɯ rujiɣũ ñari, quẽnaro ruyuyuju ĩ. To bajiro ĩ bajijare, sīgõ paia ɯjɯ ñamasugũre moabosarimaso, jeame tɯ ĩ rujiro ĩre ĩamasicõari,

—Jesúrãcagũne ñaami —Pedrore yiyuju so.

⁵⁷ To bajiro so yisere ajicõari, ado bajiro sore yiyuju Pedro:

—Īre masibeaja yɯ —sore yiyuju.

⁵⁸ To ĩ yiro beroaca, ĩre ĩacõari,

—¿Jesúrãcagũ ñabetiboati mɯ? —ĩre yiyuju gãji.

To bajiro ĩ yisere ajicõari,

—Ī me ñaja yɯ —yiyuju ĩjɯama.

⁵⁹ Cojo hora bero, gãji, Pedro ĩ ñagõsere ajicõari, ĩ babarãre ado bajiro yiyuju:

—Jesúrãcagũne ñaami, Galilea sitagu ñari —yiyuju ĩ.

⁶⁰ To bajiro ĩre ĩ yisere ajicõari, ado bajiro yiyuju Pedro:

—“Riojo yaja mɯ”, mure yimasibeaja yɯ. Jesúre masibeaja —ĩre yiyuju Pedro.

To bajiro ĩ yirirĩmarone, gãjabocɯ ñagõcõañuju yuja.

⁶¹ ĩ ñagõrone, Jesús, jũdarũgũcõari, Pedrore ĩañuju ĩ. ĩ jũdarũgũ ĩarone, Jesús ĩre ĩ gotirere masibujayuju Pedro yuja, “Gãjabocɯ ĩ ñagõroto rĩjoro, idiaji, ‘Jesúre ajisuyagu me ñaja yɯ’ yirɯcɯja mɯ” Jesús ĩ yirere. ⁶² Tire masibujacõari, vacoasuju. Vacõari, bũto otiyuju.

Jesúre ãna ajatud'ire queti

(Mt 26.67-68; Mr 14.65)

⁶³ To bajiri, Jesúre ĩacoderimasa, ĩre jacõari, ajatud'iyujarã ãna. ⁶⁴ ĩ cajere siabibecõari, ĩre jayujarã. To yicõari,

—“ Ī, mure jaami’ yure yigotiami Dios”, yuare yiya mu
—Jesúre ire yisēniīa tud'iyujarā ĩna.

⁶⁵ To yicōari, cojo vāme me ĩre yiajatud'iyujarā ĩna.

Jud'io masa ujarā ñamasurā, “¿Dios macune ñati mu?”,
Jesúre ĩna yisēniīare queti

(Mt 26.59-66; Mr 14.55-64; Jn 18.19-24)

⁶⁶⁻⁶⁷ Busuro bero, paia ujarā quēne, to yicōari, Dios ĩ
rotimasire gotimasiorimasa quēne, Jesús ture rējañujarā
ĩna. Rējacōari, ĩre āmiasujarā ĩna, ujarā ñamasurā tujure.
Toju ejačōari, ado bajiro Jesúre yiyujarā ĩna:

—“Rotimurōgōrucami” yigu, Dios ĩ cōagū mu ñajama,
yuare gotiya —Jesúre ĩre yiyujarā ĩna.

To bajiro ĩre ĩna yisere ajicōari, ado bajiro cudiyuju
Jesús:

—“Īne ñaja yu” yu yijama, yure ajiruamenaja mu.

⁶⁸ Yuju, yu sēniīajama, yure cudimenaja mu —ĩnare
yiyuju Jesús. ⁶⁹ To yigajanocōari, ado bajiro ĩnare gotiyuju
quēna:

—Yu bajiro tire masibeticōari, to bajiro yure yaja mu.
Dios ĩ roticōacacu ñari, yoaro mene ĩ riojojacatua rujicōari
muare yu besero ĩaruarāja mu —yiyuju Jesús.

⁷⁰ To bajiro ĩ yisere ajicōari,

—¿“Dios macune ñaja yu” yigu yati mu? —ĩre
yisēniīañujarā ĩna jediro.

To bajiro ĩna yisere ajicōari,

—To bajirone bajaia. Īne ñaja yu —ĩnare yicudiyuju ĩ
yuja.

⁷¹ To bajiro ĩ yisere ajicōari, ado bajiro gāmerā ñagōñu-
jarā ĩna:

—“Dios ĩ cōacacu, ĩ macu ñaja yu” ĩ yise suorine Diore
rojose yigu yami. No yirā gājerāre, “Rojose yigu ñaami”
yironare macarēmomenaja mani yuja —gāmerā yiyujarā
ĩna.

23

Pilato tujũ Jesúre ãna ãmiejare queti

(Mt 27.1-2, 11-14; Mr 15.1-5; Jn 18.28-38)

¹⁻² To yigajanocõari, Jesúre ãre ãmiasujarã ãna jediro, Pilato vãme cutigu ya vijũ vana. Ì tujũ ãre ãmiejacõari, ado bajiro Jesúre gotiyiroyujarã ãna:

—Ãnire bujabũ yũa. Ado bajiro yimi: “Ujũ Césare gãjoa mũare ã vaja yirotisere mũa vaja yijama, quẽnabeaja. To yicõari, ‘Rotimũorũgõrucumi’ yigu, Dios ã cõagũ ñaja yũ”, yimi —Jesúre ãre yigotiyiroyujarã ãna.

³ To bajiro ãna yise ñajare, ado bajiro Jesúre sẽnĩãñuju Pilato:

—¿Mũne ñati jud'io masa ujũ? —ãre yiyuju Pilato.

To bajiro ã yisere ajicõari, ado bajiro ãre cãdiyuju Jesús:

—To bajirone bajaia —ãre yiyuju Jesús.

⁴ To ã yirone, paia ujarãre, to yicõari, jãjarã masa to ñarãre quẽne ado bajiro ãnare yiyuju Pilato:

—Yũ ãajama, ñie rojose yigu me ñaami —ãnare yi-boayuju Pilato.

⁵ To bajiro ã yiboajaquẽne, bũto avasãñujarã ãna:

—Galilea sitajure gotimasiosũoyumi. Bero, Judea sitana ñajedirore gotibatomavisioami —ãre yiyujarã ãna.

Herodes tujũ Jesúre ãna ãmiejare queti

⁶⁻⁷ To bajiro ãna yisere ajicõari, ado bajiro ãnare sẽnĩãñuju Pilato:

—¿Ãni, Jesús Galileagu ñati? —ãnare yisẽnĩãñuju ã.

To ã yirone,

—Toagũne ñaami —yicãdiyujarã ãna.

To bajiro ãna yijare,

—Ujũ Herodes ya sitagu ã ñajare, Herodejua ãre ãacõãto —ãnare yiyuju Pilato.

Tirūmūrire Jerusalénjune ñañuju Herodes quēne, Pilato ĩ ñarimacane. To bajiri tire masicōari, Herodes tujū Jesúre cōañuju Pilato. ⁸ To bajiri, Jesús ĩ ejaro, ĩre ĩacōari, buto variquēnañuju Herodes, buto ĩre ĩaruarūgūr'i ñari. Yoaro ĩre ĩarūaboayuju. Jesús ĩ yirere ajirūgūr'i ñari, ĩ ĩaro rĭjorojua quēne, ĩañamamani Jesús ĩ yĭosere buto ĩarūayuju ĩ. ⁹ To bajiro yigu ñari, yoaro Jesúre sēniñañuju ĩ. To bajiro ĩ yiboajaquēne, ĩre cūdibesuju Jesús. ¹⁰ Paia ũjarā, Dios ĩ rotimasire gotimasiorimasa buto rojose avasāgotiyiro ñañujarā ĩna. ¹¹ To bajiri, Jesús ĩ cūdibeti ĩaboana, ĩre ajatud'iyujarā Herodes, ĩ surara quēne. To yigajanocōari, quēnariase sudiro Jesúre sācōari, ĩre tuocōañujarā, Pilato tujure quēna. ¹² Tirūmūne Herodes, Pilato rāca gāmerā oca quēnoñujarā ĩna, gāmerā ĩateboariarā.

*“Jesúre sĭaroti ñaja”, ĩna yire queti
(Mt 27.15-26; Mr 15.6-15; Jn 18.39-19.16)*

¹³ ĩ tujū Jesúre ĩ tuocōajare, paia ũjarāre, masa ũjarāre to yicōari, masa to ñarāre quēne jirēoñuju Pilato. ¹⁴ ĩna ejaro, ado bajiro yiyuju ĩ:

—“‘Ŭju César ĩ rotisere cūdibesa mūa’ yigotimavioami” yirā, jējū ānĭre yū tujū āmiejabū mūa. To bajiro mūa yise ñajare, mūa ajiro ĩre quēnaro sēniñaboabū yū. Yū ĩajama, ñie rojose yibecū ñaami. ¹⁵ Herodes quēne, “Ñie rojose yibecū ñaami” yigu ñari, yū tujū ĩre tuocōañumi. “Ñie rojose ĩ yiro cōro ĩre sĭaña manoja”, yaja yū. ¹⁶ To bajiri ĩre bajegajanocōari, bucōaruarāma yū surara — ĩnare yigotiboayuju Pilato, to rējariarāre.

¹⁷ Tocārāca cūma Pascua boserūmū jud'io masa ĩna quēnojama, sĭgū, tubibe ecor'ire ĩna burotigūre ĩnare bubosarūgūñuju Pilato.

¹⁸ To bajiri, “Jesúre ãre bucõarucuja yu” ã yisere ajicõari, ado bajiro Pilatore avasãjedicõañujarã masa:

—¡Bajibeticõato! ¡Barrabájũare bucõari, Jesújũare sãarotiya mu! —yivasã jedicõañujarã ãna.

¹⁹ Barrabás vãme cutigu, “Gobierno ã rotiboasere cudibeticõari, mani masu rotirãsa” yitũoãcõari, ã babarã rãca masare sãar'i ãañuju. To bajiro ã yire vaja tubiberiaviju ãañuju ã.

²⁰ To ãna yiro bero, quẽna ado bajiro gãme tudisẽniãañuju Pilato. To bajiro ãna yivasã ãboajaquẽne, Jesúre bucõaru, quẽna ã budirotire sẽnĩaboayuju Pilato.

²¹ To bajiro ã yirone,

—¡Yucútẽroju ãre jaju sãaroticõãna mu! ¡ãre jajutuya! — ãre yivasã cudiyujarã ãna.

²² To bajiro ãna yirone, jẽre juaji ãnare ã gotiboasere gotiboayuju ã quẽna:

—¿Ñie rojose ã yire suori ãre sãarotiguti yu? ãre quẽnaro sẽnĩãmu yu. Yu ãajama, ãie rojose yibecu ãnaami. To bajiri, ãre bajegajanocõari, bucõaruarãma yu surara — ãnare yigotiboayuju Pilato quẽna.

²³ To ã yiboajaquẽne, ãna yiriarore bajiro, ãre avasãtũjabetesujarã ãna, Jesúre sãaruarã. To bajiro ãna yivasãcõa ãnjare, ãna rotirore bajiro cudigu, Barrabájũare ãre bucõañuju. ²⁴⁻²⁵ To yicõari, Jesújũarema ã yarã surarare ãsiñuju, “Yucútẽroju ãre jajusiato ãna” yigu.

Yucútẽroju Jesúre ãna jajusiãre queti

(Mt 27.32-44; Mr 15.21-32; Jn 19.17-27)

²⁶ To bajiri Jesúre ãmicoasujarã ãna, ãre sãarã vana. ãre ãmivanane, sãgũ Cirene vãme cuti sitagu, Simón vãme cutigure bocayujarã. ãre bocacõari,

—Jesús ã gaja vatijãire ãre gajabosaya —ãre yi vasujarã ãna.

²⁷ Jājarã masa Jesúre sųayujarã ĩna. Rōmia quēne, ĩre sųyacōari, otiyujarã ĩna. ²⁸ To bajiro ĩna otisere ajicōari, ĵadarũgũñuju Jesús. Ĵadarũgũcōari, ado bajiro ĩnare gotiyuju ĩ:

—Mũa Jerusalén macana rōmiri, yũre otibesa. Mũa bajirotire, to yicōari, mũa rĩa ĩna bajirotire tũoĩacōari, otiya. ²⁹ No bojarirũmu ejarũaroja bũto rojose mũa tãmũorotirũmu. Tirũmure ado bajise tũoĩarũarãja mũa: “Rĩa mana rōmiri rojose tãmũorã ñaboarine, bũto sũtir-itibetirũarãma, ‘Bũcurã rĩne bajirearũarãja yũa’ yitũoĩarã ñari”. ³⁰ To bajiri, “Josari rojosere tãmũorobe; rojose mani yise vaja rojose manire cōarũcũmi Dios” yirã, guaro bajireadarotire yirã, “Gũtayucũri yũare tãjoreadayã”, yitũoĩarũarãma.^u ³¹ Yũ yirore bajirone bajirũarãja mũa. Ado bajiro yũ gotisere ajitũoĩaña mũa: “Ñie rojose yibecu ñaami” yũre yirã ñaboarine, yũre rojose yama ĩna. To bajiri, “Rojorã ñaama” mũare yĩarã ñari, rētobusaro mũare rojose yirũarãma ĩna —ĩnare yigotiyuju Jesús, ĩre otisųyarãre.

³² To bajiri gãjerã juarã rojose yiriarãre jua vasujarã, Jesúrãca, ĩnare sĩarũarã. ³³ ĩnare jua va, Rũjoco Buro vãme cuti buroju majaejayujarã. Toju Jesúre, to yicōari, rojorãre quēne, yucũtēroriju jajutuyujarã ĩna. Sĩgũre Jesús riojojacatuare, gãjirema ĩ gãcojacatuajũare jajutuyujarã. ³⁴ Jesús ĩre ĩna jajuturo bero, ado bajiro Diore sēniñuju ĩ:

—Cacũ, yũre sĩarãre rojose ĩna yisere masirioya mũ. “Rojose yirã yirãja yũa” yimasimenane yama ĩna.

^u 23:30 ““Rojose ĩna yise sũorine rojose ĩna tãmũorotire tũoĩamecũrã, gũtayucũri, burori, yũare tooya”, yirũarãma’ yaja Ap 6.16-17. To bajiboarine Lc 23.30 gaje vãme yirũaro yaja”, yiyujarã Dios ocare buerētoburimasa sĩgũri.

To bajiro ĩ yiro bero, Jesús ye sudire bojarã, ado bajiro yiyujarã surara: “Ñimujma ĩ sudire ĩ ɥjaro ĩarãsa mani” yirã, gũtarine reacũia ajeñañujarã. To yiajecõari, ĩ sudire gãmerã ĩsibatoyujarã ĩna. ³⁵ Tire ĩacõari, Jesúre ajatud'iyujarã masa. ĩna ɥjarã quẽne, ado bajiro Jesúre ajatud'iyujarã ĩna:

—Gãjerãre rijaye cõtirãre catorũgũmi. To bajiri, “Rotimũorũgõrucumi” yigũ, Dios ĩ cõagũ ĩ ñajama, ĩ masune rujiadimasiato —yiajatud'iyujarã ĩna.

³⁶⁻³⁷ Surara quẽne ĩre ajatud'iyujarã ĩna. ĩ tũjũ ejacõari, ɥye oco jiasere Jesúre idirotiboyujarã. ĩre idirotirãne, ado bajiro ĩre ajatud'iyujarã ĩna:

—Mũ jud'io masa ɥjũ mũ ñajama, mũ masune rujiaya —ĩre yiajatud'iyujarã ĩna.

³⁸ Jesús ĩ jaju ecoritẽrojũre ĩ rũjoa vecare griego masa oca, romano masa oca, jud'io masa oca ĩna ucaturia jũro tuyayuju. Ado bajise yirijũro ñañuju ti: “Åni ñaami jud'io masa ɥjũ”, yiuca ñañuju.

³⁹ To bajicõari, sũgũ rojogũ Jesúrãca yucátẽrojũ jaju ecor'i ado bajiro ĩre tud'iyuju ĩ quẽne, Jesúre:

—¿“Rotimũorũgõrucumi” yigũ, Dios ĩ cõagũ me ñatique mũ? ĩ mũ ñajama, rujiacõari, yũare yirẽtobosaya —ĩre yitud'iyuju ĩ quẽne.

⁴⁰ To bajiro ĩ yisere ajicõari, gãjjũama, ado bajiro ĩre boca yiyuju ĩ:

—Rojose mani yire sũori manirema jajutuama ĩna. To bajiri, ¿Dios tũjũ ejacõari, rojose mũ yise vaja rojose mure ĩ yirotire gãibeatique mũma? ⁴¹ Manima, mani masu ye sũorine bajiaja. To bajilboarine, ĩjũama, ñie rojose yibecu ñaami —boca yiyuju.

⁴² To bajiro yigajanocõari, ado bajiro Jesújũare gotiyuju ĩ:

—Jesús, “Rotimworũgõrucumi” yigũ, mũre cõar'i Dios ï cũro bero, yũre ïamaicõari, rojose yũ yise vaja rojose tãmuotujabetiriaroju yũ vaborotire yũre yirẽtobosaba — Jesúre yigotiyuju ï.

⁴³ To ï yisere ajicõari,

—Yũre quẽnaro ajiya mũ. Adirũmũne yũre ajitirũnrã ïna variquẽna tujabetoju yũ rãca ñarucuja mũ —ĩre yicũdiyuju Jesús.

Jesús ï usutadire queti

(Mt 27.45-56; Mr 15.33-41; Jn 19.28-30)

⁴⁴⁻⁴⁵ Jesúre ïna jajusĩariarũmũne, ãmũrecaji ñarone, rẽtiañuju yuja. Idia hora cõro rẽtiañañuju. Idia hora rẽtiatusatone, Diore yirũcũbuoriavijũ sudigasero yotoriaro vorujijedicoasuju ti. Tiase yotoriaro, “‘Dios ï ñarisõa’ vãme cũiti sõare sãjamasibeama masa”, yimasiriaro ñaboayuju. ⁴⁶ To ti bajirone,

—¡Cacu, yũ usũre mũ tujũ cõaja yũ! —Diore yiavasã, usũtadicoasuju ï yuja.

⁴⁷ To bajiro ï bajijare, ado bajiro yiyuju surara ƣju:

—Riojone bajiboayuja. Ñie rojose yigũ me ñamasi-boayumi ãni —yiyuju ï.

⁴⁸⁻⁴⁹ Jãjarã masa ñañujarã, Jesúre ïna sĩarore ïarã vadiri-arã. Jesúre masirã quẽne, Galilea sitana rõmiri ïre sũyaboariarã quẽne, ïre ïna sĩasere sõju ïarũgõñujarã ïna quẽne. Tire ïagajanocõari, buto sutiritirãne tudijedicoasujarã ïna.

Jesúre ïna yujere queti

(Mt 27.57-61; Mr 15.42-47; Jn 19.38-42)

⁵⁰ Arimatea macagũ, José vãme cũitigũ ñañuju. Jud'io masa ƣjarã rãcagũ, masa ïna ïarũcũbuogũ, quẽnaro yigũ ñañuju ï. To bajicõari, Diore quẽnaro ajirũcũbuogũ, ï rotimasirere quẽnaro cũdigũ ñañuju. ⁵¹ Ƣjarã Jesúre ïna

sīaruasere bojabesuju ijuama. “ ‘Rotimuoŕũgõrũcũmi’ yigũ, Dios ĩ cõar'i ñaami”, Jesũre yitũoĩagũ ñañuju. ⁵² Jesũs rujũre ãmirũ, Pilatore sãnigũ vasuju ĩ. ⁵³ ĩre sãnĩcõari, Jesũs rujũre ãmirujiocõari, sudijãiri botirijãiri rãca ĩre gũmañuju. To yigajanocõari, masa yujerivi gũtavi ĩna quẽnorivijũ ĩ rujũre cũñuju. Gãjerãre yujeĩaña manivi ñañuju ti vi. ⁵⁴ Tirũmũjuama jud'io masa ĩna usũsãjariarũmũ rĩjoroagarũmũ rãiorotirũmũ rĩjoroaca ñañuju.^V

⁵⁵ Jesũrãcana rõmiri, Galilea sitana vadimasiriarã rõmiri Jesũre ĩre yujeroanare ĩasũyayujarã ĩna. ĩnare sũya, eja, ĩna yujerivire ĩacõari, Jesũs rujũre ĩna cũrore ĩañujarã ĩna. ⁵⁶ ĩagajanocõari, tudicoasujarã. Tudie-jacõari, ĩna ñarivijũ sutiquẽnasere rijariarã rãca cũre quẽnoñujarã ĩna. To yigajanocõari, usũsãjariarũmũ ti ejaro, Dios ĩ rotimasiriarore bajiro usũsãjañujarã ĩna.

24

Jesũs ĩ tudicatire queti

(Mt 28.1-10; Mr 16.1-8; Jn 20.1-10)

¹ Gaje semana ĩna moasũoriarũmũ ti busumũjado Jesũs rujũre ĩna yujerivire ĩarã vasujarã rõmia, sutiquẽnase ĩna quẽnorere, “Tuto mani” yirã. ² Ejacõari, ĩna ĩajama, gũta tũnuobibeboaria mañuju. ³ To bajiri ti vi sãjacõari, ĩaboayujarã ĩna. ĩ rujũri mañuju. ⁴ To bajiro ti bajiro ĩacõari, “¿No bajiro bajiyujari ti?” ĩna yitũoĩarone, ĩna tũre ángel mesa juarã ruyuarũgũcõañujarã ĩna. Bũto yaase sudi sãñarã ñañujarã ĩna. ⁵ To bajiro ĩna bajirone, bũto gũirãne, gũsomuniari tuetucõari, mureacũcoasujarã

^V 23:54 “Usũsãjariarũmũre yirã, ĩna moatusariarũmũ rãioato bero ñasũoaja”, yirũgũñujarã jud'io masa. To bajiri, quẽnoveo jeocõarũgũñujarã ĩna usũsãjarotirũmũ ejaroto rĩjoro, tirũmũre “Moamenane usũsãjacõa ñarãsa” yirã ñari.

ĩna. To ĩna bajirone, ado bajiro ĩnare gotiyujarã ĩna, ángel mesa:

—¿No yirã rijariarã yujeriaroju Jesúre macati mua? ⁶ Maami adorema. Jěre caticoami. Mua rãca Galileaju ñagũ, ado bajiro mũare ĩ goticatire tũoĩaña mua: ⁷ “Dios ĩ roticõacacu, rojorãre ĩsiecorucuja yu. Yũre jajutu sãruarãma ĩna. To bajiboarine yũre ĩna sãro bero, idiarũmu tusatirũmũne quẽna tudicaticoarucuja yu”, mũare yicami Jesús —ĩnare yigotiyujarã ĩna ángel mesa.

⁸⁻¹⁰ To bajiro Jesús ĩnare ĩ gotirere tũoĩabujacõari, tudicoasujarã ĩna. Toju ñañujarã Jesús buerimasa juaãmo cõro, gũbo, coja jẽnituarirãcu ñarã, gãjerã ĩ rãca ñarã quẽne ñañujarã ĩna. To bajiri ĩna tũjũre tudiejacoasujarã ĩna, rõmia. Ado bajiro vãme cutirã ñañujarã ĩna: Mar'ia Magdalena vãme cutigo ñañuju so. Bero Juana, bero gajeo Mar'ia, Santiago jaco ñañuju so. To yicõari, gãjerã quẽne ñañujarã ĩna. To bajiri Jesús buerimasa tũju ejacõari, jediro ĩnare bajirere gotiyujarã ĩna. ¹¹ To bajiro ĩnare ĩna gotiboajaquẽne, ĩnare ajitirũnũbesujarã Jesús buerimasa. “Mecurã yama ĩna”, yitũoĩañujarã ĩna.

¹² To bajiboarine, Pedrojũama, ĩna gotisere ajicõari, ũmacoasuju ĩ. ũma vaejacõari, sojejũ mubiar'i, ĩasõñuju ĩ. Jesúre ĩna gũmaboare rĩne ñañuju ti. Tire ĩacõari, “¿No bajiro bajicõari, bajiyujari ti?” yitũoĩarejaigũne, tudicoasuju ĩ.

Emaús vãme cuti macaju vanare Jesús ĩnare ĩ ruyuaĩore queti

(*Mr 16.12-13*)

¹³ Tirũmũne Jesúrãca ñariarã juarã vasujarã ĩna, Emaús vãme cuti macaju vana. Jerusalénju ñacõari, Emaús vãme cuti macajũre varia maa, once kilómetros ñañuju ti. ¹⁴ To vanane, Jesús ĩ bajirocarere gãmerã queti gotivasujarã ĩna. ¹⁵ To bajiro ĩna yi vatone, ĩnare ĩmũñuju Jesús.

¹⁶ Īnare ĩ ěmũboajaquẽne, “Jesúne ñaami”, yimasibesujarã, Dios, ĩre ĩna ĩamasiborotire ĩnare ĩ masiriocõajare.

¹⁷ To bajiri ĩ rãca vacõa ñañujarã ĩna. To bajivacũne,

—¿Ñie ũni quetire gãmerã gotiati mũa? —Jesús ĩnare ĩ yisẽniĩarone, sutiritirãne, tujarũgũñujarã ĩna.

¹⁸ To bajicõari, sĭgũ, Cleofas vãme cõtigu ado bajiro Jesúre sẽnĩiañuju ĩ:

—¿Mũma Jerusalénjũre vacudigu ñaboarine, adirũmari bajiĩasere masibeati mũ? —Jesúre ĩre yisẽnĩiañuju ĩ.

¹⁹ To bajiro ĩ yisere ajicõari, ado bajiro ĩre yiyuju Jesús:

—¿No bajiro bajise ũnre yigu yati mũ? —Īnare yisẽnĩiañuju ĩ.

To bajiro ĩ yisere ajicõari, ado bajiro Jesúre ĩre cãdiyujarã ĩna:

—Jesús, Nazaret macagũre ĩna yimasisere yaja yũa. Īma, Diore gotirẽtobosagu ñari, quẽnaro masare gotimasiocõari, ĩaiañamanire yĩogũ ĩ ñajare, Dios, to yicõari masa jediro, “Quẽnagũ ñaami”, ĩna yĩagũ ñaboami.

²⁰ To bajiro yigu ĩ ñaboajaquẽne, paia ւjarã, mani ւjarã rãca ĩre sĭaroticõamasiñuma ĩna. Yucátẽrojũ ĩre jajsĭarotimasiñuma.

²¹ “Īma, Israel sitanare, quẽnaro yũa ñarotire yiejarẽmorocu ñagũmi”, yitũoĩamasiboabũ yũa. ĩre ĩna sĭamasirirũmũ rãca mani cõĩajama, idiarũmũ tũsatirũmũ ñaja.

²²⁻²⁴ “Ī rujũrire bujabeju yũa”, yima. “To yũa ĩañarone, yũare ruyuaĩoma ángel mesa. Yũare ruyuaĩocõari, ‘Jẽre tudicaticoami Jesús’”, ĩnare yigotiyujarã ĩna.

“To bajiro yima” ĩna yigotisere ajicõari, no yimasibetiboana, yũa rãca ñarã, sĭgũri ĩarã vasuma ĩna. Tojũ vaejacõari, rõmia ĩna gotiriarore bajirone Jesús rujũri ti manore ĩañujarã ĩna quẽne —Jesúre yigotiyujarã ĩna, Emaús vãme cõtĩ macajũ vana.

²⁵ To bajiro ĩna yisere ajicõari, ado bajiro ĩnare yiyuju Jesús:

—Tuoĩamasimenare bajiro bajiaja mũa. Diore gotirẽ-tobosarimasa ñamasiriarã “Rotimũorũgõrũcũmi” yigũ, Dios ĩ cõarocũ ĩ bajirotire ĩna ucamasire ti ñaboajaquẽne, “Riojo gotiriarãma”, yitũoĩabeaja mũa maji. ²⁶ “‘Rotimũorũgõrũcũmi’ yigũ, Dios ĩ cõarocũ, ĩ rotiroto rĩjoro, rojose tãmũorũcũmi”, yucamasiñuma ĩna jediro — ĩnare yiyuju Jesús.

²⁷ To yigajanocõari, “Rotimũorũgõrũcũmi” yigũ, Dios ĩ cõarocũ ĩ bajirotire Moisés ĩ ucamasirere, gãjerã ñajediro Diore gotirẽtobosamasiriarã ĩna ucamasirere quẽne ĩnare gotirẽtobuyuju ĩ.

²⁸ To bajiro ĩnare goti vacũ rĩne, ĩna vati macare ejacõari, ĩna tujaro ãnone Jesũjũama, rẽtoarocũre bajiro bajiyuju. ²⁹ To ĩ bajiboajaquẽne, ĩre rẽtoarotibesujarã ĩna.

—Vabesa mũ. Adone yũa rãca tujaya. Rãioato bajiaja —ĩre yiyujarã.

To bajiro ĩre ĩna yijare, ĩna ya vijũ ĩna rãca sãjasuju ĩ. ³⁰ ĩna sãjaejacõari bero, ĩna rãca barujiũne, pan ãmicõari, “Quẽnaja”, Diore yigotiyuju Jesús. To yigajanocõari, panre mũtocõari, ĩnare ĩsibatoyuju ĩ. ³¹ To ĩ yirone, ĩre ĩna ĩamasirotire cõañuju Dios. ĩre ĩna ĩamasirĩmarone, yayicõa tũjasuju Jesús. ³² To ĩ bajirone, ado bajiro gãmerã yiyujarã ĩna:

—Manire ãmũcõari, quẽnaro ĩ gotirũtu vadisere ajivariquẽnamũ mani. To bajiri, “Jesũne ñaami”, yĩamasiroti ñaboabũ ti —gãmerã yiyujarã ĩna.

³³ To yĩnarãne, Jerusalénjũ tudicoasujarã ĩna, Jesús buerimasa, jũãmo cõro, gũbo coja jẽnituarirãcũ ñarã, to yicõari gãjerã ĩna rãcana quẽne ĩna ñarojũ. ³⁴ To bajiri, ĩna tudiejarõ ĩacõari, ado bajiro ĩnare gotiyujarã ĩna:

—Mani mũjũ tudicaticoasumi. Pedrore ruyuaĩoñuju ĩ — ĩnare yigotiyujarã ĩna.

³⁵ To bajiro ñna yigotigajanorone, Jesúrãca ñna vare quetire, to yicõari, panre m̄tocõari, ñnare ñ isibatorone, ñre ñna ñamasirere ñnare gotiyujarã ñna, Emaús maca varirãjũa.

*Ñ buerã vatoajũre Jesús ñ ruyuaĩore queti
(Mt 28.16-20; Mr 16.14-18; Jn 20.19-23)*

³⁶ To bajiro ñna gotiñarone, ñna vatoajũ ruyuarũgũñju Jesús. Ruyuarũgũcõari,

—¿Ñnati m̄a? Quẽnaro ñaña m̄a —ñnare yiyuju ñ.

³⁷ To bajiro ñ yiejaro, ñre ñaucacõari, b̄to gũiyujarã ñna. “¿Bajirocar'i v̄ati ñaami!”, yitũoĩagũiyujarã ñna. ³⁸ To ñna yigũisere ñacõari, ado bajiro ñnare yiyuju Jesús:

—¿No yirã yũre ñaucati? ¿No bajiro yirã, “Jesús me ñaami”, yitũoĩati m̄a? ³⁹ Yũne ñaja. Yũ ãmorire, yũ gũborire, ñna jajumasise godore ñaĩasaque m̄a. Yũre moaĩaña m̄a. Bajirocar'i v̄atima, gõa maami. Ri'i maami. Yũma ri'i cutijedicõaja yũ. Ñaña m̄a —ñnare yiyuju Jesús.

⁴⁰ To bajiro ñnare yigotigajanocõari, ñ ãmorire, ñ gũborire quẽne ñnare ñoñju ñ. ⁴¹ To bajiro ñnare ñ yiboajaquẽne, “Ñne ñ ñajama, quẽnamasucõaboroja”, ñre yitũoĩacõa ñañujarã ñna maji. To bajiro ñre ñna yitũoĩacõa ñajare, ado bajiro ñnare yiyuju ñ:

—¿Bare c̄oati m̄a? —ñnare yisẽniñju ñ.

⁴² To bajiro ñ yijare, vai sesoriajuria ñre ñsiñujarã ñna. ⁴³ Ñre ñna ñsironne, ñna ñaro rĩjorojũa bayuju ñ. ⁴⁴ Tire bagajanocõari, ado bajiro ñnare gotiyuju:

—Yũ bajirocaroto rĩjorojũa yũ bajirotire m̄are goticajũ yũ. Moisés ñ ucamasire, to yicõari, Diore gotirẽto-bosarimasa ñamasiriarã Salmo ñna ucamasire quẽne yũ bajirotirene yimasiñuma —ñnare yigotiyuju Jesús.

⁴⁵ To bajiro ñnare yigoticōari, Dios oca masa ñna ucamasirere ñna ajimasirotire ñnare ɰjoyuju ĩ. ⁴⁶ To yigajanocōari, ado bajiro ñnare gotimasioñuju ĩ:

—Ado bajiro yɰ bajirotire gotiaja Dios oca masa ñna ucamasire: “‘Rotimɰorŭgōrɰcɰmi’ yigɰ, Dios ĩ cōarocɰ bajirocacoarɰcɰmi. Bajirocaboarine, ĩ bajirocaro bero, idiarŭmɰ tɰsatirŭmɰne tudicaticoarɰcɰmi. ⁴⁷ ĩ tudicatio bero, Jerusalén macanare gotimasiorɰarāma. Ñnare ñna gotimasioro bero, adi macarɰcɰro ñarā jedirore ado bajiro gotimasiorɰarāma: ‘Rojose mɰa yisere tɰoĩasɰtiriticōari, yitɰjaya mɰa. To bajiro mɰa yijama, rojose mɰa yise vaja mɰare Cristo ĩ vaja yibosare ñajare, rojose mɰa yisere masirio variquēnarɰcɰmi Dios’ yigotimasiorɰarāma”, yigotiaja ti, Dios oca masa ñna ucamasire. ⁴⁸ Mɰama, to bajiro yɰ bajisere ĩarā ñari, “Riojone ñaja. To bajirone bajicajɰ”, gājerāre yigotimasirɰarāja mɰa. ⁴⁹ Dios ĩ yicatore bajirone mɰa rāca ñarocɰre Esp'iritu Santore mɰare cōarɰcɰja yɰ. To bajiri, adi macane Jerusalénne yuñarɰarāja mɰa maji. Esp'iritu Santo rujejacōari, Dios ĩ masisere mɰare ɰjorɰcɰmi. To bajiro ĩ yiro bero, yɰ ocare goticudirā varɰarāja mɰa —ñnare yigotiyuju Jesús.

Dios ĩ ñnarojɰ Jesús ĩ mɰjare queti

(Mr 16.19-20)

⁵⁰ To bajiro ñnare ĩ yiro bero, Betania vāme cɰti maca tɰjɰ ĩ buerimasare ũmato vasuju ĩ. Tojɰ ejacōari, ĩ āmori ñmɰori,

—Quēnaro mɰare yato Dios —yiyuju ĩ.

⁵¹ To bajiro ñnare ĩ yuñarone, ĩ ñnarojɰ ĩre āmimɰjacoasuju Dios. ⁵² Dios ĩre ĩ āmimɰjatone, muqueacōari, Jesúre rŭcɰbɰoyujarā ñna. To yigajanocōari, Jerusalénjɰ quēnaro variquēnarā tudicoasujarā ñna yuja. ⁵³ Tudiejacōari, tocārācarŭmɰri Diore yirŭcɰbɰoriavijɰ sājacōari, “Quēnaro yaja mɰ”, ĩre yivariquēnarŭgŭñujarā ñna.

SAN LUCAS 24:53

157

SAN LUCAS 24:53

To cõro ñaja.

Dios oca gotirituti

New Testament in Barasana-Eduria (CO:bsn:Barasana-Eduria)

copyright © 2010 Wycliffe Bible Translators, Inc.

Language: Barasana-Eduria

Translation by: Wycliffe Bible Translators, Inc.

Copyright Information

© 2010, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Barasana-Eduria

© 2010, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-22

PDF generated using Haiola and XeLaTeX on 8 Sep 2021 from source files dated 18 Aug 2021

b6661d38-f021-5259-8010-5dec5b9ba28d